

中國第一歷史檔案館
遼寧省檔案館

編

中國明朝檔案總匯

(八五)

廣西師範大學出版社

中國第一歷史檔案館
遼寧省檔案館

編

中國明朝檔案總匯

(八五)

廣西師範大學出版社



目錄

明代檔冊

第一冊

各處鎮守守備內外官員不許置買莊田店鋪役使軍民及多養馬匹例	一〇
鎮守守備等官取錢害人聽科道及巡撫巡按劾奏及占奪有主山場田地悉令退還例	二三
禁約投託各邊鎮守守備等官為家人義男所屬官將家人義男送與各官交結等項例	四二
內外鎮守等官不許擅受詞狀	七四
各處鎮守官不許受理詞訟	七五
禁約在外都指揮等官私家在濫受詞狀并同知府州縣酷刑反科罰例	八六
各邊官軍捏奏本官官員分巡官親詣勘問	九四
軍官軍余誣告軍職不抵所誣常例發落	九六

第二冊

刑科左給事中毛弘等題為陳言防患弭災事	一五七
京官公差在外遇有驚急密切事情許寫題本例	一五九
南京刑部都察院係會審參官并緊急重務許寫題本例	一六二
通傳朝報例	一三五

第三冊

巡撫巡按放回外任老疾等項官員類奏吏部稽考	一五七
為事為民脫逃等項官員開報吏部例	一五九
內外問刑衙門將問發官吏監生充軍為民等項略節招田開報吏部查考例	一六二

關防問革為民充軍等項官吏詐冒選法例	一六七
去任官員詐稱起復發口外為民例	一七七
考察內外官員	二一〇
考察內外官員例	二一六
京官考滿不稱撫拾原考官員問罪例	二三八

第四冊

清理富戶例	二五一
處置荆襄流民例	二五六
流民進入湖廣等處禁山寄籍并捏詞具告問罪枷號充軍例	二八〇
荆襄流民潛住禁山充軍正犯枷號家小隨住例	二八九
禁約一概拘集十年里甲協同辦理例	三〇二
禁約久禁罪人并供應等項例	三〇四
禁約日應支直例	三一〇
禁革均徭銀兩以蘇民困	三一六
均徭不許增加餘銀鎮守不許干預均徭例	三二二
差徭作弊官吏里胥坐以枉法重罪例	三三八
巡撫巡按處置均徭例	三四二
宛平大興二縣取撥庫役穩婆辦納刑杖例	三四九
優免官吏生員雜泛差役例	二五二

第五冊

虧欠馬駒四匹折買一匹	三六一
差撥御史會同太僕寺官印烙馬匹例	三六五
管馬官科斂饋送雖非贓私降等叙用	三七〇

解馬違限并違例差人及一年之上不來完馬取批者一體查問例	三七九
馬販兜攬交俵馬匹發邊遠克軍例	三八三
馬販通同醫獸隸卒兜攬馬匹上納枷號充軍例	三九〇
解京馬匹分管寺丞等官驗過不堪許令養戶變賣湊買好馬	三九八
馬販係職官亦照例枷號一個月係邊軍及再犯累犯者發極邊衛分俱充軍例	四〇三
納馬贖罪照原運灰腳價折納例	四一
下班官軍交兌騎操馬匹	四一七
私借官馬馱載物件兩人共騎婦人騎坐并賃借與人各問罪罰馬	四二一
放班官軍交兌馬匹私自起程者追罰好馬一匹例	四二二
該班官軍未到并拐馬不來者轉行巡按御史挨拿解問明白送營罰班半年例	四三〇
官馬不許借人及不許騎坐馱載物件事發罰馬例	四三三
查點下場軍馬	四三四
單丁貧軍免其領養馬匹及禁約將官馬借人騎坐并在京馱負貨物耕田走遞彼此罰馬聽巡馬御史等官捉拿	四三八
賁送馬騾文冊不許擅差軍舍餘違悞	四四七
比較馬匹造冊違限官問罪住俸	四五二
各邊騎操馬匹開報行太僕寺比較印烙例	四五五
通行鳳陽淮安等處禁約宰殺耕牛并有司奉行不至降用例	四六九
歲報牛只及帶俸軍職無過管事禁約冒襲	四七一
申明私宰耕牛事例	四七六
贓罰牛只送太僕寺喂養供應例	四八〇
贓罰牛只送兵部轉發飼養	四八三

各處鎮守守備內外官員不許置買庄田店鋪
役使軍民及多養馬匹例

成化元年三月初七日兵部尚書王 等題爲
撫安軍民事職方清吏司案呈奉本部送兵科
抄出巡撫湖廣都察院左僉都御史王 題照
得各處鎮守內外官員原帶京官京馬爲因生
事害人已該巡撫甘肅左僉都御史吳 奏准
取回去訖誠爲地方之幸以臣觀之地方軍民
被帶來京官京軍害者固有而鎮守等官尤甚
詳其所由蓋緣各處鎮守內臣總兵叅將守備
都指揮等官守法奉公者少貪利徇私者多其
間有所在鎮地方廣置莊田役使軍人耕種驅

使附近人民出備牛隻代伊耕畢方許民耕却將所得糧米替人輸納取利肥已詭計上倉冒支官銀者有於各該鎮市衝要去處多買店房鋪舍揀選富實軍人領伊資本開將鋪店每遇各處貨物到來先儘伊家買盡方許軍民交易及舉放私債倍取利息軍民人等稍有負欠不經該管官司輒便鎖繯私家拷打加倍追償間有貧難只得典家產變賣兒男相還者又有多方設計考取鎮屬官軍士等好馬不下百余匹已爲已有每匹俱要衛所撥軍喂養有司每日支給草料其數不少甚至不支本色折收銀兩又令心腹伴當探听衛所但有倒死馬俱要伊

馬匹還官其馬本值銀十兩勅要二三十兩者
况各官出入多是扛擡所養馬匹不過玩目圖
利和益於事似此害之弊不可枚舉乞

勅該部計處合無通行各處巡撫御史并按察司官
查勘本處鎮守內官總兵叅將并守備都指揮
等官果有侵奪民利置有莊田鋪店者盡數人
官莊田撥民耕種照利起科鋪店招商買賣依
例納課仍禁約放債擾民仍定與各官合用馬
匹數目無事之時令其自行喂養有事之際方
許閔支草料不許似前多馬匹負累軍民敢有
故違不遵者听巡按御史按察司官指實覈
奏拏問如此則法令嚴明人心知懼邊儲減省而軍

民獲安等因奉

聖旨該部知道欽此欽遵抄出送司案呈到部參照
左都御史王 奏稱各該鎮守守備內外官員
在所鎮地方廣置莊田店鋪役使軍民人等耕
種買賣及侵奪民利霍害軍民要行查追入官
及禁約等情所據各該官員俱屬違法合當追
究緣無指實難便施行合無准其所奏行移都
察院轉行各該巡按監察御史并都布按三司
各委堂上公直官一員詣屬從公查勘彼處內
外鎮守守備等官但有在彼置買莊田鋪店盡
數查報見數丈量明白就收入官莊田給撥無
田軍民佃種店鋪招商買賣依例起科納課將

查給過店錢房屋數目緣由經自回
奏及行戶部知會其有先投托及其被挾勢役
使耕種買賣等項軍餘許令自首著役送操俱
免坐罪再照奏稱又行定與各官合用馬匹數
目一節查得先該戶部官議奏奉

英宗皇帝聖旨邊上鎮守內外官員馬匹不拘官私
照正統年間例止與四匹料豆不及四匹的不
許多報欽此合無通行各邊鎮守內外官員各
照前例止許養馬四匹支給不等料豆其違不
許仍前違例多養負累軍民倘有倚恃權勢不
服取勘給撥故違不悛者許令巡按監察御史
按察司官指實具

奏挈問其御史等官有恂情受囑不行從公取
勘致有隱漏并有司衛所仍前阿諛擅撥軍民
與其役使及有軍餘自行投托者事發一体治
以重罪如此則貪婪知所警惕軍民得以安生
奉

聖旨鎮守內外官員種田養馬不拘官私止與四匹
草料欽此

各邊管軍官於所部內放債及強賣馬匹
一件禁約事成化八年七月內該都察院左都
御史李 等節題

欽奉

憲宗皇帝聖旨體訪得有等管軍頭目恃權挾勢往

往使令家人伴當及跟隨人等假以賣買爲名
將雜銀初布撒放與各路衛所管操屯官員俵
散與該管旗軍餘丁每雜銀一兩強要細米一
石二三斗又逼令出備車牛裝送其管操屯
官員因而各將自己物貨混同在內散放加倍
取利肥己又有等欺公貪利之徒令人與販老
弱瘦損馬匹用強分俵與馬隊軍士抵作買補
似此作弊非止一端邊軍被害莫此爲甚任都
察院合無通行禁約嚴加出榜於沿邊各路大
小城堡常川張掛曉諭管軍人等今後敢有稱
係家人伴當等項倚恃豪勢撒放錢債強買馬
匹多取價利擾害邊軍者許被害之人指實徑

過巡撫巡按并按察司分巡官處陳告就便拏問明白監候奏

請發落干碍管軍頭目及豪家之人亦就拿問欽此

禁軍職官舍餘部軍原籍誑騙財物

成化十五年九月十八日早各官題爲建言民情事准兵部咨武庫清吏司案呈奉本部送准禮部咨該湖廣武開衛淑浦屯小甲周禎言一件官舍擾人事切見本衛左右一十六所帶管另軍人卷黃圖等八馬四軍士原籍浙江等處布政司南北直隸人民自洪武年間克軍近年以來節有指揮等官常以公差襲替無職舍人許

克官員挾帶赴軍官枉道各府縣軍戶之家虎
赫稱係親管詐要銀兩駢騾馬匹又有假寫文
約書信捏作當軍戶丁措借無力銀五七兩十
兩二十三兩鄉民惧怕只得曲情典買地田
房屋措還賁發不敷准折子女帶回爲奴驅使
甚多有貧難無措回衛跟尋當軍人丁被其吏
捏稱拒頑不服操差及毀罵等情捉拿監問受
苦不過轉借銀兩送與方得脫免且如臣有本
營軍人朱得童二王大等原籍河南開封府鄆
陵縣太原縣人常被本衛公差指揮及舍人趙
昇 旻等多帶人馬不次誑騙故將戶頭董敬
朱伍等網打勒要銀兩將地土耕牛變賣打發

却要分付轉備盤纏好馬等候公差襲替回還
取用不及數月復至受害難以枚舉如蒙乞

勅兵部議擬通行浙江等布政司南北直隸巡撫巡
按御史嚴加出榜轉發府州縣禁約但有前項
誑騙之徒許被害之人赴官告拿取問如律庶
得軍民免致受害等因具本該通政司官奏抄
禮部會同各部都察院通政司大理寺六科給
事中議得前事合行巡撫巡按等官禁治緣由
各官奉

聖旨照例欽此

鎮守守備等官取錢害人聽科道及巡撫巡
按劾

兵

奏及占奪有主山塲田地悉令退還例

弘治元年閏正月二十五日太子太保兵部尚書余等題爲陳言事職方清吏司案呈該雲南道監察御史葛萱奏條陳四事具本該通政司官奏奉

聖旨該衙門知道欽此欽遵抄呈到部今將擇鎮守以安地方一事議擬開立前件弘治元年閏正月二十五日太子太保尚書余等題奉

聖旨准議欽此

計開

一擇鎮守以安地方臣觀各處鎮守守備分守等官為一方之保障係軍民之休戚其任可謂重矣得其人則事妥而民安非其人而事擾則

害豈可不擇其人而輕委任之也近年以來領
是職者縱人騷擾有司側目百姓含羞又有橫
肆之徒聽用賴無小人將空閑有主山場田土
地塘等項妄稱官地田土_池塘等項妄稱官地報
於本官占爲己業百姓畏不敢與爭似此之數
不可枚舉

朝廷委託盛意本欲地方之安而轉爲地方之害臣
又聞兩京內外官軍者有辦月錢之名官門者
有網兒錢之號官糧者有常例錢鎮守者有年
例錢抽分者有課子錢各色收料者有拜見錢
納灰者有收灰錢納冰者有收冰錢臣於成化
二十年冬月早晨往本衙門辦事於太平門外

堤上親見後湖挑冰軍士言每軍挑冰五石出
錢二十文以萬軍計之該載號曰收冰錢沿途
嗟怨誠有不忍臣恐剝削年深軍民愈困深爲
未便臣彼時亦欲陳言臣因丁憂遂寢近自
陛下即位以來此風漸息臣再歷陳前弊除有例
欽給者

請量加裁減無例擅自科擾者痛加禁革所以多弊
者蓋由不得其人故耳今日武臣內臣領鎮守
分守之託者使德望如班超仁信如羊佑愛物
如曹彬料敵如趙充國必能鎮靜一方自無歛
怨害民之事今日領守備總督之責者使廉靜
如朱儀經濟如周忱勤勞如陳豫忠鯁如王鯁

必能撫恤一方自無分妄爲之失方今內外既有其人但其間不能無不肖之混進故不能無前之數弊也乞

勅吏兵二部都察院六科十三道通將各處鎮守守備分守內臣武臣文職并倉場門禁員數評其賢否得失才識高下悉要推舉諳練治体老成端謹之人取其所長舍其所短隨其不器斟酌用之如某人堪任某官某人可治某事可畱者畱之可調者調之其餘濫設及生事擾民者取回別用庶使地方寧謐軍民有賴爲

國家無疆之福矣其繁難去處存留內臣一員減省去處乞爲裁革如無堪舉人通革去止畱巡

撫都御史尤爲盡善再乞申

勅兩京都察院歷將前弊通行出榜禁革不許仍查
前非如有不行改正許科道官指名劾奏加以
重法以蘇軍民之困痛掃積年之弊大新今日
之規模久安長治之策端在此矣前件查得成
化三年五月十八日該本部官節奉

憲宗皇帝聖旨爲官的都有俸祿人員若有不体朝
廷歲費衣糧養軍備用的心徇私利已揆之天
理國法皆所難容自今坐營把總以下但役占
五名以下者降一級五名以上者降二級甚者
罷職克軍仍發邊遠守禦如或容情故縱不舉
者事發一体治罪不饒欽此續爲官軍月糧等

事該本部議得太監汪直所言各處鎮守分守
內外官員中間有將備邊軍士私役數多緣無
定與則例合無照京營事体量減定擬軍伴
軍操指揮各四名管隊千戶等官二員先俸余
丁撥用不許肯勒包納月糧遇有警急照旧操
守減化十四年四月十七日奏奉

憲宗皇帝聖旨是准擬欽此續爲災異事該本部定
擬京營提督內官五十名掌營內官與總兵三
十名各處鎮守內外官二十名坐營官十名把
總官五名分守內外官十五名守備內外官十
名欽此續爲陳情守衛事該旗守衛軍人曹銘
奏稱守門門守內使員數繁冗勒守要衛軍人

網巾煤炭等項銅錢本部議得合無行令科道
各該點城官并本部委官及留守五衛官務要
用心時常點聞如有賣放遠出并勒要財物者
聽各官指實具奏拏問成化二十一年二月十
四日節該奉

憲宗皇帝聖旨是今後守衛官軍敢有似前指此為
由多科軍士錢物送與門守內使賣放囤營及
指揮千百戶人等侵剋肥己的事發官軍降人
等遵守差操任你還通行各門守門守衛內外
官軍人等遵守欽此除通行欽遵外今監察御
史葛瑄奏稱兩京內外官員官軍者有辦月錢
管門者有網兒管糧者有常例錢鎮守者有年

例錢抽分者有果子錢各色收料者有拜見錢
納炭者有收炭錢納水者有收水錢情弊多端
皆由不得其所致要將鎮守分守等項內外
官員評其賢否得失可留者留之可調者調之
其餘取回別用一節所據在京各衙門各營內
臣近該司禮監奏

請處置在外分守鎮守等項內外官員中間有奉成
化二十三年九月初六日

詔書取回者有該本部九月二十七日奉行自陳一
惟

聖明裁擇定其去留者有該本部弘治元年閏正月
十五日會科道官考察存留者俱別無定奪外

所據前項情弊合無不必出榜止是通行在京
各提督內外大臣及南京守備叅贊機務內外
大臣兩京五府各衛各門守衛內外各邊鎮守
巡撫內外官員各以体

國爲心痛革前項職錢之弊此外又有賣放供給
科擾聚歛等項患害一切革罷及行戶部通行
查理果有占奪百姓有主山場田土地塘地項
悉令退還敢有不悛听兩京科道并巡撫巡按
等官指實劾奏即置於法容情不舉者事廢一
体治罪

都察院一本傳奉事本年十二月十八日該司
禮監太監黃偉等傳奉

聖旨近年各處內外鎮守協守分守守備等官多係
先年亂政環事之人朋比擅權交通賄賂蒙蔽
誑惑傳奉差委中間有等無籍光棍主文撥置
指稱打点放債啗利以致各官前到地方生事
害人恣情剝削軍民重困盜賊生發貽患非輕
新政之初已將有名害事人員拿問重治或查
取回京降級閑住尚慮弊政猶存餘風未殄夤
緣奔競之徒及前項歇家積年人等不無仍前
稀啗僥倖有傷治體又有倚恃

皇親權要之家名目投獻庄田地土侵占房屋財產
串同奏討引鹽等項情弊好生不畏法度皇城
內着司禮監在京着都察院便各云

旨意出給大字告示曉諭禁約今後敢有故意違犯
朦朧奏擾的着該監并該部及科道官指實叅
奏從治重罪東廠綿衣衛緝事衙門仍嚴督所
屬密切訪察但有這等的即時擒拿奏問重治
兵部一本傳奉事內開嘉靖六年十月初四日
早該司禮監太監黃偉傳奉

聖旨各處鎮守內官與總兵官巡撫均爲重地任方
安危所係小民賴之撫恤朕深居九重下情雖
未能悉知亦聞有等以錢營求出外害民的甚
至科取剝民膏脂深負

朝廷簡任至意耳兵部行便文與各處鎮守內官知
道着各務廉靜持正奉公以朝廷所託爲念若

或恣意貪求不惟重害地方於耳之心寧免罰責今後但有有用賄幹出生事擾害小民者內則廠衛科道外則巡按御史指實奏來處治司禮監亦要體朕是心從公選奉以充任使各該內外衙門知道欽此

兵

一

革主文照得見行事例在外掛印并給有関防總兵官吏部撥有掾史一名巡撫撥與令典二名書辦惟鎮守內臣未有定例近年以來所在奸貪官軍因其生於斯長於斯默知作弊門路往往自稱主文結攬書發本等征操已得掾免猶且不自滿足多占軍余包納月錢經營家計又且狐假虎威欺凌官吏受財囑事蠹政害人

都指揮以下忍氣吞聲側目以視莫敢誰何况
軍伍多耗無法可增自今以始合令鎮守內臣
於所在能通書筭軍伍內精選一名總兵官并
分守監倉守備等官各選一名令其跟隨書辦
與免本等征操奉本公文內俱照令典一体僉
書以防欺弊如此則鎮守總兵官比與巡撫官
書辨令典數目相等事体不偏其余主文官軍
盡皆革罷如違听巡撫巡按并按察司官拿問
俱調廣西極邊衛分差操雖遇
恩例不在放免之數庶幾人不多点部屬不敢凌
犯上司不受欺侮

禁約投託各邊鎮守守備等官爲家人義男

所屬官將家人義男送與各官交結等項例
成化元年六月十三日兵部左侍郎王 等題
爲邊務事職方清吏司案呈奉本部送內府抄
出鎮守甘肅御馬監太監顏義等總官定西侯
蔣萬等手本准 軍都督府咨經歷司案呈准
兵部咨賊方清吏司手本奉本部送兵科抄出
巡撫甘肅右僉都御史吳 題稱近年以來有
各衛所軍余人等因見邊報日急差使頻數要
將朶避却投托見在鎮守總兵官副總兵叅守
備都指揮等官或各官招納占畱或假立過房
文契作爲家人義男容隱在家使之管理莊田
顧收頭畜舉放私債營幹家財假稱名頭生事

害人致使衛所軍伍空缺操備無從撥補妄行
原籍清勾擄害舉此一事貽害數端誠恐各邊
亦有此弊乞行各邊巡按御史督同布按二司
分巡官員親詣各該衛所查勘軍余人等有投
托鎮守總官等官并都指揮千百戶作爲家人
義男或各官招納容隱并用錢買番及所屬官
員作爲人情送與家人者不分遠年近日俱各
查照送發原衛正軍着役余丁并官下家人俱
隨住當差若余丁家人有不亘回還原籍原家
者听於所在衛所照役充軍等因該兵部議擬
奏准各該巡撫等項御史并巡按御史嚴督各
該衛所官從實查發等因脩咨手本准此已經

通行去後今據陝西行都司甘肅州左等五衛
呈備本衛指揮千百戶衛所鎮撫胡祥等連名
告稱甘肅地方實係極邊險要切近番達遇有
聲息不時征調戶下應襲兒男見皆隨軍操練
弟男子姪在官听候差操仍備冬操動歲經年
不得寧息又各有田辦納糧草見有義男家人
多祖父於洪武永樂正統年間從征靖收補夷
虜賊寇等項獲到男女就蒙給與作爲義男家
人使女已經年久生子生孫及有本處軍民爲
因飢荒拖欠糧草倒死官畜不能耶生情懇將
子過繼與人爲義男家人番錢救命皆是兩相
情愿在戶豈有投托影射差役之人且各名下

田糧軍人每畝伍升起科官戶又納八升田地俱是一體糧額有此不均及各俸糧五品以上二分本色六品以下三分本色雖在本處米布兼支於內家口多者豈能養贍得數其余折支鈔貫通年差人陝西布政司投文撥支或推稱無收貯或說作年月過期路經三千余里逾歲未得支給柰地極邊商賈不到使用更無生理養濟止靠義男家人種田納糧家口食用兼補買官馬脚力置辦軍裝什物遇警帶領征進今蒙不分遠年近日一槩查送原籍各家戶口田地必是拋荒官馬軍裝什物從津貼遇警無人幫助父母妻子孤苦在家定至失所似此愁苦

臨事焉得銳氣若不具收陳告實爲迫切無伸
乞爲轉達憐察施行便益具告備呈到司及照
本衛都指揮使王鑑等戶下亦有此等之人理
合備呈施行具呈得此查得先准右軍都督府
咨經歷司案呈准兵部職方清吏司手本奉本
部送兵科抄出給事中秦崇信一本廣謀職以
謹邊備兵部奏

准通行各處鎮守總兵巡撫叅將等官中有能知
察天時地利之宜設伏戰守之謀與凡圖月將
材并一應便於事宜方畧務所當行緊關事情
并許各陳所蘊以展所負以付委任毋得互相
推避緘默不言等因除欽遵外今據前因臣等

切惟兵將禦下之道固在嚴峻然使其有樂於
進戰之心尤在施布恩德同其好惡庶幾可也
苟或不然則緩急用之鮮克濟事故兵法曰上
下同欲者勝正調此也臣等會同總兵官定西
侯蔣琬等議得甘肅地方孤懸朔漠番夷處於
心腹胡虜逼於脅腋素稱難控之邦况其路無
險隘賊易往來萬一烽火忽奔全籍武官統攝
軍馬奮死抗禦且各官世居邊土豐衣足食寡
飢寒切身者多俸鈔不得支用糧額數加於常
顧其埋伏巡哨提督烽候絡繹不絕動魄警心
比之腹裏武官殊難並論除本色月糧外余皆
關支銀兩絹疋邊官所賴止是父母遺下一二

歲義男家人種田養贍津貼軍裝更無別項生理近蒙通行不問遠年近日俱各查送原籍奸頑無籍之徒一聞此例或懷挾私售捏告歸宗或挾制家長竊盜財物及有遠年在於戶下者日私債畜已足肥已公然背惡帶領父母妻子或十余口者有之七八口者有之告稱本地當軍本官不敢違例稽畱一家去其數口不啻斷於手臂只得忍氣吞声朝夕苦楚莫訴况今兩廣四川群盜哨黃河奮內達賊屯住經秋延緩失利正尔賊肆跳梁况乃乚加思蘭日逼王母走匿亦斤之後勢益延蔓潛結醜類其行帳見在阿察地面屯住路經哈密臣雖至愚竊思似

此多事正宜獎勵邊以固蕃籬豈可使之含愁
喪氣抑鬱度日且投充軍役之徒其中精壯者
十無三四孱弱者十有七八若使一槩濫收實
爲虛費邊儲人亦不堪入用臣本一人擣散之
材叨蒙

皇上不遺寄以邊閫

制諭諄切戒臣毋致下人嗟怨勘合內又諭不許臣
等互相推選緘默不言似此未便事情臣等不
敢不体

朝廷好生之^仁人不容不伸邊官艱難之苦伏望
皇上特加憐憫乞

勅該部會官從長議擬仍行邊衛所官員之家不拘

遠近年月如係明白用錢過繼義男家人本戶
不缺軍伍有丁可補軍役仍還本官種田養贍
官無家累之憂士養勇銳之氣遇警易爲調用
仰望

皇上早賜睿斷以解邊官倒懸之急其鎮守總兵叅
將等官中間果有隱占不明之人作爲義男家
人假威害人者宜從巡撫等官指實叅問庶使
廉者^知所勸貪者^知所惧矣臣等情切詞直罔
知冒犯伏乞

聖鑑恕臣斧鉞之誅臣不勝感戴天恩之至具題成
化元年六月初七日兵部左侍郎王 等於
奉天門

欽奉

聖旨該部知道欽此又於兵科抄出總兵官定西侯
蔣琬等亦題前事通抄送司查得巡撫甘肅右
僉都御史吳 題稱甘肅地方極臨邊境南接
羌夷北虜在在處處俱是要害賊寇剽掠時常
莫測其陝西行都司所屬甘肅左等一十五衛
所俱是洪武永樂宣德正統年間陸續設立各
有全所全伍旗軍人等上等精壯者選入操練
專所征調次等軟弱守城守墩又次等貧難與
一應余丁俱派屯田種納子粒收成之後仍復
操備所以操調耕守俱歸着並無一人空閑必
須數定方能事不比腹裡州縣衛所軍民衆多

差役咸少得以彼此更換安閑過活近年以來
有各衛軍余人等因見邊報日急差使頻煩要
得孕避却投托見在鎮守總兵副官兵參將守
備副都指揮并衛所千戶等官或各官招納占
畱假立過房文契作爲家人義男容隱在家使
之管理莊田顧牧頭畜舉放錢債營幹家計及
有所屬官員亦要庸庸保祿將自己家人作爲
人情送與鎮守等官交通結好以圖利已被軍
余小人入勢門溫飽既足奸計遂生出入之間
狐假虎威或捏說是非讒言顛倒或凌害官軍
誑騙財物致使所屬畏其害焰有稱爲官人舍
人大叔叔趨媚奉承求免於害或勢家作爲家

人戶下軍丁俱各籍勢所轄稍不從听恐被恠
害得唯唯奉承將所得差使重派別軍及所投
之人或去任或病故彼見無勢又復另投見任
勢要亦似前家人靡所不爲因其投去原伍空
缺該衛官旗朦朧作弊捏作絕亡移行原籍清
勾戶丁前明知有丁見在因勢占番不敢聲言
寧自其當軍役除已發露到官者查問改正訖
近日有如鎮守京州右監丞福保協同副指揮
段升先年在任招納軍余投爲家人其數甚多
今福保段升回京其投托家人因係本處軍余
顧戀風土多不肯去遺下京州查有男婦四十
余口實要再投彼處鎮守副總兵協同都指揮

等官容隱安身仍蹈前非除另查究定奪外竊
惟禦虜心籍邊兵必須軍余投托勢要作爲家
人假稱名頭生事害人致令衛所軍伍空缺操
守無從撥補妄行原籍清勾擾害舉此一事貽
患數端誠恐各邊亦有此弊乞行各邊巡按御
史督同布按二司分巡分守官員親詣各該衛
所查勘軍余人等有投托鎮守總兵等官并都
指揮千百戶作爲家人義男或各官招納容隱
并用錢買番及所屬官員作爲人情送與家人
者不分遠年近日俱各查出送發原衛正軍着
役余丁并官下家人俱隨住當差若余丁家人
不愿回原籍原家者听於所在衛所照例投充

軍役仍乞通行禁約各邊鎮守總兵副總兵叅將都指揮等官今後不許將邊衛軍余招納容畱及用錢收買作爲義男家人生事害亦不許邊衛軍余人等用計投托躲避差操空缺軍伍重復擾害如若故違許巡撫巡按并按察司官糾舉叅奏拏問等因具題抄出本部爲照近年以來各邊衛所若有軍余人等投托鎮守總兵叅將守備等官作爲家人義男朶避及有所屬官員將自己家人義男送與鎮守總兵等官交通結好以圖利已彼軍余小人一入勢要之門便倚各官聲勢或凌害官軍誑其財物使用或託囑衛所免其戶下差役甚至冒報功次妄求

陞賞靡所不爲此等奸詐小人若不查究處治
非惟人各倣倣避難以致邊衛軍伍空缺抑且
遇警之人調用有誤事機未便合無准其所奏
通行甘肅寧下延綏遼東大同宣府獨石馬營
龍門薊州永平山海密雲并湖廣貴州云南等
處巡撫都御史并巡按監察御史嚴督各該衛
所官吏從實查勘但有軍余等投托鎮守總兵
叅將守備都指揮并衛所千百戶等官或各招
納容隱并用錢畱作家人義男或所屬官員將
自己家人義男送與鎮守總等官作爲人情交
結者不分遠年近日俱各查出送與原衛正軍
着役軍丁并家下家人舍人義男俱隨任當差

若余丁并官下家人義男不愿回原衛原家者
听於所在衛所投充軍役如是衛所官吏隱瞞
不報并鎮守總叅將守備等官占恡不發宜從
巡撫巡按等官指實叅奏拏問本部仍通行各
邊鎮守總兵叅將守備等官今後不許邊衛軍
余人等招納容畱并用錢買作家人義男生事
害人亦不許邊衛軍余人等用計投托躲避差
操如有故違叅^究等因具題天順八年十一月二
十七日本部官奏奉

聖旨是欽此已經通行欽遵去後今抄前因案呈到
部叅照鎮守甘肅太監顏義等奏稱邊方軍職
官軍員止靠義男家人種田養贍更無別項生

理要行各邊衛所官員之家不拘遠年近日如係明白用錢過計義男家人本戶軍伍有丁可補軍役者仍還本官種田養贍其鎮守總兵叅將等官中間果有隱占不明之人作爲家人義男假威害人者宜從巡撫巡按等官指實叅問一節緣前項義男家人雖稱用錢過繼中間多係文約其各人戶內軍伍縱使不缺及有丁可補亦當將各人發回原衛所隨住當差貼辦軍裝况有本部前項奏奉

欽依通行查發事例難推調不發但奏內開稱各官義男家人多是祖父於洪武永樂宣德正統年間從征靖難收補夷虜賊寇等項獲到男女就

家給與作爲義男家人婦女已經年久生子生
孫者亦當量爲處置庶機事体得宜合無通行
甘肅寧夏延綏遼東大同宣府獨石馬營龍門
薊州永平山海密雲并湖廣貴州雲南等處巡
撫等處御史并巡按監察御史嚴督各該衛所
官吏從實查勘除各官祖父於洪武永樂正統
宣德年間以來從征靖難收補夷虜賊寇等項
獲到男女給與義男家人使女已經年久生子
生孫者不動外其余投托鎮守總兵叅將守備
都指揮并指揮千百戶等官或招納容隱并買
作家人義男及所屬官員將自己家人義男送
與鎮守總兵等官作爲人情交結者俱照本部

先次奏奉

欽依內事理欽遵逐一查出送發原衛着役隨任當
差等項如是衛所官吏隱漏不報并鎮守總兵
叅將守備等官似前推調不發宜從巡撫巡按
等官指實叅奏究治緣奉

欽依該部知道事理未敢擅便具題奉
聖旨是欽此



內外鎮守等官不許擅受詞狀

成化九年九月十七日戶部尚書楊等題爲

公務事該巡撫浙江等處都御劉史題一件軍

民詞訟皆須自下而上赴該管衙門告訴已有
條例近來各處鎮守總兵叅將內外官員往往

不徇本等職業操練軍馬防禦盜賊固守城池
保障居民却乃故違律例听憑跟隨頭目職守
人等撥置接受軍民詞訟或出批帖徃自差人
捉拿不分事情輕重任憑一面之詞法外加刑
屈要招承或批發所屬衙門問理却又不徇公
道分付務依原詞問斷其所屬官員明知誣枉
畏惧權勢只得以曲作直以是爲非承順發落
回報其被害之人因見勢重只得忍受此等屈
抑若來訴者固可與其辨理不來訴者何由與
其伸雪雪合無查照律例申明禁約仍行內外鎮
守總兵叅將等官今後止許操練軍馬固守城
池防禦賊寇毋得擅受民詞变化事是非有傷政

体敢有不遵仍前故違者許巡按官訪查手下
跟隨撥置之人重加問發事干該管官員照例
叅奏拏問庶詞訟不敢泛濫良善得以少安等
因會官議得前件法司查行節該奉

聖旨准議欽此欽遵查得先該巡按御史展毓奏切
照在外軍民凡有戶婚田土鬪毆人命強盜一
應詞訟各有本等官司皆須自下而上陳告若
驀越赴上司告訴及越分接受軍民詞訟者俱
非顛倒人畏權勢負屈忍辱間有來訴者即與
辦理不來訴者無由得知若不禁止深爲未便
如蒙乞

勅在廷大臣從長計議將洪武永樂年例申明禁革

庶使戢掌各有所歸刑獄不致冤濫具本正統六年八月初十日該行在兵部官於

奉天門欽奉

聖旨這說的都是該衙門查例明白當禁約的便出榜去犯了不饒欽此欽遵該刑部等衙門會議得洪武年間設置軍衛有司衙門分管軍民各有戢掌其一應詞訟各赴本管衙門自下而上陳告若係軍民詞訟有司依律約問已有定例今大同宣府總兵官及各叅將受理軍民人等戶婚田土鬪毆相爭錢債等項詞訟不惟侵人戢掌抑且於例有違合准所言今後總兵官與叅將守備官止照原奉

制書事例節制鈴束一應操備官軍毋得生事擾民
其理斷所管將士歐閉相爭詞訟其軍民一應
大小詞訟須听於本管衙門自下而上陳告如
有冤枉許赴按察司巡按御史處訴理不許仍
前受理詞訟其所屬附近軍民衙門亦不許仍
前准受施行違者听巡按御史究問欵行山西
陝西雲南廣西山東湖廣等處都布按三司并
山西行都司宣府遼東都司轉行彼處總兵叅
將等官一体遵守施行正統六年八月十七日
刑部等衙門尚書等官 題知遵守近因一應
條例革去各處鎮守守備總兵叅將內外官員
軍民詞訟越分受理聽信跟隨頭目伴當人等

撥置或差伴當徑自捉拿或劄付軍衛有司問
理有錢者公行賄賂則以枉爲直無錢者甘受
刑害則以直爲枉致使是非顛倒濫及無辜却
又畏惧權勢莫敢訴告且內外鎮守等官專一
操練人馬固守封疆撫恤軍士乃其職也律例
刑名抑非本等職掌使其一槩接受詞訟無所
忌憚不惟有乖事体而且紊亂舊章如蒙乞
勅在廷大臣從長計議將洪武永樂正統年間事例
通行各處出榜嚴加禁約等因都察院查得先
該巡撫宣府太同都御史羅 題一件職掌事
切見軍民詞訟自下而上陳告已有定律及照
各處總兵官奉

聖旨命固守邊疆訓卒練兵防奸禦侮乃其職也若
軍民詞訟則有都司衛所府州縣問理如是寃
枉許赴按察司并巡撫都御史處訴理已是定
例今大同宣府總兵及各叅將因其勢重軍民
人等俱有戶婚田土鬭毆相爭田債等事輒赴
各處具告任其越訴亦不思非其職掌往往受
狀劄仰都司衛所歸問發落具由回報或就帥
府用大棍斷決案牘紛然有如法司若是受囑
之事則親自分付斷事等官務要依原狀問結
以致曲直不明是官魏等於

奉天門奏奉

聖旨是欽此欽遵通行各處遵守去後續該本院題

爲前事照得各處鎮守等官因事前例行之以
久罔知遵守又有接受軍民詞訟狀仰所司問
理自行具奏提問賊官不無有違前例合在申
明又於天順六年九月二十日奏准通行浙江
等處都司布按二司并直隸衛所府州縣及各
處鎮守總兵等官遵守去後今巡按御史展毓
又奏前因合無准其所奏再行申明通行各處
都布按三司并行都司衛所府州縣曉諭軍民
人等今後軍民詞訟悉自下而上陳告不許驀
越訴告若軍衛有司斷理不公方許赴合于上
司訴告若內外鎮守總兵叅將等官敢有仍前
驀越犯分侵越賊掌濫受軍民詞狀及听信跟

五〇
隨伴當人等撥置輒行軍衛有司問理其衛有
司附阿勢要順受施行者許巡撫都御史并巡
按御史及按察司并分守分巡官應問者就便
拏問應奏者奉

請定奪如此則事體歸一而不致於紛更刑罰允當
而不至於寬濫成化二十五年五月十七日本
院都御史李 具題奉

聖旨是欽此

今巡撫浙江都御史劉 又奏前事顯是各處
內外鎮守等官因見前例年久奉行未至合無
各衙門會擬奏

往事例查照申明

臨清鎮守官受理詞狀分清事情輕重者發分
巡等官問理

一件地方事成化十五年五月內鎮守臨清太
監劉佃等奏稱臨清御縣呈獲犯人多係盜劫
財物殺傷人命恐嚇詐騙畧誘人口之輩要行
發仰山東按察司分巡理刑官員或發東昌府
在彼收鈔推官問報該都察院等衙門左都御
史等官李 等查議具題節該奉

憲宗皇帝聖旨臨清地方衝要難比他處但所告情
重的發去山東按察司分巡官問理其餘詞訟
仰本府推官問擬不許因而濫受詞狀欽此
成化十年五月二十八日都察院等衙門左都

御史等官李 等題爲地方事山東道呈

內府抄出鎮守臨清司設監太監劉 題節該欽奉

勅諭今特命爾同署都督僉事王信鎮守臨清操練
軍馬關防倉糧凡官員人等公差往來不許求
機取登詐財物科剋軍民擾害客商亦不許彼處
軍衛有司侵削下人如違听爾等奏來處置其
余一應公私利病河道閘壩廢墜等事悉有爾
等從長區畫處置務在除奸弊止盜安民欽此

欽遵外今會同

欽差鎮守臨清提督山東後軍都督府署都督僉事
王信議得彼處地方實南北往來交會之冲軍
民運輸商賈買賣多聚于此况近年以來頻遭

荒歉奸盜日滋查得節據臨清衛縣巡捕等官
呈獲犯人多係盜劫財物殺傷人命恐嚇詐騙
畧誘等情官吏徇情偏執顛倒是非致令伸詐
臣等賤非掌刑之官似難與之辨問若致而不
理非惟有負重托矧且冤抑無伸訪得前鎮守
臨清奉御穆榮平江侯陳毅凡有呈獲人犯俱
發東昌府委官問理甚是事體歸一獄無冤滯
如蒙合無將彼處巡捕等官呈臣等人犯除碍
賤官具

奏處治外其余軍民客商人等或仰山東按察司
分巡理刑官員或發東昌府在彼收鈔推官問
擬回報庶使獄有所歸冤有所辯誠有便益等

因具題奉

聖旨該衙門看了來說欽此續該刑科抄出

欽差鎮守臨清提督山東後軍都督府僉事王信亦
題前事通抄到道查得先該巡撫大同宣府都
察院右僉都御史羅亨信題內一件職掌事照
得軍民詞訟自下而上陳告已定律例及照各
處總兵欽奉

聖旨固守邊疆訓卒練兵防奸禦侮乃其職事若軍
民詞訟則有都司衛所府州縣問理如是冤抑
許赴按察司并巡按御史處訴理已是定例今
大同宣府總兵府及各叅將因其勢重軍民人
等但有戶婚田土鬪毆相爭錢債等事輒赴各

處具告更不問更越訴亦不思其職官往往受
狀劄仰都司衛所歸問發落具由回報或就於
帥府用大棍斷決案牘紛然有如法司若是受
囑之事則親自分付斷事等官務要依原狀問
結以致曲直不明是非顛倒人畏權勢負屈忍
辱間有來訴者卽與辯理不來訴者無由得知
若不禁止深爲未便如蒙 准言乞

勅在廷大臣從長計議將洪武永樂年間事例申明
禁約庶使職掌各有所歸刑獄不致冤濫具本
正統六年八月初十日該行在兵部官節該欽
奉

英宗睿皇帝聖旨這說的是該衙門查例明白當禁

約的便出榜去犯了不饒欽此欽遵抄出該刑部等衙門會議得洪武年間設置軍衛有司衙門分管軍民各有職掌其一應詞訟各赴本管衙門自下而上陳告若係軍民詞訟有司依律約問已有定律今大同宣府總兵及叅將受理軍民人等戶婚田土開闢相爭錢債等項詞訟不惟侵人職掌抑且於例有違合准所言今後總兵官與叅將守備止照原奉

制勅行事其餘軍民大小一應詞訟湏听於本管衙門自下而上陳告如有冤枉許赴按察司并巡按御史處訴理不許仍前受理詞訟其所屬附近軍民衙門亦不許仍前准受施違者听巡按

御史究問欲行山西陝西雲南山東湖廣等都布按三司並山西行都司宣府遼東都司遵守仍轉行彼處總兵并叅將等官一体遵守施行本年八月十七日該刑部衙門尚書等魏源等奏奉

英宗睿皇帝聖旨是欽此欽遵通行各處遵守去後續該本院題爲前事照得近年各處鎮守總兵官因是前例行之既久罔知遵守又有接受軍民詞訟仰所司問理自行具奏提問職官不無有違前例合再申明又於天順九年九月二十一日奏

准通行浙江等處都布按布司直隸衛所府州縣

及各處鎮守總兵等官一體欽遵去後該巡按直隸監察御史展毓奏切照在外軍民凡有戶婚田土鬪毆人命強盜竊盜一應詞訟各有本官官司皆須自曰本院左都御史李秉 等奏奉

聖旨是欽此欽遵禁約外近該巡按浙江等處本院右副都御史劉敷題一件軍民大小詞訟皆須自下而上陳告該管衙門告訴已有律條近來各處鎮守總兵叅將內外官員往往不修本等職業操練軍馬守禦盜賊固守城池保障居民却乃故違律令聽憑跟隨頭目識字之人撥置接受軍民詞訟或有鈞帖徑自差人捉拿不分

事情輕重只憑一面之詞法外用刑屈要招承
或批發所屬衙門問理却有不通公道分付務
依原詞問斷其所屬官員明知誣枉畏惧權勢
只得以曲作直以非爲是承順發落回報其被
害之人因見勢重只得忍受此等屈抑若來訴
者固可與辦理不來訴者何由與其伸雪合無
查照律例申明禁約仍行內外鎮守總兵叅將
等官今後操練軍馬固守城池防禦賊寇毋擅
受民訟更變是非有乖治体敢有不遵仍前故
違者該巡撫巡按官訪拿手下跟隨撥置之人
重加問發事有干碍該管官員照例叅奏拿問
庶詞訟不敢泛濫良善得少安等因具本該戶

六〇
部會同各部都察院吏部尚書尹旻等議奏法
司查行成化九年九月十七日該戶部等衙門
官具奏節該奏

聖旨准議欽此欽遵移咨本院爲照前例行之年久
恐上下奉行不至又已脩行各處巡撫巡按轉
行三司內外鎮守等官及所屬大小衙門一體
欽遵禁約去後今太監劉佃署都督僉事王信
又奏前因查呈到院臣等會同刑部大理寺尚
書等官王 等議得鎮守臨清太監等官劉佃
等奏稱臨清地方近年以來頻遭荒歉奸盜日
滋據臨清衛縣巡捕等官呈獲犯人多係盜劫
財物殺傷人命恐嚇詐騙畧誘人口恃強凌弱

以衆暴虐等項之輩雖發所在衛所問理其中有等官吏徇私偏執顛倒是非致令伸訴要將申呈人犯發仰山東按察司分巡理刑官員或發東昌府在彼收鈔推官問擬回報一節固爲有理但節次奏有前項事例不無防碍况鎮守官員專一操練軍馬保障地方爲其軍民人等一切大小詞訟自有本管衙門職掌不須侵管庶職如有機密盜賊妖言重情听差人緝捕發所司問理除有練操軍馬固守城池關防倉糧禁約科歛脩理閘壩等項事情悉遵

勅諭內事理禁治及從長區畫處置應奏請者听從奏請外其余一應大小軍民等項詞訟不須

紊煩無官發問若有原問官員理斷不公赴巡撫巡按并按察司分巡官處訴理具題奉

聖旨臨清地方係衝要所在軍民雜處奸盜詐偽之徒甚多難比他處既奏前因但所告情重的發去山東按察司分巡官問理其餘詞訟仰府推官問擬不許因而濫受詞狀欽此

一在京

勅建寺觀住持僧道官不許占役佃戶縱容作踐一申明鎮守守備管屯官糧等官不許濫收受詞訟事例成化二十二年二月十六日太子少保本部尚書張等題爲陳言邊情時政事該山西按察司副使毛松齡奏言邊情時政內一件

簡詞訟以復刑獄臣聞刑者刑也刑者成也一成而不可變故君子盡心焉又聞君子以明庶政無敢忤獄重事豈容易乎查得舊例鎮守總兵叅將分守守備等官俱不許濫受詞狀及听信跟隨伴當人等撥置輒行軍有司衛分問理有司亦不許阿附勢要順受施行俱听巡撫巡按及按察司挈問叅奏柰何此例行之既久柰何人心玩怠往往听信跟隨人役撥置顛倒羅織接受不論事情虛實隨意鍛鍊富者罰銀物貧者加筆楚或受賄與人追債或假公報復私仇號爲軍法處置其倚法害人財力罄於逼迫膚血於刑笞怨嗟愁若不忍見聞臣又看得各

陞用管屯管糧整飾兵備等項按察司官多有不由法司出身素不諳練一旦不問詞訟其間天資聰穎者失錯之事尚難盡免稟賊賊遲鈍者照駁之罪比此皆然其在軍衛者有分或有司問擬罪囚徒罪以上例該承詳發落不得自專尤爲庶幾若僉事管官就得以自發落中間寬抑誰與駁論下人若楚只得其受且如先年臣爲刑部官時奉

勅差往陝西審錄罪囚有彼處整飭兵備僉事楊冕問擬監候重刑該得備開揭帖呈送審錄叅查原招認罪引律條或已無其得恃與否尚未可知一起犯人賈三三認作合依女婿姦妻毋敗

壞人倫照得見行比附律條事例斬又起犯人
徐亮王見本官議作俱各依凡爭論事理听經
官陳若以威力制縛人及與私家拷打監禁因
而致死者律該絞俱枷鎖監候審決前項附此
律條斬罪從來所無項引律又不分守從議擬
其犯輕罪重囚大率類此難以悉陳後臣俱遂
起審錄改正發落欽遵原奉

勅諭其故入等罪俱不追究假使彼時非

皇上命臣等前去審錄則前項原問死罪三人亦或
死於無辜誠非細故推原所自亦由僉事楊冕
原係知州陞用未經法司不諳名而然臣之所
言實有所試稀敢謬妄如蒙乞

勅法司查照斟酌申明條例通行各處鎮守守備總
兵叅將分巡守官今後不許听信跟隨員撥置
羅織濫受詞狀逼迫軍民如有此等許被害之
人首告悉從巡按及巡撫并按察司分巡官應
拿問者就便拿問如律應奏諸者叅奏請拿問俱
降級調用以警其余仍行各處管屯管糧并整
飭兵備等項按察司官通行查照悉遵原奉
勅內行事不必干問詞訟果有應問人犯行移總司
及該道分巡官并各問刑衙門問理發落如此
庶得詞訟清簡而刑獄不致枉濫等因具本該
通政司官奏奉

聖旨該衙門知道欽此欽遵抄出送司案呈備資到

部送司查得先該巡撫太同宣府都察院右僉都御史羅亨信題稱切照軍民詞訟自下而上陳告已有定例及照各處總兵官欽奉

重命固守边疆訓卒練兵防奸禦侮乃其職也若軍民詞訟則都司衛所府州縣問理如是冤枉許赴按察司送巡按御史訴理亦是定例今大同宣府總兵官及各叅將因其勢重軍民人等但有戶婚田土間毆錢債輒赴各處越訴徃徃受狀劄仰都司衛所歸結具由回報或就於帥府用大棍斷決案牘分然有法司若是受囑之事則親分付斷事等官各要依原狀問結以致曲直不明是非顛倒人畏拳勢負屈忍辱間有來

訴者即與辦理不來訴者無由得知乞

勅在廷大臣從長計議將洪武永樂年間事例申明
禁革等因具題正統六年八月初十日奏奉

英宗皇帝聖旨說的是該衙門查例明白當禁約的
便出榜去犯了的不要欽此欽遵該本部等衙
門會議的洪武年間設置軍衛有司衙門分管
軍民各有職掌其一應詞訟各赴本管衙門自
下而上陳告若係軍民詞訟軍衛有司依律約
問已有定例今後大同宣府總兵官各叅將受
理軍民人等戶婚田土鬪毆相爭錢債等項詞
訟不惟侵人職掌抑且於例有違合准所言今
後總兵等與叅將守備官止照原奉

制書事理節制鈐來一應官軍操備毋得生事擾民
及理所管將士閑毆相爭詞訟其餘軍民人等
一應大小詞訟須听本管衙門自下而上陳告
如有冤枉許赴按察司并巡按御史訴理不許
仍前赴總兵等衙門訴理其所屬附近軍民衙
門亦不許仍前往受施行違者听巡按御史究
問欵行山西陝西雲南廣西湖廣都布按三司
并山西行都司宣府遼東都司遵守仍轉行彼
處總兵并叅將等官一体遵守施行天順六年
八月十七日本部等衙門官奏奉

聖旨是欽此欽遵通行各處遵守去後續該都察院
題爲前事照得近年以來各處鎮守總兵叅將

等官因是前例行之已久罔知遵守又有接受軍民詞訟行仰所司問理自行具奏提問職官者不無有違前例合再申明等因又於天順六年九月二十一日奏

准通行浙江等處都布按三司并行都司直隸衛所府州縣及各處鎮守總兵等官一體遵守去後及查得巡按直隸監察御史展毓奏稱在外軍民凡有戶婚田土開墾相爭人命竊強盜一應詞訟各照本管官司皆須自下而上陳告驀越上司告訴及驀分輒受軍民詞訟者俱有律例人知遵守近因一應革吏各據鎮守守備總兵叅將內外官員軍民詞訟越分受理听信跟

隨頭目伴當人等撥置或差人徑自捉拿或劄付軍衛有司捉問有錢者公行賄賂無錢者耳受凌虐却又畏其權勢莫敢告訴其內外鎮守等官專一操練人馬固守封疆撫恤軍士乃其職也律內刑名抑非本等職掌使其一槩接受詞訟無所忌憚不無有乖事体亦且紊亂舊章如蒙乞

勅在廷大臣從長計處將洪武永樂正統年間事例通行各處出榜嚴加禁約等因奏奉

聖旨該衙門知道欽此欽遵該都察院通查前例申明通行各處都布按三司并行都司直隸衛所府州縣曉諭軍民人等今後一應詞訟悉要自

下而上陳告不許驀越訴告若軍衛有司斷理不公許赴各干上司訴告內外鎮守總兵叅將等官敢有仍前越理犯分侵奪職掌濫受詞訟及听信跟隨伴當人等撥置輒行軍衛有司赴阿勢要順受施行者許赴巡撫都御史巡按御史并分巡官應問者就便拏問應奏者奉

請定奪等因具本於化成二年五月十七日題奉

聖旨是欽此欽遵已經行禁約去後今前因通查案呈到部看得山西按察司副使毛松齡所奏鎮守等官接受詞狀者降級調用已有前項見行禁約難徃另爲定例其款申明前例通行各處鎮守總兵叅將分守守備等官不許听信跟隨

人員撥置濫受詞訟逼迫軍民如有此等許被害之人首告悉從巡撫巡按察司并分巡官應拿問者就便拿問應奏

請者叅奏拏問合准所言再爲申明禁約不許越例受詞擾人害重及欲仍行各處管屯管糧整飭兵備等項按察司官通行查照悉遵原奉

勅內行事不必干問詞訟果有應人犯行移總司及地方該道分巡官并各問刑衙門問理發落一節固亦有理但當另爲定擬遵守合無今後各處管糧管屯并整飭兵備等項按察司官止許接受本等事內應理詞訟其餘軍民一應告訐別項詞訟悉听分巡地方官員受理准問不許

一槩預濫及行軍衛有司遇有問完囚犯應合
 申詳定擬者止照舊例或行總司或行分巡官
 听令叅詳定奪不許一槩泛濫妄申以致紊錯
 乖爲事体不便具題次日奉

聖旨是欽此

各處鎮守官不許受理詞訟

一件處置地方事洪治三年五月內總督兩廣
 兼有巡撫右都御史秦

奏該刑部尚書何 等查照見行事例各處鎮守

總兵叅將等官敢有越理犯公侵奪職掌濫受
 軍民詞訟及听跟隨伴當人等撥置輒行軍衛
 有司問其軍衛有司阿附勢要順受施行者許

巡撫巡按按察司并分巡官應拿問者就便拿問應奏提者奏

請定奪題

往申明再行兩廣及各處鎮守官處通行禁約

禁約在外都指揮等官私家在濫受詞狀并同知府州縣酷刑反科罰例

成化元年十一月十七日禮部等衙門尚書等官等爲建言民情等事奏奉

聖旨是欽此

計開

一件刑獄積弊事該雲南都司平夷衛鎮守張璘等切見天下都司軍衛設立衛鎮撫衙門專

以問理刑名軍民有犯到官依律問擬開詳本
衛經歷司備呈按察司詳允發落且如本衛近
年以來有等新歷指揮官員係武職不諳法律
恣其私意遇有問擬罪囚開詳到衛不分情犯
輕重不肯照文施行故意刁蹬展轉叅駁多妄
增減罪名希求賄賂比及問有罪名不當事有
違法司止將原問官吏叅責并不推究堂上官
員事不歸一人多淹滯及有本都司守備等項
都指揮及各衛指揮官員倚恃權威專一在於
私家濫受軍民詞狀無處批仰心腹軍余捉獲
或於私家馬房內監禁或送衛鎮撫淹監半年
之上不肯踈放又無原發情由行問號稱寄中

問多係懷挾私讐扭曲作直致人受其害苦無伸訴如蒙乞

勅法司出榜禁約軍民詞訟惧要自下而上陳告止許都司衛所掌印問刑官員受理隨將原問情由行問不許不係掌印都指揮等官一槩在於私家濫受詞訟擅自差人捉拿非法拷訊撓擾刑獄若不改前非仍襲舊弊事發到官問發調衛今後各衛鎮撫問擬罪囚徑自開詳按察司詳允發落庶免叅駁之弊若中間問有罪名增減及引律不當者按察司叅問原問官吏如此庶得法有一定之規人無淹滯之若便益前件會議得掌印都指揮指揮等官員私家受扶准

言法司禁約咎其言各鎮撫問擬罪囚徑自開
詳按察司詳允發落違式難行

一件恤刑事該吏部听選官高璵言切見在外
府州縣官員理辦公務不分事之巨細情之輕
重恣逞威權一槩用大棍及寬厚竹篦及鞭笞
具於受刑去處決打輕則傷人肌膚重則致傷
人命雖有禁例行之已久少有遵甚失撫字之
道如蒙乞

勅法司再行各處申明禁約今後遵守

大明律用官降較扳較勘荆條於人受刑去處量情
決打庶得官無暴酷之刑民免傷殘之患矣
前件法司查行

一件革弊事該南京英武衛親軍指揮司經歷
李旭言照得各處司府州縣等衙門合印紙劄
印信等項各有賍并里甲人等買辦應用近來
各衙門但遇公差考滿及買辦軍需人到來不
分有無惟限輒便指以公罰紙劄筆墨爲由科
取財物以致承差之人乘此回還上下遞加重
科於民情無控訴如蒙乞

勅法司通行各布政司府州縣今後但有前項一應
人員到來如果有違例限等項明白送問照依
所犯輕重照例罰贖無違條例不許一槩擅罰
及乘其買辦功計科害於民如有仍前罰取紙
劄多科等項許被害之家指實赴巡撫鎮守等

官處陳告治以重罪庶以奸弊可革便益

前件法司行移禁約

南京巡捕官不許濫受詞訟羅織害人

一件脩省事弘治二年十月內南京刑部右侍

郎阮 等奏該刑部尚書何 等題

往通行禁約南京巡捕委官止官止許管理盜賊逃

犯機密重情其余人命奸情聞歐勾攝追徵推

勘等項事務一听該管官員自理並不許夤緣

差使及濫受無干詞訟違者叅究問罪在南在

外各衛所但有所使受雇結黨捏詞奏告本管

官員不實者不分官旗軍俱調發及邊衛分常

川守哨例成化十年十一月十八日兵部右侍

卽 等題爲乞

恩分理軍政禁革刁頑等事武選清吏司案呈奉本部送兵科抄出忠義前衛指揮使丁固宗奏臣自襲授前職到衛管事看得本衛及各衛分近年以來屬官人等奉公數少曠職員多其曠職之人專一在衛或以教唆詞訟不供職業或律豪克惡剋減侵欺軍糧或謀求差委飲酒撒潑不雇廉耻號名光棍又名刺虎奸弊多端難以悉數堂上官員稍持身廉謹嚴加禁約者輒便被其三五同謀被其合計既定中間使令刁潑久慣告狀或會捏詞之人出名妄告其余幫貼盤纏輪流飯其於必勝其被誣官員或自己幼

弱不能脆對言詞鈍拙不能辦理或家道貧窮
無錢送飯或久禁牢獄怕染病患不免或替原
告送飯陪話原依原告一面虛認或憑衆勸分
認罪問既畢復職還衛被誣之人羞愧不地不
敢出門刁潑之人氣勢揚揚舉止自若通衛官
軍畏如蛇蝎恣其所爲不敢與校不問公私事
務動輒被其挾制稍有不從又使同謀合計數
內一人架捏情詞再行妄告當此之時雖有至
公至正之人最當卓立之輩深自思念以其清
白之身操守之志一旦既被刁頑陷害又被法
司刑辱貽慮父母妻子敗其祖父勲業一見刁
頑之徒因而警心破膽吞聲喪氣悔其要做好

官初心將就爲人因循度日甚至遂與刁徒猫
鼠同眠薰猶共器任其妄爲不復禁治坐使三
品衙門數同小官公解體統既無奸弊日甚前
項情弊爲臣一人之言實京城衛所通共一言
非臣一人原臣之情實秉公持正之人人原陳
之情且如臣本身一人言之自成化六年十月
內到任已知前弊然亦不避刁頑將本衛百戶
李名等具本奉其曠職誤事成化九年十一月
內披其捏詞妄告法司問臣無私然亦以問臣
擅用軍人在聽候直公罪成化十年三月內管
工脩河又被李名一起刁頑百戶潘英捏詞妄
告仍蒙法司問臣無罪臣於五年之中二次橫

被刁頑告雖蒙逐一辨明其出刑獄與因為伍玷汚衣冠減損聲望送飯納紙費用俸錢二次之寃百端情苦之周勇妄告狀內將本衛置所軍人問臣公罪二節尤有可辦下情今之衛分職居三品者有公廳不用一人以傳呼使令能有此理罪雖功名情亦負出伏念臣一介武人敢有所建明特以所陳刁頑一節緣係見得軍政衙門事体日漸_下移軍政日漸廢弛由刁頑得志良善喪致乞

勅兵部垂察軍衛刁頑情弊往臣奏詞通行禁約軍衛幸甚仍乞合無今後堂上官員委果貪婪作弊其所犯情其罪當實所甘心如此庶使軍政

衙門堂上奉公官員 以操守卓立不敢畏避
刁頑怠弛政務其刁頑之徒亦使知所畏懼恪
供職業實為便益具本成化十年十一月初八
日該通政使司官奏奉

聖旨兵部知道欽此欽遵抄出送司案呈到部照得
各處衙所多有奸頑官旗人等專一把持公事
挾制官長因見近年以來軍賊犯有賍私罪名
革去見任及問發迹功等項其管事官員中間
稍有廉謹自持剛介持立者多被同僚佐二該
管屬官嫌其執法鈐束不得任情作弊甚又謀
奪印信振復私讐往往教唆主使嫌頑之徒朋
合排陷捏詞奏告法司問便之時或因言詞鈍

掘或威刑法嚴峻只得啣冤誣服無由自白以致君政廢弛善人挫抑誠如指揮丁固宗所奏若不痛加禁約則此風漸長日甚一日合無本部通行在京在外各衛所今後但有此等奸頑之徒听人主使受人雇倩搆結黨類架捏浮詞奏告本管官員法司勘問明白果無賍私罪名奏告之人不分官旗軍俱調發極邊衛分常川守哨庶使官 尽心所事罪不濫及無辜仍行法司通行閤刑衙門一体欽遵施行題奉聖旨是欽此

刑

各邊官軍捏奏本管官員分巡官親詣勘問
成化十年十二月二十四日刑部尚書等題

爲刁軍越訴阻壞邊備事陝西清吏司案呈刑
科抄出巡撫延緩等處都察院右都御史余

題節該欽奉

勅諭命爾巡撫延緩德安一帶地方訓練軍馬整飭
邊備防禦賊寇尤須撫悴士卒禁約管軍頭目
不許貪圖財物科剋下人及役占軍余私營家
產輕則量爲法落重則奏聞區處欽此欽遵照
得榆林等二十八營堡因爲達賊連年搶奪把
總官員戰守之間百責所歸一或誤事便失機
之罪自巡撫以來絕過三年有一處把總官員
更換三四次者人無全才即此可驗凡有守備
旗軍人等來告科歛財物扣減軍糧等項即與

受理轉行見在東西二路管糧陝西按察司副使僉事二員問理引審無詞仰遵

聖諭施行發落不敢坐視不理近見有等刁潑旗軍輪流利害差使動輒抗違號令不肯前去把總官員只得從公懲治求濟邊事往往被其懷挾私讐架捏虛詞多有牽連人二三十人之上驀越赴京伸訴轉行地方風憲官員勘問奈何畏懼邊方不行親到擅自轉行下僚小人前來取勘承委官員不過奉承來文圖銷前件事之虛實畧不介意多至好官陷於有罪刁徒得志橫行或有不恤人難不徇邊方擅提前去以近就遠問理以此把總官員公正有爲盡比白垂首

喪氣若不嚴加處治禁約誠恐刁風愈扇人心
日灰邊徧阻壞患不可言如蒙伏望

聖恩憫念地方不寧見今賊情擾攘乞

勅法司議詳合無將已前邊軍人等越訴已未問結
情詞查勘如果行與地方風憲官員俱要親詣
榆林適中去處听臣發與合問犯人從公問理
若係都布按三司官問理俱與臣處引審無冤
發落果碍把總等官听其叅奏取問若係涉虛
抵罪枷號三個月依律照例發落果有不公不
明听其伸訴再問仍照給事中趙良建言事例
不許轉委屬官人等取勘從是檢屍及取勘失
機誤事官員亦要親詣親督及不許擅使提取

遠者叅奏拏問以後卒以爲常不必更易等因

具題該刑部尚書 等

欽奉

聖旨法司知道欽此欽遵抄出送司案呈看得巡撫
延緩右副都御史余子俊奏稱榆林地方近年
因把總官員懲治架捏虛詞牽連二十人驀越
赴京伸訴轉行地方風憲官員不行親到擅委
下僚小官取勘事之虛實畧不介意多致好官
陷於有罪要將邊軍人等越訴已未問結情詞
查勘如果行與地方風憲官員俱要親詣榆林
適中去處听臣發與合問人犯從公問理若係
都布按三司官問理俱要與臣處引審發落若
涉虛枷號三個月等因臣等查得先該大理寺奏

往在外軍民人等若將輕事捏作重事驀越赴京奏告者問罪的逆發原籍官司先行照看如果是實量提事內緊關人犯問訐但係誣告十人以上者事發邊衛充軍民發口外爲民仍追究寫本狀捏詞教唆之人不分軍民連當家小發邊衛充軍已經通行欽此欽遵該兵部奏

往照得各處衛所多有刁頑官軍人等專把持公事挾制官府因見近年以來軍賊犯有賒私者革去見任及問發立功等項其管事官員中間稍有廉謹自持剛介自立者多被同僚屬官唆使奸頑之徒捏詞排捏今後但有此等奸頑之徒听人主使雇倩捏詞奏告本管官員內外問刑

衙門勘問明白即將主使并出名之人不分官旗軍民余俱調發極邊衛分常川守哨又經通行欽遵外今余子俊既奏彼處風憲官勘問詞訟不行親到擅委下僚小官取勘多致好官陷於有罪皆有按察司分巡等官畏避邊方遙遠及見聲息緊急不肯親詣地方推問止憑屬官勘報朦朧問理以致情多不實小人肆誠如本官所言但誣告及奸頑官旗人等捏詞排陷本管官員已有前項太理寺并兵部奏

狂發遣邊方充軍爲民事例難再枷號三個月發落及稱三司官員問理邊方囚犯俱要本管處引審無冤發落緣榆林相離陝西在城一十四站

若要問二引審未寃往復人難事恐有礙合無
通行陝西三邊巡撫都御史并三司分巡等官
知會今後如有各邊官軍訴告本管官員科歛
求索剋減月糧等項違法事情若有巡撫巡按
處訴告仰都布按三司分巡等官勘問者不許
轉委屬官朦朧結勘俱要親詣原被告地方問
理若在邊城去處應引審者各听取供依律照
例發落其赴京奏告詞訟刑部都察院備行巡
按三司理問不係巡按原行者不必經由各听
照依常例發落有赴京妄奏及排陷本管官員
者究問得實俱照前例發遣如有清正廉幹官
員一時京問有失查訪果被誣陷者听巡撫等

官備將本官平日政迹行原問官處從公分辦
不許各徇已私致使枉錯俱勘問人命失機重
事尤宜加甚一体俱要親詣從實勘問不許似
前轉屬取勘若有徇徇達枉听巡撫官指實參
奏提問次日奉

聖旨是欽此

軍官軍余誣告軍職不抵所誣常例發落
一件戒諭事成化六年二月內該吏部衙門尚

書等官姚 等題

往今後法司遇有誣告人剋落軍糧賞賜布花鈔錠
等項囚犯依律擬斷仍照常例運磚做工等項
發落

錦衣衛中所百戶張瑾一本酷暴官員擅作威福肆意辱打侍衛官校奉

聖旨旧例軍職非奏不加刑羅主事這廝如何擅打軍職又當齋戒之期錦衣衛便將羅主事查名并張瑾都拿送鎮撫司打着問了來說

成化三年四月二十四日刑科等科左給事中

刑

毛弘等

題爲陳言防患弭灾事竊見虜酋毛里孩近年以來潛住河套屢犯邊疆殺虜軍民動經萬餘搶掠頭畜不可計數人心憤怨地方騷然究其罪惡可爲痛心後復往往大同因見邊備頗嚴侵掠失利遂求通好緩我兵機近雖假以進貢來京其實欲覘國家之虛實窺政治之得失以爲從違况其來朝數內率多中國被虜之人探聽事情無微不察國之大防莫事甚於此皇上正宜宵衣旰食勵精求治動必由乎中道德行必當乎人心使彼黠虜見皇上如此必將

畏威懷德守信結和無敢犯我邊疆矣書曰
無怠無荒四夷來王此正動關安危之時不可
少有輕忽於其間近見

皇上於退朝之假頗事遊逸砲聲呐喊數聞於外
皇城之內最非所宜不惟人心驚駭宗廟不安實
使虜聞之恐生輕忽之意其非振德威服夷狄
之良筭也況近日或日月赤色或陰氣昏濛或
大風激烈或黃塵蔽天及遼東地震宣府地震
有聲四川地震三百七十五次城報堡倒塌地
拆及泉雖各遠在實關朝廷氣數如手足之
疾必亦部心傷所鈔書曰惟吉凶不僭在人情
性天降災祥在德春秋傳曰禍福無門惟人自

召似此變異非常抑亦人事所致推其理究其
占皆陽惟不足^微以勝陰陰盛足以侵陽之象夷
狄侵中國亦其一事也況今兩廣四川兵革之
後南北直隸水旱之餘倉庫虛多公私俱困古
人安不忘危治不忘亂當此之時未可謂之甚
安甚理也加之虜寇在邊天變于上地震于下
此正 皇上側身脩行思患預防之時豈可少
以安樂爲事乎伏望

皇上上畏天戒下察人情中爲 宗廟社稷重惜必
以重德自勉必以自逸欲自懲崇儉約之風致
憂勤之意遊樂宴樂無益之事也必節之以養
聖躬金豆銀豆無名之寶也必罷之以防國用尤於

退朝之後萬機之餘日御經筵講明聖學必
使心與理會身與道俱仍乞勅在朝臣工同
加脩省以弭災異如是庶足以解

皇天譴告之威慰人心懇切之望保壽命無疆之休
而區區虜酋必不待戰而自服矣臣等又聞古
之人天子有爭臣七人所以能長保其天下今
臣濫叨耳司之寄備具諫諍之官徒畏忤

聖情緘默自保萬一日後漸致皇上於過差之地
俾將來有不虞之事不得比隆堯舜臣等雖萬
死不足以贖鯨鱗之罪傳天下後世謂之何哉
此區區爲國之微誠如此伏望

少_留廟睿思俯從愚言誠宗廟社稷之福天下之幸

一〇〇
也不勝拳拳之至具題次日奉

聖旨你每說的是當行的事朕自處置君臣上下宜
同加脩省以回

天意欽此

禮部一本類奏災異事內開各處奏報雨水電
電地震星变大災天鼓鳴嚮之類多^甚切爲天人
一理有感即應若政失於此則變應於彼仰惟
皇上奉若天道化理一新宜收格天之功足以浦災
異意者臣等及各處大小臣僚未盡得人德意
未盡奉行罔罔未盡無寬力役未盡均平足以
上千天和所致災異迭見合候 命下之日通
行內外官痛加脩省等因奉

聖旨是

正德六年二月十二日禮部題爲災異事內開
四川等處災異奉

聖旨是這地災變着鎮巡等官克己省愆同心脩政
仍督令所屬官員一体脩省但凡被災變州縣
加意撫恤不許虛應故事今後各處有奏報災
異你部裏隨即查復不必按季類奏欽此

工科給事中鄭自璧一本采群言圖實踐以交脩
聖德事仰惟 陛下遠自藩垣入嗣歷服念民懸之
或倒而首沛 寬恩慨國事之多艱而大開言
路用是大小臣工各以所見照題例開典欵爲
陛下陳之章疏甫上旋降 溫旨一時上者篇章紛
集條貫繁多雖睿資天縱徑自無遺顧一閱之
功恐未必種而德識乞 勅該部將諸臣章奏
絜其網維別其區類萃爲一帙以獻 陛下時
賜覽覲恒加躰驗庶幾端緒可求而知明行果
事半功倍而逸日休奉

聖旨這所言有理近來内外文武官員人等建言事
情有関朕躬的着該科各萃爲一帙進來以便

觀覽

嘉靖十二年四月初二日禮部尚書臣夏言等
題爲瑞兔鹿事奉

聖旨白鵲鹿兔已屢行猷賀之禮今後或有重至
不必復奉你部你還通行天下果非正瑞自至
勿報

一開襲限凡雲貴兩廣甘肅軍職病故應襲子孫艱難耽延十年之上人文不到例不准再襲今查其間又有爲事充軍調衛或幼男寡婦地方寫遠並死亡告保捱過年月者不拘此例行御史查果親子親孫親房弟姪亦與准襲

一查革草場南北直隸山東河南府州縣衛所牧馬草場子粒租銀除奉

詔蠲免外正德十

六年以後并嘉靖三年以前徵者起解拖欠者

撫按官奏

請蠲免

一慎減革軍功陞職因廖麻子駱松祥王浩八等大夥有名劇正賊首爲害能照榜文擒斬并

該部定擬超陞明白者正以此激勵人心不在
一槩減革之例其已革者保勘替襲之年查照
改正

一減徭役查得河南山東山西布政司直隸保定等府額解柴薪皂隸近年餘剩皂隸三百三十七名相應減免合無嘉靖六年爲始斟酌額解大小一百名減六名十石減六十名不必派徵

一清買補京邊腹裏各該官衛騎坐馬匹倒死例該椿朋銀兩其總把等官住俸追補自嘉靖五年十二月以前官軍拖欠椿朋銀兩暫行蠲免住俸官員開支

一憫軍解各處軍解有例違限一年之上問發
充軍領解或輳盤纏或被軍刁阻捺以致後期
不無可憫合行在京在外官司限三月以裏首
官免罪起解若限內不首及換批之後故違限
者照舊施行

一宥罪過凡軍職有犯除十惡及失機邊情侵
盜不宥外有因占役軍餘運糧違限侵種屯田
曠職等情輕降級調衛者暫令復役回衛後不
爲例

國子監祭酒陸深謹奏爲乞

恩認罪以全大

體事奉

聖旨你昨面陳講章未當處朕所得未真特以允奏
今聞講章不欲內閣閱看此係舊規不必更改
如尔等有所見當別具本聞奏何必專以此爲
既認罪罷

費宋石瑋賈詠一本內開今日早該司禮監官持捧御筆旨意一道示諭臣等欲將歷代鑑書中撮其有關於德政之要者撰直解講章并周易詩經中庸序次聯寫日逐進覽又欲臣等將尚書作爲文詞或詩或賦以承一代美事內用俛閒時寫玩臣等伏讀 聖訓不勝慶忭奉

聖旨朕思 祖宗肇造艱難後世子孫必求學治朕嘗觀書倘或疑似何得自強故資問於鄉等而鄉等宜直寫開發備說爲政之要治亂之機不獨於纂要一書通鑑綱目有所取者併爲陳說所觀纂者實守我

皇宗之治書垂教子孫之戒也鄉等當在意輔導

兵部一本爲請明別具便覽事奉

聖旨是今後但事關重大的別具一帖面書御覽畧節四字用印一顆後不用印只具堂上官知名末不必用謹慎題知字樣但以辭終爲結庶朕得細加覽閱若他常事不必爲此煩擾通行部院等衙門都照這等行

都察院左都御史胡世寧一本省文復舊規以便勤政事奉

聖旨覽卿等所奏俱見忠患愛內外衙門章奏俱朕親覽今後不許煩詞虛文但要平直開報敷陳緊關情節庶便看閱都察院通行曉諭各該衙門

知道

禮部一本傳奉事內開嘉靖六年正月初五日
早該司禮監太監張欽傳

已有旨待 郊祀後令各衙門開具條件降勅
頒行朕思民間疾苦情狀甚多一時所開或有
未盡則匹夫匹婦猶有不被其澤者可着諸司
四品以上官及六科十三道各將利民事宜具
本條陳限正月二十日以裏奏來以俟朕采納
斟酌施行所言務要切於政事合於民情忠誠
明白足以消弭災變副朕敬 天恤民之意禮

部知道

京官公差在外遇有緊急密切事情許寫題本
例成化三年二月二十一日禮部尚書姚 等
題爲簡易事儀制清吏司案呈該巡按江西監察
御史趙故題切見內外風憲等衙門地方行事
遇有急密事情及貪暴奸邪等項官員欲行寫
本舉奏皆不熟韻式未免尋人書寫不無洩漏
消息實於政躰不宜及遇無人能寫去處有事
尤爲未便臣聞常題本不拘查無事例如蒙乞
勅禮部議奏通行內外衙門今後除重事該寫奏本
仍依韻式不許有違常事許寫題本惟用字畫
楷正不必拘定式韻從便書寫實爲便益等因
具本該通政司官奏奉 聖旨該部知道欽此

欽遵抄出送司案呈到部看得御史趙欽奏稱
內外風憲等衙門官員在於行事地方除重事
依式該寫奏本常事許寫題本不拘式韻從便
書寫一節除在外衙門照依一体具奏外今京
後官公差在外應行事務照例仍依韻式書寫
奏本若有緊急密切事情誠恐泄漏許寫題本
務要字畫真楷不許草率具題奉

聖旨是欽此

南京刑部都察院係會審叅官并緊急重務許
寫題本例

一件脩省事弘治二年十月內京刑部左侍郎
阮等該奏刑部尚書何等查得先該監察御
史趙欽奏行事例京官公差在外應行事務照
依韻式書寫奏本若有緊急密切事情誠恐泄
漏許寫題本比照題

准行令

南京刑部都察院常行事務仍具奏本若係會
審叅官緊急重務各照前例許寫題本須要緊
慎端楷不可草率

在京各衙門印信題奏并公議事件照舊封進其餘事情俱送通政司封進

弘治五年七月初六日禮部尚書耿等題爲申明舊例事儀制司案呈奉本部送禮科抄出通政使司掌司事工部右侍郎謝等題奏前事查得諸司職掌通政司之設職專出納帝命通達下情凡天下大小衙門奏題本狀悉由本司叅詳封進祖宗垂世立法臣下所當遵守者也臣等見得近年以來在京各衙門除該本衙門有印信奏題本徑自封進外其間有等或建言或自陳或認罪等項奏題本例該送本司封進往往徑赴左順門投進不惟有

失事体抑且變亂成規如蒙乞勅該部各移各該衙門今後凡有前項應該送本司奏題本務要遵依舊制送本司封進如有仍前徑進者該科叅究以警將來庶使法令照明事体歸一緣係申明舊制事理等因奉

聖旨該部知道說欽此欽遵抄出送司查得諸司職掌所載通政司職專出納帝命通達情關防諸司出入公文奏報四方臣民實封建言陳情申訴及軍情聲息災異等事案呈到部看得通政司職掌關防諸司出入公文奏報四方臣民實封等事今掌司事右侍郎謝等奏稱在京各衙門中間有認罪并自陳情項徑赴

左順門投下事体不一要乞俱赴通政司封進庶
事体歸無異議緣奉

欽依該部看了來說事理具題奉
聖旨是欽此

通政司左通政宋滄等一本脩職業申舊規以
新政令事內開邇者節奉 明旨朝 覲官員
皆許進言吏部都察院采擇奏請正臣民拭目
聖化之期政令一新之始臣等待罪鄉僚容可無言
謹條陳職業六事議擬格式隨本上進伏惟
勅下吏部等衙門詳議如言有可采 俯賜施行等
因奉 聖旨祖宗設立通政司衙門出納命令
通達下情所係甚重近來委的廢弛你每奏奉
足見脩奉職業之意都依擬行該衙門知道

計開

一曰定本式伏讀 大明律後附寫題本奏本
格式 定制合無將臣等所擬式樣再加刪定

刊印成式通行內外其朝覲官吏各衙門印給一本未來府州衛所照依衙門許其代領回還給散仍止寫尺寸則依舊模糊若直降格式則易爲遵守旬月之間布滿海內題奏雖多截然如一正字樣今之題本字樣明正惟有奏本尚未齊一合行內外臣民凡有奏本字樣務與題本大畧相似毋得仍前細小不勘覲覽

一明體統查得舊例凡在京各衙門有印信題奏本及公議事情具由本封合無在外行申明俱照弘治年間題准事例今後凡事干私情俱經本司徑自叅奏治罪各衙門仍將所奏事情立案不行

一切刁風臣等翻閱永樂正統年間題本奏本
詞狀副抄詞語不繁事理自明合無將殊語太
長浮詞太多牽連人衆者務令從簡從實固不
使情節遺漏亦不可遂長刁風

一叅駁先於天順年間奉英宗皇帝聖旨恁
通政司各處進來的本上但有差錯不用心的
洪武永樂年間都是不敬恁每計着但是這等
都叅奏進來拏問他欽此合內外臣民用心如
式者固多其不用心違式者不少但未經申明
豈能盡知今畧奉大槩使易遵守有漏使印信
者有接紙違式者有失填年月者有失僉名者
有油膩汚跡者有刮抹損壞者有行欵失當者

有擡頭失格者有計字不明者有潦草欠明者
有官銜錯者有籍貫規避者有失寫皆書者有
前後僉名不一者有首尾失稱臣者有空漏字
格者有重疊字樣者有空白太多者有起頭衙
門官銜兩行書寫者有援引律例欠當者此等
違錯不可枚舉臣等收閱輒者遵照舊例叅奏
施行其一應民本文移亦有違錯如前者不能
一一叅奉煩瀆 聖聰仍聽臣等照舊駁出改
正此令一申則法令昭彰人知趨避矣

一懲積弊訪得有等積年光棍打成一顆父子
兄弟祖孫相承於本司門首專一匡騙爲生或
假以調寫詞狀或詭立代書或替人進本告狀

或替阻留本狀或潛徃法司頂名了事替探消息徃來傳報以致姦偽成風良善受害其在外新來小民被其騙害忍氣吞声尤爲可憫今後但有此等之徒臣等体訪得出或被入扯告徃自叅送法司照例從重究治

通政使司一本土夷奏本違式申明舊規請
聖裁以便遵奉事內開照得各處宣慰宣撫招討安
撫長官等皆蠻夷之地要服之國也其通朝
貢遵約束無異司府州縣但奉進本式長短闊狹
參差差不齊甚至攔有痕迹潦草不成違錯多
端難盡枚舉臣等查得本司舊規凡各處大小
衙門人員題奏本賫捧到司臣等勘違式太甚
具本叅奏謂之大叅違式式小者本司類本封
進候次日左順門接出徑自叅送該科發抄
各該衙門候年終類奏謂之小叅至於土官衙
門奏本到司本司類用小叅此亦相傳舊規但
近日以來土官衙門奏本太多委的違式太甚

本司先年雖有題 准本式或者各處行移未
曾遍及土官衙門以致仍前失格如此臣等欲
行逐一具本叅奏臣恐重煩 聖聰將有不勝
其叅者矣若不申明舊規奏請更定則下國夷
荒無所尊信而 皇極帝則何由會歸哉伏望
勅下禮部移咨都察院將本司先年題 准題本
格式通行各處巡撫巡按衙門遇有土官地方仰
行布政司遍行知會一体遵守仍將文移行到
日期繳報本部以憑稽考庶使事体歸一文軌
同風合無自今以後各土官奏本違式者臣等
暫照舊規封

進次日往自小叅送各該衙門以俟類奏待奉

本司先年雖有題 准本式或者各處行移未
 曾遍及土官衙門以致仍前失格如此臣等欲
 行逐一具本叅奏臣恐重煩 聖聰將有不勝
 其叅者矣若不申明舊規奏請更定則下國夷
 荒無所尊信而 皇極帝則何由會歸哉伏望
 勅下禮部移咨都察院將本司先年題 准題本
 式通行各處巡撫巡按衙門遇有土官地方仰
 行布政司遍行知會一体遵守仍將文移行到
 日期繳報本部以憑稽考庶使事體歸一文軌
 同風合無自今以後各土官奏本違式者臣等
 暫照舊規封
 進次日往自小叅送各該衙門以俟類奏待奉

年以後類行移遍及之日遇有違錯者具本大
叅提問惟復別有定奪等因

嘉靖十四年六月初六日題奉

聖旨是奏本格式便通行天下一體遵守土官奏本
違式的照舊規類奏禮部知道

禮部一本正體統以戒躁妄事近該本部辦事
進士盧梗先於六月內上疏言事蒙

聖旨允納本月初一日午時臣等於後堂辦理文書
梗復趨入遞送揭帖一本又云上疏言事問之
言已於三日前進訖查得本官先次進本將揭
送各衙門堂上官至第四日始聞於臣等今次
又進本之第三日始來後堂遞送揭帖臣切照
朝廷之上凡事有体進士係新進儒生初試官政未
嘗更事與見任授職者不同尤當謹守規矩專
聽約束即欲進言當先呈稟本堂上官如其所
公而是堂官必無阻抑之理如或所言私而非
則自當聽堂上官可否此與許諸人直言無隱

之例不同故事惟十三道御史言事必封進後
方呈遞揭帖於都察院堂上蓋御史乃言官又
風憲之官不先聞於都御史者防其或得以制
之也 祖宗設官意也此又與各衙門進士言
事不同叅照進士廬榷旬日之間兩上封事多
口瀆 聽已涉出位之嫌徃情直行罔循屬吏
之分若不明正事体恐少年新進争相倣倣養
成輕躁之風有損敦大之治如蒙乞

勅法司提問如律仍通行禁飭今後九鄉各衙門屬
官及進士凡上疏言事務先呈稟本堂上官如
所言允合公論有補治理不許堂上私抑如狹
私妄誕即加禁止庶政体有補而新進者亦知

所取正矣奉

聖旨是盧梗輕躁瀆奏已有旨着吏部叅看了今後各衙門屬官都照這所奏行

嘉靖五年七月初六日

禁約抄寫假奏詞旨意傳用惑衆

成化八年六月二十一日都察院左都御史李等題爲違法等事廣西道呈准錦衣衛鎮撫司手本開問得犯人王安招係應天府上元縣軍籍有弟王寧充隆慶衛軍安前去供送盤纏到衛回還到京在於四牌樓猪市遇見不知名小厮手挈奏詞旨意一旨開寫勅諭五軍都督府文武百官便行榜文各衛所知道征軍天下

康寧給一路賞賜行糧不絕百姓妻子朝歡暮
樂尚且不足好害征軍原籍父母兄弟不肯赴
京面奏有司官吏人等治以重罪欽此五軍督
都府兵部文武百官早朝欽奉

聖旨分付天下各府州縣官吏人等軍戶男子免三
丁各衛所府州縣官吏人等看我言語當該官
吏刁蹬不肯優免許軍家赴京面奏治以重罪
五軍都督府士一指揮奏五十五件事奏

聖旨我去隆慶寺走一遭在楼下見小廝年十歲身
無衣裳赤腳我尋思起來說老幼每人看回鄉
與他官田十五畝不要納糧自種自食十五年
不當差有去的便寫來不去的亦寫來欽此

奉天門奏奉

聖旨各衛有老幼患病替換一家

二三四箇月糧不勾食用各衛取看出來除存

留當房家小在營住坐多着還鄉存留住坐買

賣生理指揮千百戶鎮撫生事害他官吏同掣

赴奉天門奏問明白發落邊遠充軍欽此

聖旨今後但有軍民人等地上豪富之家侵占退與

當軍人幫補盤纏各處衛所有司不知前件

聖旨念軍民之家艱苦將山東河南湖廣江西等處

原籍軍民拋荒田土山場房屋地基盡都退與

本戶當軍人家收管辦納軍裝衣鞋如有偷收

過割侵占依律罪之累奉

聖旨分付天下各衛所邊軍頭目不許阻當老幼餘

丁家小不許停留在營治以重罪天下各邊遠
閑口官吏人等不許阻當即便放行等項詞語
是安就問小廝討讀一遍明知前項奏詞旨意
不成文理係是捏造作傳不合用錢五文收要
要回原籍告爭田土又抄一張傳與軍人李興
老軍田文亦不合問李興借去央軍人彭敬騰
寫一紙在家致被校尉延亮肱知捉拿奏送到
^有司問招明白今將各犯并追出假奏詞旨意一
紙通送都察院擬罪誠恐在京軍民見有前假
奏詞旨意不知真僞一槩抄寫傳用惑衆未便
合就着本院出榜於京城內外張曉諭等因該
掌印司正千戶趙景等具題奉

聖旨是欽此欽遵連人送道除將王安等問擬明白
具本發審大理寺審允發落外合行具呈給榜
曉諭等因到院看得錦衣衛鎮撫司奏稱犯人
王安等傳寫假奏詞旨意誠恐在京軍民不知
真偽一槩抄寫傳用惑衆要行出榜曉諭一節
合無請給

聖旨榜文前去京城內外張掛曉諭惟復本院止將
原問招詞出榜禁約緣係出榜事理未敢擅便
具題次日奉

聖旨是將原招詞出禁約欽此

通傳朝報例

弘治元年三月二十日太子少保禮部尚書
等題爲陳言地方等事該禮科給事中李 奏
言時務五事內一件通朝報以廣 德意臣看
得各衙門舊規凡有 旨意出自內批者皆得傳
寫通報其相承已非一日近年以來因張璉事
發有 詔禁戒不得仍前傳寫遂使朝中政令
各衙門皆不得相聞臣伏念自
皇上御極以來勵精圖治凡百政令一皆令維新如大
明麗天群陰屏迹朝報之傳不傳固所不係也
但 朝廷四方之極 朝廷政令如雷如霆四
方之人所願共聞者也今一皆秘而不傳使

朝廷政令四方無所聞臣竊謂聖明之朝不宜壅蔽如此也況今四海一家一家之中而可使家政之不相聞乎唐虞之明目達聰其氣象恐不如是共宋時杜衍罷政居家一日憂見于色人問其故衍曰適覩朝報行某事非便所以憂也一日喜見于色人又問之衍曰今日朝報某人進用某人進用社稷之福也即是而言則朝報之傳從古亦有之如蒙乞勅各該公同會議叅之於古酌之於今如是無大碍容令各衙門照舊傳寫通報非惟不悞乎人情而我皇朝光明正大之體可以常存而不失矣奉聖旨該衙門看了來說欽此前件竊惟王言如絲其

出如綸王言如綸其出如綍正當風行雷動天下之人得以快於觀聽莫不感發興起以成聖明從而治之效况其大要尤在於慶賞威之間故賞一人而天下知所勸刑一人而天下知所懲是亦必須廣傳朝報以宣布德意而勸懲天下之具也仰惟聖明御極以來一政一事一賞一罰皆當乎天理合乎人心固當使天下誦之以爲美談後世傳之以爲盛事豈可不傳乎況禁傳朝報實由近年以來正大光明之世而有此壅遏蒙昧之治誠非所宜一或有奸邪之人矯詐而行廷臣莫敢預聞所司莫敢明辯其爲害事豈可勝言其李孟賜所言深爲有理伏乞

聖明特賜

愈允自今凡奉朝命仍聽各衙門照舊

傳報奉

聖旨准擬欽此

戶科給事中章矯一本辯明假僞事奉
聖旨這假名進本的着吏部及各緝事衙門用心訪
究務要得獲來說通政司今後收受章奏如有
可疑的即便羈管叅究不許一槩濫收縱容奸
惡該衙門知道

兵部一本奉正期冒事奉

聖旨是這假名奏本人員着揖事衙門多方查訪務
要得獲

勅諭

朕自古帝王功德之實皆有紀述以垂示後世
堯舜湯武之蹟見於書漢唐宋歷代之事備諸
史我

皇考憲宗純皇帝聰明神聖孝敬寬仁繼体守成二
十四載洪謨偉烈昭布萬方自非載諸簡冊用
彰盛美則天下後世何所仰至德而被休光尔
礼部宜循祖宗舊典通行中外采輯事實送

翰林院編纂纂實錄其以太傳兼太子太師兼
國公張懋爲監脩少傳兼太子太師吏部尚書
謹身殿太李士劉吉禮部尚書文淵閣太李士
劉健爲總裁詹事府掌府事禮部尚書丘濬吏
部右侍郎楊守陳詹事府少詹事兼翰林院講
李士汪諧爲副總裁詹事府少詹事兼翰林侍
講李士等官程敏政等爲纂脩官凡合行事宜
悉照例奉行欽哉故諭欽此欽遵欵便照依天
順八年纂脩事例本部會同監脩等官太傳兼
太子太師英國公張懋少傳兼太子太師吏部
尚書謹身殿太李士劉等將合行事宜逐一
議擬開坐具奏施行未敢擅便弘治元年閏正

月初四日太子少保本部尚書周 等題次日
奉 聖旨准議行欽此欽遵擬合通行除外合
行開單粘連移咨該部煩將合取勘各項事件
務要選委有文孝公正官一員自天順八年正
月起至成化二十三年八月止逐一詳悉查考
編類造本衙門具奏令原委官送赴史館以憑
去取仍行合屬衙門及轉行南京兵部及太僕
寺苑馬寺一体委官查考類報施行勿致隱漏
疎畧亦不許扶捏妄報等因四清吏司郎中張
洵范綱張忱戴豪劉傳公同推奉職方清吏司
員外郎徐原堪以委用其見委管理清戒軍丁
諸事合當另委官員代理及照前項四司亦合

委官一員各將本司應該編纂事件清查陸續
類送徐源處交割類造文冊以終其事擬合通
行除外合連送該司仰付勘合卷類行直隸鎮
江府各行所屬不分流官土官衙門各另委官
自順天八年正月起到成化二十三年八月止
節查各項事件一体委官查考類造文冊完報
施行

計開本部查考事件

- 一勅旨警戒及 聖旨戒約榜文等項二開報
- 一宮衛士更番及侍衛兵器之類具報
- 一鹵簿及一應儀仗等第并新增減者俱用開報
- 一銓選在都督都指揮及親各衛指揮在外都指

揮逐一開報若有功蹟顯著者不拘職之大小盡行開報其傳陞乞陞并降革緣由俱用開報一城池閔隘屯堡設置沿革及繕修閱實之事二開報

一軍衛衙門凡衛所及宣慰宣撫等衙門舊乃移易新設日月處所具報

兵政凡兵政有新令皆報其將各處鎮守備禦并遣文臣總督提督軍功更代年月緣由及有規畫措置之實亦皆報來凡各衛軍士校尉將軍選用調撥閱習增減及新設屯戍并召募者逐類開報

一征討平湖如建州之類皆報平蠻如平大藤岐

山都掌類皆報平及叛如平^未劉千斤滿四之類
皆報以要始^未本年月緣由及將發兵之事

一馬政凡天下軍民衙門係官馬匹及孳生馬
馬買馬之事俱要開報有拖欠各項馬匹遇
恩免者詳具所免總數開報

一官津郵驛凡官津巡司驛傳遞運所鋪舍烽堠
有新及更革者俱着月日報來其或差人整點
修築及禁約條例亦皆開報 一封贈凡軍民
官設後奉 特恩褒贈及推封三代者亦用開
報 一削奪凡赦宥復職都指揮親軍指揮詳
悉開報 一優給凡武官子孫優給之例有更
革及新令皆報一致仕凡都督都指揮老疾致

及擾閑者明白開報 一在京雜職衙門其欽

奉 特旨行過事蹟明白開報若由各衙門移

者從該衙門開報不必重開 一本部各年行

過事件有干依纂脩可爲勸懲者今開具條件

雖不盡載皆從逐一檢點太僕寺與苑馬寺同

一勅旨凡奉勅旨驚戒及

聖旨戒約榜文等項一一開報 一養馬凡驗丁俵

散種馬及苑馬寺充軍養馬詳具前後事例開

報 一牧地凡牧馬地方及有移徙他處者每

年開報 一孳生每年馬匹繁息之數亦報

一本衙門各年行過事件有干係纂脩可爲勸

懲者今開具修件雖不盡載皆須逐一點檢具

報
一在京雜取衙門其有欽奉

兼事府詹事兼翰林院李士等官霍韜等一本
修書事臣等奉脩大明會典先將舊典各書翻
閱切見洪武初年天下田土八百四十九萬六
千頃有奇弘治十五年存額二十三萬非撥給
與藩府則欺隱於猾民或冊文之偽誤也若廣
東額田二十三萬今存額七萬蓋廣東無藩府
撥給而疆里如舊非荒於寇賊則欺隱於猾民
再按天下戶口洪武初年戶一千六十五萬有
奇口六千五十四萬有奇再勅戶部覈實
天下藩府戶部題稱洪武初年山西惟封留府
一王歲支祿米一万石今增郡王鎮輔奉國將
將軍中尉而天下共二千八百五十一位歲支

祿米八十七萬有奇 勅行禮部備查天下武
職洪武初年二萬八千餘員成化五年增至八
萬一千餘員錦衣衛官洪武初年二百一十一
員今增一千七百餘員 勅下兵部備查天下
文職洪武初年官有定額故類易稽今冗員日
多職守日紊數亦難稽 勅下吏部詳查送館
稽纂馬俾司國計者如官愈多而 國愈困民
愈病而思所以處之也再按二臣監局官員伏
讀 皇明祖訓置職甚詳惟弘治年間儒臣失
考不及纂述 勅下禮部行司禮監備查洪武
年間各監局職掌何如員數何如 列聖以來
欽差事例何如今日員數何如送館稽纂若刑工二

部都察院凡累年匠役之制 宮府供需之式
四方料物之準律令異同之宜我 太祖皇帝
有定典在弘治年間庸臣舞智更爲新例陰攘
成憲多矣伏乞 勅下廷臣共加酌議再按修
書舊例祇憑各部送造冊籍是致多譌若得各
衙門官各一員共事編纂則事例原委部官能
自稽理仍得算術二人以備數算奉
聖旨這纂修書籍正要校正着訛着各該衙門將沿
革定數只查對明白送付史館供事官已勾用
了罷算術人役依擬取用

禮部一本纂實錄事內開成化三年進

英宗實錄禮畢賜宴是日賜監修官總裁白金八十兩文綺四表裏罗衣一襲鞍馬一副副總裁白金八十兩文綺四表裏罗衣一襲纂脩官白金三十兩文綺三表裏罗衣一襲膳錄官白金十五兩文綺二表裏罗衣一襲催纂官叅對官白金二十兩文綺二表裏罗衣一襲收掌文籍官白金十兩文綺一表裏各陞擢憂制去任久近不一賜賞有差已故并致仕事故官俱不與實合行備開

上請等因奉

聖旨監修等官賞賜俱照成化三年事例行續添膳錄官十五員照監生例各賞銀五兩紵絲一表

裏吏典十名校尉二名各鈔二十錠絹一疋人
匠十九名各鈔二十錠布一疋

內閣欽奉

聖諭

朕惟仁義恩威不可相掩且大義有滅親之
文况他乎茲因寬恤槩赦重罪是非王政也卿
等敬曾調赦爲小人之幸此言恐不可食以取
違國恩之朕非不体洪造彼輩無可宥之礼茲
議擬之時或有乘機行惠或脇持秉筆者朕已
各有批示獨思卿等敬或生畏疑自負平生之
志恐理不可教茲特用明諭卿等可将朕此意
播諸多人使共曉之欽奉 御批二條大理礼

係奪君之父大獄係殺舅人原條大禮始不赦此一條想爲馮恩秦鐘釋不用

都察院右僉都御史史道一本爲昭衆心抑邪
妄以慰 聖懷事奉

聖旨這所言知道了陳來着法司從重擬奏
請發落今後敢有指議 大祀紊亂盛典希圖進用
的挈問重治不曉着該科記着

嘉靖十一年九月

日

建言民情緊要事半月內會議奏言利弊緊要
事五日會議

一件持公論以保良法事弘治元年七月內該刑
科給士中胡金奏該太子少保本部尚書等題
節該欽奉

聖旨今後民事有緊要半月內會議若奏言利弊等
項果係緊要五日會議

太子太保兵部尚書李廷勛侍郎王廷相一本
請正會議事奉

聖旨卿等說的事朝廷凡用入行政事于重大的勅
下廷議正欲采取公論以集衆思今後議大臣
務要各秉忠誠是公非勿得扶同遷就聯名署
題有誤大事科道官亦要公牽可否

巡撫巡按放回外任老疾等項官員類奏
吏部稽考

成化八年四月十五日吏部尚書等題爲
事查得各處巡撫巡按等官遇有司府州縣等
衙門官員告稱老疾不堪任事等項依律就彼
放回原籍致仕閑住多不具奏本部無從稽考
合無今後但有奉例考察及准告致仕閑住官
員不分大小放免以後務要類奏以憑稽考揭
黃作缺奉

聖旨是欽此

巡按御史具奏缺官并有司按季造冊申
缺

一件關防詐僞以清選法事成化十年閏十月內
該部題

准各處將大小衙門缺官兩月一次具奏每缺要某
官某人於某年月日爲某事去任仍督令各該
司府州依例按季造冊及開缺不明任滿捏故
并妄官久占署印不即申缺者徑自提問應叅
奏者具由叅

奏

爲事爲民脫逃等項官員開報吏部例

成化四年八月二十四日吏部爲查理爲事官員事文選清吏司案呈照得本部所選官員動以萬計中間守法奉公者固多懷奸匿詐者不以有先前在任爲事斷發除名者有丁憂省祭在家犯罪爲民者有被告詐惧罪脫逃者有聞知事發詐喪離任者有將病故官員姓名頂冒圖選者往往囑託官司虛捏文書朦朧起送部听選且如夏志明直隸太平府當塗縣人任山西太原府忻州知州爲貪賍害民等事山西按

察司問擬爲民馬震江西饒州府樂平縣人任
福建章州府龍岩縣縣丞爲賍官違法科歛害
民等事福建按察司提問間假以奏事爲由脫
逃赴京黃祥浙江金華縣人任湖廣黃州府蘄
水縣典史爲違法奸弊貪酷害民等事巡按湖
廣監察御史問擬杖罪納米遇

恩宥釋放爲民魏璋湖廣靖州人任四川成都府羅
江縣白馬關巡檢司巡檢爲貪賍等事四川按
察司副使宋欽提解中途打脫逃走俱各詐詐
丁憂起復到部又如民人尚勉江西南昌府南
昌縣人詐稱已故倉大使尚勉姓名克選各人
雖查出問理去訖緣似此奸詐之徒尚多若不

設法查究關防不無有碍選法未便等因具呈
到部叅照所呈今听選官員既有前項情弊合
無通行各處布按二司并直隸府州縣查照各
該管屬自景泰年間以來凡爲事有惧罪脫逃
及詐冒丁憂去任等項官員務要備開原籍鄉
貫任所名姓官銜爲事在外等項畧節緣由造
冊印封順差的當人徑送本部以憑查考敢有
扶同隱匿不報者事發連坐以罪仍行兩京刑
部都察院及行各處巡撫都御史各將爲事例
該爲民官員因而惧罪脫逃詐冒丁憂及賍証
明白遇革不魯問革者一体備行本部知會庶
幾人知警惧選法得清緣係除革奸弊事理未

敢擅便具題當日奉

聖旨是欽此欽遵

內外問刑衙門將問發官吏監生克軍爲
民等項畧節招由開報吏部查考例

成化十四年八月二十四日吏部爲建言事文
選清吏司案呈禮科抄出浙江紹興府等衙門
知府等官人等戴琥等建言民情事件該通政
使司官奏奉

聖旨是欽此欽遵抄出會各部議得合准所言宜從

查勘定奪內一件該翰林院辦事吏陳隸建言
查考爲事監生切思

朝廷養育人材如監生在監讀書正欲崇尚得
義爲先事吏典掌握文移尤欲其守身律已爲
要迨至冠帶銓其未至听令給引照回省祭依
親又使知孝於親而移忠於君及其授職又待
廩給祿以養其廉爲臣子者須當守法奉公竭
忠効勞以圖補報臣看得近年以來在外府州
縣等衙門大小官員吏典并省祭官依親監生
多有不顧廉耻惟懷已私貪財壞法靡所不爲
及至事發或被巡按監察御史按察司分巡官
問革罷職後爲民比時原問官司止案附近衙

門追納贖罪未完日轉發原籍縣分爲民當差
其省祭官依親監生原給順天應天府照回文
引二考後滿吏典曾經該衙門起送公文俱多
失追繳二三年之間省祭官監生將失追文引
潛自屬該衙門起送後滿吏將原起公文親賁
赴部听選撥用丹有在任爲事官及二考未滿
爲民吏隨就任所衙門詐稱丁憂待至三年後
經自原籍官司送本布政司買屬該吏朦朧改
撥起送其吏雖取任衙門官吏保結不知本犯
以先藏有空絀印信扣捏見任官吏保結或就
原問衙門買屬官吏扶捏保結者亦有之吏部
止憑起送公文保結并原給文引堪印信一時

難辯真爲一槩撥選衙門似此欺詐等情視以爲常如蒙乞

勅該部今後倘有此等奸弊在內從科道給事中御史糾劾在外乞行巡按御史并按察司分巡官訪察果有此等官吏監生即便拏問追還原支過俸米違發原籍爲民當差仍行布按二司各行府州衛縣并斷司問刑等衙門知會今後遇有爲事問發爲民官吏監生就將姓名及問過招罪逐月申報合十上司并巡按御史至年終布按二司將本司并合屬問過官吏監生姓名畧節招由開造文冊繳報吏部候官吏考滿給由監生取銓到部之日以憑查對若衙門官吏

考滿給由隱匿不開報者一月之外經該官吏
即坐以受財枉法贓罪如此則爲事官吏監生
得便考察隱匿詐冒者不容倖進等因前件議
得吏部查行各官於

奉天門奏奉

聖旨是欽此欽遵俵咨移付到司案呈叅照前項爲
事官吏監生多因原問衙門及各人原籍官司
不行開報致有朦朧賫執原引及原起送公文
并詐捏丁憂起復批結等項赴部听選撥用無
憑查考今辦事吏陳穎所言誠爲有理擬合通
行除外合行移咨前去今後但有問發官吏監
生克軍爲民等項將問過各節緣由希報以憑

查照施行

閩防問革爲民克軍等項官吏詐冒選法
例成化十五年閏十月十二日吏部題爲閩防
詐僞以清選事照得本部各項听選官吏監生
人等不下四万餘人先因天下衙門缺少連年
選法積滯守候人難已經奏

准吏員冠帶自正八品以下至未流辦事滿日听其
回家省祭候勘合行取於原籍官司例文起送
其考滿起復行取等項到部官員并入選監生

守候月久者亦許給假送順天府給引照回取
討盤纏依限覈執原引赴部告繳已是定規柰
何人多變詐積弊日久有本身在家病故而本
家兄弟男姪或外處異姓之人營求原倒公文
批引赴部冒頂姓名入選者有本身爲事爲民
仍將原引買求所司朦朧起送者有本身家道
貧乏不能赴部却將原給文引起送公文密地
賣與他人頂冒前來入選者又有考退閑任爲
民等項官員欲在貪贓知人欲告及已告在官
或倉官畏避守支巡檢貪圖在任徃徃詐稱新
喪去任及貪婪無厭官員明知父母喪匿而不
舉哀直至年久事將發露方纔那移父母病故

年月丁憂回還於他處託故朶避扣該起復朦朶買求官吏里書捏結起送赴部及訪得廣西等布政司各學生員數少多是外處遊食之人假託財食夤緣附籍叅克廩膳生員不過二三年即與歲貢起送或本土歲貢生員將倒公文賣與各處無籍之徒頂冒姓名到於礼部告就教職該管部司不過信憑原來公文查究年籍相同考試選用其奸詐事情亦難一一周知今部查得先年考退老疾閑住知州知縣等官朶廣貪贓爲民主簿巡檢等官陳政等各詐喪起復事發塩場副使肖升等匿喪事發假如四川民人張全冒外故父張鰲姓名授羅田縣主簿

江西民人羅郎李奉冒頂廣西歲貢生員魏諫
李義授儒學訓導前後作僞不下二十余起及
安福縣民人王珵冒頂貴州已故監生王珪授
雲南安寧州吏目近該行事校尉緝獲事發除
已事發明正其罪外中間未事發者不能保其
必無又如

欽選過官員給憑赴任多有在京將憑典當銀兩置
買衣裝器皿之類及至起程慮不得到任却於
中途捏作水盜賊失去文憑妄告所司朦朧帖
給以圖僥倖赴任若不嚴加立法禁革誠恐詐
僞之風日甚一日官府被其欺罔人民受其擾
害未便今將合行禁約事宜議擬合無通行天

下浙江等布政司直隸府州縣巡撫巡按布按
二司等衙門各依擬通行用心關防及听本部
給榜禁約具題次日奉

聖旨是欽此

計開

兩京法司及在外巡按布按二司各道等衙門
問過爲民克軍等項官員往年不行本部知會
致有奸詐之徒詐冒入選無憑查考今後合無
行移兩京法司及在外巡撫巡按三司府州縣
等衙門遇有問過見任丁憂省祭等項等職爲
民克軍官吏監生即將問過緊關畧節招由擬
議在京徑行本部在外着令布政司直隸府州

縣每年終查明白類造文冊送部查考以憑作
缺揭黃除名若所在官司容情听屬寅緣作弊
及將各屬申到前項公文歇案隱匿不行事發
經該官吏一体叅究從重歸結

外任官丁憂俱申候上司查無違碍給文
執照若有爲事歸結方許出任

一件關防詐僞以清選法事成化十年閏十月內

吏部題

准今後在外見任大小官員遇有例該承祖父母并

父母病故各官家屬即將新故年月日期姓名
開告原籍官轉申各該布政司直隸府州縣衙
門於每年終類造文冊一本繳送本部查考其
在任聞喪雖以聞喪日期爲始俱要申候本管
上司衙門查無違碍給與明文若布政司彌遠
亦查奉本管本府州縣文憑執照但任內犯有
一應私罪或被入呈告未結俱轉勘提歸結無
得告奉明文方許出仕候到家起復之日將適
身明文告繳原籍官司倒文粘連起送赴部其
各該布政司直隸府州縣將在任病故丁憂陸
續照例呈奏作缺仍將丁憂去任無碍緣由并
父母病故聞喪年月日期逐一查造文冊一年

一次送部查與原籍造到文冊相同方准收選
各該官司敢有朦朧蒙捏文結將革職爲民間
住等官吏冒送前來或容令無喪詐稱有喪舊
喪詐稱新喪及無去任明文或虧避者查對得
出或因別事發露正犯悉照見行事例發落經
該官吏以枉法從重論罪

不該入選人員增減年歲改洗文案隱匿
過名入選者事發爲民

弘治元年十月初二日太子太保吏部尚書王
等題爲做囚人事該刑部貴州清吏司問得張

張明年六十六歲四川叙州府南溪縣人由監生任雲南武定軍民府和曲州元謀縣縣丞成化十七年四月二十七日聞母陸氏喪告回守制接父張源并繼母王氏喪服滿具呈本縣起送本府轉送本布政司倒給咨呈弘治元年七月十三日到京明知年已六十六歲例不進選不合將銀二兩買求稽勲司都吏李瑞明知枉法不合接受將明貼黃年歲處裁去八分一條除授時年五十七歲改寫作四十三歲後明賁文到稽勲司告接蒙本司隨吊文選司選簿查扣減去一十四歲叅送刑房問擬張明有事以財行求得枉法者計所以財坐贓論一百貫律

減等杖一百運水和炭完足送吏部收查發落等因付送到部看得縣丞張明年紀六十有六例該致仕却乃用財買求該吏裁黃減年以圖入選今既事發該吏例該充軍若令本犯致仕無以警戒將來欲將張明革去冠帶送戶部發回原籍爲民仍通行內外問刑衙門今後官吏監生知印承差人等但係年老事故例不入選買求該吏增減年歲洗改文案隱匿過名以圖選用未曾除授事發者問擬明白照依此例發落爲民已經除授事發者問發口外爲民以爲寅緣作弊之戒奉

聖旨是欽此

去任官員詐稱起復發口外爲民例

成化六年十二月二十三日吏部奏行該山西汾西縣罷軟無爲考退知縣陳英詐作丁憂起復到部送問外今後凡考察退任并爲事問發一應閑任爲民官員敢有似前隱匿退任緣由仍作丁憂起復者悉發口外爲民扶同保結僉書官吏人等以枉法賍論

先該礼科都給事中邢寰奏爲遵照

舊典以疏通人材事本部看得所奏要將歲貢納粟
監生自正德十四年起歷滿上選者各附一簿
取選之時歲貢分納粟四分似亦有見似中間
不曾論及舉人官生及先年上選見今挨次該
取者猶爲未備切緣近年以來納粟者多選途
爲之填壅委應議處如願告遠方一事舉人歲
貢官生上選三年便許告選而納粟者非滿六
年不許立法之意未嘗不稍裁抑但未及通融
議處合無依其所奏自今覆奏

命下之日爲始本部將科貢官生仍作一簿納粟

監生別立一簿歷滿上選之日各令挨次附寫
仍咨南京吏部一体遵行待候取選之時所從
本部斟酌人數多寡照缺叅用其先年上選見
今挨次該取者舉人歲貢官生取選之日照缺
多寡不拘名數若納粟監生人少亦不拘名數
多則不過二十五名之外待至下選挨取逐漸
擢節大約數年之後納粟之途比之正途稍遲
二三年則庶幾遲速得宜而情法亦當矣等因
正德十四年七月十七日具題奉

聖旨是欽此又查得正德十五年該本部題爲選事
照今年朝 覲考察在外有司佐貳首領等項
員缺數多今次取選人數必須加倍常選納粟

一行似行議處欲於本年八月取選將納一行
量增名數仍不得過四分之一以後員缺數多
一体查照量增名數不失通融而自寓撙節等
因題奉

聖旨是欽此欽遵今嘉靖二年又該朝 覲之後在
外有司佐貳首領官比之十五年分大約相同
即今四月大選所取舉貢監生入選人必須加
倍常選納粟一行各照先年量增名數事体斟酌
選用奉

聖旨是

吏部一本缺官事內開爲照近年以來止於朝
覲考察之後方行揀選一次以後每年止照常
例陸選但今處開報事故等項員缺數多查有
到部舉人數少監生堪任前職者不多而該選
舉人監生姓名在後又不得越次取選前項員
缺俱係緊要合再查照節年舊例揀選除補通
查案呈到部看得府州縣正官係親民之官委
須得人庶於地方有益今既員缺數多合無比
照弘治正德年間題准事例除大選外查得到
部所選舉人歲貢監生名次近者嚴加考選務
在得人分別等第各擬相應職事以後每年二

月八月仍照前例一体揀選除補庶人材不致壅滯而選法得以疏通奉

聖旨是

查得順天年間事例七品八品九品官守候年久有願告從九品并雜職內選用者听又查得本部見行事例邊遠地方衙門遇有員缺數多許在部听候揀選未到監生人等具告本部照例考試定立等第不拘常選各擬相應職事奏請選用及查得四川等布政司陝西慶陽等府鎮

平定邊等倉各缺大使共一百九十八員係從九品見今本行在部所選人數甚少貴州等處程番等府大龍番等長官司各缺吏目共八十員係未入流遠方衙門凡遇選除官員憚其途遠不樂赴任往往有即時告願致仕者今據各告前因通查案呈到部看得吏員出身上糧納銀納馬行取到部听選正八品該選各衛知事

王府工正從八品該除工副今各本行委的缺少守候艱難况各處司府倉大使有缺無人選補各長官司吏目員缺數多原係遠方衙門守選年久官員委不樂就既查有天順年間七八九

品許告從九品并監生願告遠方事例相應准其所告合無將上糧吏員出身正從八品挨選未到陳鎡等各查司府倉大使等雜職挨選未到張廉等各查長官司吏目員缺另行具

奏銓補以從上糧納銀納馬挨選未到正從八品願告從九品司府倉大使雜職挨選未到願告長官司吏目官員一体查照選便選法疏通而司府倉場遠方衙門不至缺官廢事矣奉

聖旨是

吏部一本懇乞 天恩憐憫苦極少蘇淹滯事
內開議得山廠管運官員委被攬頭人等積年
拖欠受累困苦相應議處除大倉收糧經歷係
在京官員難准比照外查有各邊收糧判官經
歷等官三年給由到部改選奏補事例似可比
擬通行合無移咨督總山廠侍郎嚴督各官勉
盡職務如果操持無玷三年領運經手柴炭額
課足數取獲批迴照例起送赴部給由查訪考
覈相同照邊管糧判官等官事體改選其經手
柴炭有未完者不許一槩起送奉
聖旨是廠官有操持無玷三年內領運柴炭額課完
足的准照例改選

吏部一本陳情乞

恩比例筵授職銜以榮終身事奉

聖旨听選監生年老不願出仕的例該量加職銜致仕吳山等比例陳情乞實濫朝廷名器今徐術又行攀扯舉擾你部裏既行行參奏以革宿弊却爲陳情且不查究徐術只着以医回籍去并吳山等御医職銜都革了醫士替補起自何例還着礼部查明來說

嘉靖十六年二月初四日題

吏科都給事中劉 等一本催促南京法司堂官赴脩舉政務事奉

聖旨你每說的事南京法司係是問刑緊要衙門近日推補堂上官員往往便道抵家不行作急赴任以致推鞠無統獄囚淹禁好生有負委託且不查究邊貢着吏部行文催捉上緊赴任周倫已改用了已行文着上緊來今後吏部推舉兩京堂上官俱要酌量才望所宜勿過以南北爲拘使久於其任無致更代不常疎曠誤事其赴任大臣務要舊圖新奉公体國脩舉政務不許似前怠慢其內外大小衙門官員赴任復任及考滿公差等項仍要申明例限嚴加禁約如有出舍遲過家延住以致政事耽悞的各該衙門着實查考叅奏處治欽此

吏部一本議處文憑事內開文選司案呈到部
看得即今災傷地方缺人甚急文憑委應議處
合無本部今後遇有一應選轉官員填寫文憑
俱送兵部馬上差人如係各省者發布政司係
直隸者發各府州俱令轉發本部外封開寫緊
急公文兵部遇到即日差發不必候多類行各
布政司府州遇到即時轉發不許時刻留難如
馬人役或有事故即投所在官司轉賣遲悞即
將賣文人役從重問擬各官接憑之後即便離

任兵部該司每季終具手本各布政司府州每季終造冊將收發過月日開報本部查考若有遲悞責有所歸本部仍通行在外各衙門遇有徑賁文憑不係各府司州轉發人役就便挈問究治等因奉

聖旨是

申明京官除外任不得過一月之外不出城在外官員自選之後限五日起科畫字領憑若延緩半月之上不出城者查出問送其已出城潛

住者改降別用過違憲限半月之上者不到任者雖有中途患帖不隄照例問罪一年之上者不許到任起送革職爲民

弘治七年八月二十三日吏部尚書耿 等題爲申明舊例禁約事文選清吏司案呈竊照本司職掌銓選內外大小官員緣天下司府州縣等衙門官遇有員缺例該按月申報本部照缺銓補其選去官員自合依限赴任近年以來有等大選及考滿復職進

表公差等項官員事完多有不即赴部給領文憑批及至承領文憑批迴又多託故不行有詐稱疾病等項在京潛住者有枉道回家延住日久

爲民等因具題節該奉

憲宗皇帝聖旨是欽此欽遵已經通行遵守去後緣
今年久人多玩易罔知遵守致有前弊案呈到
部合無仍將前例再行申明先行出榜於本部
門首常川張掛曉諭各該官員一体遵守今後
敢有如前之人听科道官訪察糾舉并鴻臚寺
及各門查出應送問者照例拏送法司問罪應
改降別用者照例送部改降別用通行各該司
府州縣等衙門如遇選去官員過違憑限務照
前例施行不許因循姑息故違事例如或所司
故違不即舉行從巡按監察御史按察司官糾
舉一体治罪如此庶法令嚴明人知遵守而事

故官員不致於久缺矣緣係申明舊例禁約事
理未敢擅便具題次日奉

聖旨是欽此

吏部一本嚴憑限催赴任以安地方事奉

聖旨是張庠提了問該司承行官員且饒這遭你部
裏還申明舊例通行在外各該衙門今後選除
陞遷公差考滿復任等項官員務要着實扣算
但有托故違限的提問叅寃不許容隱

吏部一本爲新除官員久不赴任事內開巡撫
江西都御史盛應期奏稱按察司僉事韓守寓
憑限已逾半年病症未便痊疴乞行彼處巡按
查勘是實候痊可之日起送赴部听用仍通行
各處撫按衙門今後如遇所屬官員到任遲違
半年之上者照此例施行奉

聖旨是韓守愚久不赴任着巡撫都御史提了問今
後陞除官員俱要依限赴任有違限都照這例
行

吏部一本糾劾曠職等官以脩舉馬政事內開
看得巡按陝西監察御史李復初奏稱苑馬寺
寺丞范錦進

表違限假公濟私乞要罷黜一節奏照本官先於嘉
靖五年八月內爲賞

萬壽聖節表文赴京後復於嘉靖十六年二月內給
由到部委係

慶賀事畢因便考滿舉重就輕雖緣公務得差二事
而出似非敬之禮據考滿之後查於本部限期
不違但

慶賀回還就近半年之上不行到任若非潛住京師
即係苟安鄉土妄於前例有違今御史李復初
既經叅奏前來相應着處又查得近年以來二
司進

表官員多有

慶賀事畢投文到部考滿者似於事体有碍御史李
復初所奏不爲無見合候

命下本部移咨都察院轉行巡按陝西御史將寺丞
范錦照例起送赴部別用仍通行各該巡按御
史今後凡遇賁

表赴京

慶賀官員自嘉靖十七年爲始俱要專差毋得便令

起文考滿濟私有傷臣体奉

聖旨是

嘉靖十六年十月十六日

吏部一本患病不能供職再乞

天恩休政事內開看得山東兵備副使董相致仕養
親一節爲照臨清地方兵備官員不可一日缺
人本官既已回籍相應議處既查有例又該撫
按官員具題合無暫令本官回籍致仕養親待
病痊之日有司起送赴部听用員缺推補等因

奉

聖旨地方兵備不可一日缺人董相如何不待命下
輒先回籍還着巡按御史提了問以後這等的
撫按叅究治罪

新選外任官因水火失去文憑所在官司
勘實具奏并申報吏部聽候明文至日方
許到任及繳憑違限一年之上俱問罪

一件關防詐偽以清選法事成化五年閏十月內
吏部題

准新除在外官員遇有失去文憑果因水火盜賊事
有显跡者所司方許委官体勘明白徑將显跡
緣由具

奏仍備由取結申報本部听候定奪明文至日選去
官員方許到任若無明文及文憑下落朦朧到
任支俸管事者听巡按御史按察司官查究問
罪若所在上司將新選官員繳到文憑常限一
年之上不行繳部者經該官吏查問如律

吏部一本乞 恩暫容乘便歸省衰親事內開

看得應天府府尹王爌奏稱伊母高年異常餘
日有限乞要暫容取道歸省一節情詞懇切但
查兩京堂上官給假俱出特旨今本官係南京
堂上官員所據奏要乘便歸省未敢擅便擬伏
乞

聖裁奉

聖旨王爌既母年九十准他便道歸省

吏部一本陳情比例乞 恩歸葬事內開看得
翰林院編脩楊名奏稱祖母叔父母并妻病故

祖父母父母染疾乞要給假回籍以葬死者之
餘骸一以救生者之殘喘一節爲照本官离家
筮仕甫及數月雖與王恩姚采事体不同但其
一家祖父母妻之間死者既半病者未已加以
大賊並作居止蕩然委係变故非常具奏給假
誠非得已合無不爲常例將本官定限送順天
府給引照回省葬事畢依限前來供職奉
聖旨准他給假不爲例

吏部一本乞 恩給假省親事內開看得刑部

四川司郎中詹瀚奏要省親一節經行勘是實
合無准其所奏將本官定限回籍省親令其依
限供職等因奉

聖旨詹瀚不准放回各衙門要人理辦分務今後有
養病給假的你部裏不必與他覆奏

吏部一本患病官員事內開看得巡撫右副都
御史高友璣巡按御史李東各題稱兩淮巡鹽
御史戴金委果患病乞要放回調理一節既經
撫按合詞具奏患病是實合無行令本官就彼

回籍調理候病痊日赴部所用等因奉

聖旨戴金不准養病今後有告病的毋得輒便復奏如有詐病的治罪不饒

吏部一本久病沉危懇乞 天恩容令回籍調理事奉

聖旨是鄧顯麒還着巡按御史查他如果患病是實放回原籍調理今後京官有病具奏的你部裏務要查驗的確果係日久不痊取具同僚同鄉官保勘明白照例放回痊疴即便依期赴部听用着托故詐病并扶同保勘官及病痊在家延住的查出一体叅提問罪罷職不叙

吏部尚書汪鏐等一本乞

恩調理殘喘事看得南京禮部主客司郎中鄒守益
奏稱得患痔疾成漏乞要回籍調理一節已於
嘉靖十一年六月內移咨南京吏部考功司手
本開稱本官已經養病去訖爲照鄒守益未奉
明旨輒先回籍及本部行勘已久該部緣何久不咨
報通屬有違相應查究合候

命下之日先將本官員缺推補仍行本處巡按御史
提問奏

請發落惟復別有定奪等因正月十二日奉

聖旨是鄒守益着巡按御史提問照例革職南京該部日久不行回報顯有回護欺蔽你部裏從公查叅了來說其一應告養病致仕等項官不候聖旨輒擅回籍的着通行查究

嘉靖十三年正月十二日

大理寺一本病痊起復事內開據左寺案呈該刑部貴州司議得鄭慶雲所犯不應杖罪照例運灰完日送吏部復職審議合律奉

聖旨鄭慶雲養病三年以上方丁父憂着送吏部查

照近年明旨行近來養病官員多有假借朝廷名器專一在家經營家計挾制官府但經三年以上的吏部通行查明了來說

吏部一本急候官員事奉

聖旨是姜綱未經奏准如何輒便養病回家着從實查勘了來說今後考滿回任有故違程限的都要照例叅究

吏部一本催取風憲官員事看得御史陳表養病三年零五箇月於例有違今既該彼處撫按等官奏保似應催取合候 命下轉行衙門再查陳表委無別項情弊行令結送前來

聖旨凡養病官曾經舉薦才行年力可用的你部裏還備查歷履不拘年限開具奏來通行各處着起送所用不許私濫

嘉靖十七年十月初玖日奉

吏部一本陳情休致比例乞

恩以養終身事看得欽天監監副徐浩本以推步微
技僭乞贊理殊

恩既稱有疾而歸又有無而食即其僭妄干請於法
固當叅究但係年老有疾之人合無姑從寬恕
奉

聖旨是這給養既非定例便革了再有攀緣奏擾的
你部裏叅看懲治

嘉靖十年六月二十一日題

吏部一本遵例陳情懇乞

天恩就祿養親以廣德澤事內開原任鴻臚寺主簿
今陞湖廣道州判官陳文奏該吏部復題奉

聖旨汪登事例本係姑息有碍法度陳文乃敢牽比
着一併查明叅看了來說欽此叅看得汪登陞
任知府既奉有成命乃敢自陳其身屢疏乞改
而陳文又復效尤援例奏

請通屬違碍妄當查革以杜將來自便之私等因
奉

聖旨是都着查革閑住以後但有似這等違法牽比
的叅奏治罪

嘉靖十四年正月初四日

吏部一本應詔陳言以裨聖政以回天變事
內開看得御史葉忠所奏京官差遣在外丁憂
乞要差人奏領孝字號勘合一節爲照事親之
道莫大於送死人子之情莫迫於盜喪今既勞
於王事而不及送死復拘於恒例而不即盜喪
致使殯崩裂之苦抱終天之痛下失送終之禮
上虧清明之化誠非教天下以孝之意御史葉
忠申補似有補於風化合當議處今後京官公
差在外丁憂除應復

命者照舊親闕領勘合外如有疾病不能赴京及
養病省親等項在家者止具聞喪來歷差人賞
奏給勘合則一國家之法不廢而孝子之情得
申等因奉

聖旨是京官在外在家丁憂有故不能赴京的听差
人具奏給領勘合

考察内外官員

天順八年六月二十六日吏部

題爲陳言事考功清吏司案呈奉本部送該廣東
等道監察御史呂洪等建言立大本謹

天戒嚴出陟明賞罰褒忠直汰冗濫審罪囚慎刑獄

八事具題天順八年三月初五奉

聖旨朕覽御史所言八事皆切治理該衙門便叅詳具奏施行欽此除立大本明賞罰審罪囚慎刑獄四件礼部另行令將本部議處開立前件具題次日奉

聖旨是欽此

計開

一件嚴黜陟以別賢否蓋聞黜陟周幽明起於有虞之世大明黜陟行於成周之時誠以國家用人不有黜陟之典則善無所勸而惡無所懲節該部

詔書內一款府州縣官有廉能公正撫字勤勞深得

民心者上司以禮相待仍具政蹟陸續

奏聞以憑旌擢若有老疾罷軟不能任事者從巡撫巡按御史考察在彼放回冠帶致仕貪暴不才者拿問如律欽此即虞周黜陟之盛意臣等切詳府州縣親民之官也已蒙

皇上注意黜陟固有利澤以及民矣其內而南北二京外而布按二司實又府州縣之表率也中間多有不謹素行不端貪酷奸回老疾罷軟者又有結交權豪而營求超擢私通賄賂而孝路融顯者此等之徒若不黜罷則賢否混淆雖有廉能幹正直恬退之人亦何分別哉乞

勅吏部都察院堂上官將南北二京衙門五品以下

文職并在外布按二司堂上官員會同

內閣重臣嚴加考察仍令六科給事中十三道監察御史在前指陳實跡明白開奏將才得出衆者不次陞推政蹟可取者照舊管事但有前項不謹不端貪酷奸回老疾罷軟并結交權豪私通賄賂者放回里終身不祿如是則賢否分別治效可臻矣

前件除考察布按二司官近已會議於給事中
金紳建言內准在京文職三品以上大臣考察
施行其言要將南北二京各衙門五品以下文
職本部會同都察院堂上官考察仍令六科給
事中十三道監察御史指陳實跡明白開奏一

節緣近奉

詔書內開兩京文職有年七十願告致仕者听欽此
欽遵外御史呂洪等奏言要將兩京五品以下
文職考察干碍人衆繁緣今造作

山陵等項正要用人合無暫且停考本部行移各
衙門堂上官員省令所屬五品以下官員其中
若有疾弱等項者許照

詔書內事理自陳致仕准令以礼致仕不願告者候
山陵畢日另行具奏考察奉

聖旨是欽此今照

山陵事畢欲依御史呂等所言本部會同

內閣都察院堂上官將在京五品以下文職嚴加

考察仍令六科掌給事中十三道監察御史在前指陳實跡具奏發落本部又查得正德六年十一月內節該欽奉

詔書內一款在內六部都察院等衙門屬官若有貪酷庸懦老疾不堪任事者並從各堂上官具實奏送吏部驗實如例致仕罷黜欽此今該前因合無照依御史呂洪等所言本部會官考察施行惟復遵正統六年奉

詔書內事理從各衙門堂上官徑自考察不公仍許六科給事中十三道監察御史指實劾奏具題次日奉

聖旨是從各衙門堂上官考察欽此

考察內外官員例

成化四年十月二十一日吏部等衙門太子少保兼吏部尚書李 等題爲脩德弭災事照得近該河南等道監察御史康永韶等題稱兩京大小衙門并天下司府州縣官員果係老疾無爲貪淫素著等項在內從吏部都察院在外從巡撫巡按官從公考覈如有考覈不公者從科道指實劾奏等因本部議擬將兩京大小衙門官員見在帶俸并公差丁憂省祭等項有年貌

衰憊及年未衰老罷軟無爲行止不端貪淫酷
暴者在京本部會同都察院堂上官考察南北
行移南京吏部會同南京都察院堂上官照例
考察徑自具奏定奪其在外司府州縣等官候
成化五年正月初一日朝

覲至日本部仍會同都察院堂上官照例嚴加考
察欽此欽遵除翰林院及

內府尚寶司左右春坊六科給事中各另徑自具
奏考察外本部同都察院會同五府各部等衙
門堂上官太傅會昌候孫繼宗等從公考察得
吏部等衙門郎中等官陳雲等一千七百四十
九員辦事勤謹戶部等衙門郎中等官邊永等

一十二員年貌衰憊刑部郎中高閏一員操行
欠勤不堪任事合無將過郎中等官陳雲等照
舊存留辦事其年貌衰憊不堪任事郎中等官
邊永等一十二員照依本部見行事例准令冠
帶致仕閑住操文欠謹郎中一員高閏照依朝
覲考察官員素行不謹事例給與冠帶閑住緣係
會同考察官員事理未敢擅便具題次日奉
聖旨是欽此

吏部一本遵舊例嚴考察以勵庶官事奉

聖旨各衙門堂上官五品以下的都照成化以來節
年舊例你部裏會同都察院并本衙門堂上官
考察翰院詹事府左右春坊司經局等官及內
閣書辦四夷館譯字各衙門帶俸等官都照正
德十六年事例考察學士免考着自陳

考察兩京五品以下官及通行各衙門堂上官
遇屬官考滿考語務協公論

弘治元年二月十九日太子太保吏部尚書王
等題爲嚴考察以厲庶官事諺南京河等道監

察御史吳泰等奏嘗謂治政莫要於得人得人莫先於考察蓋考察精則黜陟當則是非公善者知有所勸而賢知奮庸惡者有所懲而貪和跡古者唐虞盛世百揆時叙庶績咸熙未有不於三載考績三考黜陟幽明之所致也洪惟我朝

聖旨相承法古爲治人之法考課之方至詳且悉黜陟之典明勸懲之道著治化之隆實由於此仰惟

皇上嗣履
尊極屬精
萬畿雖在

諒陰不言之中恒切求賢圖治之意首听科道糾舉
左右大臣老懦奸貪不称任使者漸次罷歸老
成練達居閑致散者取回任用凡茲

新政允當人心真

聖明之盛舉

皇帝之高致也堯舜聰明無以踰此臣切惟自古一
君不患天下之不治惟患庶政之不脩不患
庶政之不脩惟患庶官之未當官得其人則政
事脩舉而天下治矣然欲庶官得人非考察之
精不司今兩京堂上官員累經科道糾舉或自
陳乞退或被劾罷閑縱有一二不惟人望有玷
班行者亦將無知自吝是堂上官已考察矣司

府州縣官員昨遇朝

朝之時吏部會同都察院將來

朝在任官逐一考選雖黜陟未盡幽明然賞罰已
行人心稍知勸戒是司府州縣官亦經考察矣
猶兩京各衙門大小五品以下官員年久未經
考察其間才行足稱者固多而貪冒苟容者亦
有臧否不恤勤怠不分惟計資脩以待選推所
以人無激勸政致因循以考察不行故也况京
師者天下之觀望也欲行考察天下必考察京
師五品以下外而司府之基內而卿相之階所
係甚重今日不謹於他日孰善其終各官雖有
三年六年九年考滿給由本衙門堂上及吏部

都察院稱否但一次考過必歷三年其考覈之際本衙門或有循情吏部都察院一時訪察未至僥倖書生往有之縱有不職庸流書考不稱例必九年方纔黜退此等之徒素無節伏望

皇上特

勅兩京吏部會同都察院公同各衙門堂上掌印官將在京大小衙門五品以下官員從公逐一考察果係貪淫酷暴罷軟老疾者具實奏

請定奪其職業頗脩操履不失者存留管事若有廉幹公勤志行超卓才識優長者亦要具實奏

聞以待推用其帶俸公差省祭丁憂養病等官臣等與六科給事中皆在考察之數如考察不公仍

听科道官糾舉被黜之人不許撻拾妄訴然此特考察於一時尤莫考察於平素更乞嚴立歲考之法蓋古者諸司長官得舉屬僚今諸司屬僚進用已有定

制固無事矣獨不可責之以考察乎蓋屬之高下莫如長官朝夕探其志行閱其器能知之已精若今考察高下十得八九合無今後在京諸司堂上掌印官每遇年終各將衙門官員廉貪能否勤惰得失緣由斟酌的確考語造冊三本一本奏繳一本送吏部都察院查照若有開報不公及日後職業不修操履欠謹不符所考者俱听科道官糾舉輕則罰俸取招重則依律問罪在外

司府州縣官雖有各該巡按御史并兩京官員
開具賢否揭帖歲報吏部都察院緣未經奏
聞中間多有徇情不實或訪察未精以致朝

覲黜陟未盡惟當今後在外兩司并各府掌印官
每年終亦將屬僚官員廉貪等項緣由照京諸
司事例造冊轉類

奏繳如有開報不公及日後職業操履不符所考
者亦听巡按御史糾舉寃如此則考察有方賢
否不混吏部有所據再行覈實將來黜陟不至
失人議者或以諸司長官未必皆賢知人甚難
未可槩責殊不知人之未用所存隱而難知人
之已用所行顯而易見况是非公必人所同然

若加察得失可辯何長官之不可哉或又以吏部乃銓衡之任可否人才非諸司所得干預但內外諸司人才至衆以一吏部之見聞而欲盡別其賢否誠爲不易今着諸司屬僚之賢否既各考察於長官其諸司長官之賢否則考察於吏部人得各舉所知人才不至於遺逸將見黜陟雖在於吏部幽明得實於諸司居常則知人有素遇急則應用當才非特可以搜揚下位實亦可以閱試大官賞罰人心用勸庶官何患其不得人政事何患其不以脩舉

國家久安長治之術計或出此臣等待罪言路不敢緘默苟有所見昧死上陳伏望

聖慈俯垂採擇區區犬馬之誠不勝惓惓爲

國之至等因具奉奏奉

聖旨這考察事吏部看了來說欽此欽遵抄出到部
查得成化四年該科道官魏元等奏要兩京考
察大小衙門官員本部奏奉

憲宗皇帝聖旨還照例會官考察欽此欽遵又經會
官考察訖今看得南京河南等道監察御史吳
泰等奏稱兩京堂上官并在外府州縣已經考
察但兩京各司衙門五品以下官員年久未經
考察其間不得可稱者固多而貪冒苟容者亦
有要行兩京吏部會同兩京都察院公同各衙
門堂上掌印官從公逐一考察一節臣等竊惟

兩京堂上官并在外司府州縣官委的節經科
効考察黜退惟兩京五品以下官委的年久未
經考察不無賢否混淆勤惰不分誠如吳泰等
所言合無准其所奏照例在京者本部會同都
察院并公同各衙門堂上掌印官將五品以下
見任帶俸并丁憂公差養病省祭等項官員從
公逐一考察除廉幹公勤才行超卓者遇有內
相應員缺另行具奏推用取業頌脩操履不失
存留辦事外貪淫酷暴罷軟老疾素行不謹浮
躁淺露者各開具職名奏

請定奪如考察不公仍听科道糾舉其被黜之人若
有造言生事撝拾妄奏者治以重罪發遣爲民

仍行移南京吏部會同南京都察院等衙門一
體考察徑自具奏定奪其言要立歲考之法在
京諸司堂上掌印官及在外布按二司并各府
掌印官每遇年年終各將本衙門及僚屬官員
廉貪能否勤惰得失緣由斟酌確考語造冊三
本一本送吏部一本送都察院查照一節仰惟
國朝定制內外官員已有三載考績三考黜陟之
典外官又有朝

覲考察之例若再更立歲考之法不無事體紛更
難往所擬合無仍照舊通行在京在外前項衙
門堂上掌印官如遇所屬官員三年六年九年
考滿之日務要從公嚴加考覈所出考語亦要

允協公論不許徇情虛應故事以致賢否不分
黜陟不當事發連坐以罪具題奉

聖旨是欽此

吏部一本缺官事內開查得考察降調官員舊
例年資一体陞用未經奏有定制無繇遵承合
無自今以後凡遇六年考察降調者俱令考滿
到部著爲成績始興推陞庶懲創日深待遷有
地既無倖位亦無棄材矣臣等覆查明白謹將
湯惟學降官緣由理合開具其應否陞用伏乞

聖裁等因奉

聖旨是今後都照這例行湯惟學既係考察京官以
浮躁淺露降調外任如何輒文陞京職不准還
待朝 覲年考察以昭公道

嘉靖十三年八月初六日

吏部一本清言路以定 國是事內開禮部侍
郎桂萼題稱 憲宗皇帝初年考察拾遺之後
於科道疏中特出 聖旨去科道雖是言官中
間豈無不停當的還着他互相糾舉來說乞申

明舊例等因查得弘治十七年爲漕察內外近
臣肅 朝政以荅天譴事該本部查議欲行移
兩京科道官會同訪察若有不職官員徑自連
名指陳實跡劾奏以戒庶官而科道官中間若
有名實未孚風紀未振亦宜互相糾舉隨該吏
科等科左給事中任良弼等江西等道御史翁
理等各題稱五品以下京官員數既多而悉付
於科道豈能周且當哉乞要仍

勅兩京吏部會同各該堂上官照例施行該本部查
議覆題奉

孝宗皇帝聖旨是還着兩京吏部各會同都察院并
各衙門堂上官從公考察今後考察每六年一

次欽此查無桂萼所言前項

憲宗皇帝聖旨通查案呈到部看得禮部右侍郎桂萼題稱科道互相糾察之法必當照例舉行一節無非救偏補弊之意不爲無見但其言出於南京言官論列之後若遽舉行未免有報復之嫌恐無以厭服衆心以昭公論矣况兩京考察近俱奉有

明旨發落訖再難別議合候下六年考察之後果有遺漏所兩京科道互相糾舉如此則政體適中而法可經久行矣等因奉

聖旨科道官互相糾舉既先朝有行今考察未久中間果有相應點調遺漏的着他每互相糾舉來

說

吏部一本除姦欺一通壅弊事內開看得礼部
右侍郎桂萼題稱前項事情已經責令該司官
吏通行各司及部院吏兵二科查明回報續該
部院各科查無桂萼先次所云

憲宗皇帝初年特旨備田回報前來今據驗封行移
勘合藁簿內查出 憲宗皇帝聖旨後一節與
本官今次奏內所云大略相同但係科劾事該
兵部會推御史給事中超陞巡撫重臣被御史

劉敬等糾劾因而奉有前旨并不係考察十
遺事例俱有卷簿可照在照憲綱開注勘明係
內外風憲官吏與若有不公不法等情許互相
糾舉原無六科在內亦不引仰惟

聖旨在上如日中天無幽不燭無遠不照臣等將順
不暇豈敢四爲欺詐自取重罪今將前項緣由
備查明白不敢回護伏乞

聖裁等因奉

聖旨這是既有憲宗皇帝明旨桂萼所言不爲無據
你部裏如有何不早查一明覆奏顯有回護情
由且不查究科道官有相應點調考察遺漏的
便着他每照前旨互相糾舉來說

吏部尚書汪鏐等一本乞

恩認罪事內開本日早該司札監太監戴永於

左順門傳奉

聖旨今年你每如例奏請考察官京事訖矣科道官
既如例指劾四品以上官矣亦拾其遺矣獨科
道官有成命令互相糾舉今數日未見你部裏
題

請顯有畏附之私便着如前例舉行各着互相糾
舉以听去留不許仍前欺違部院官本當查究

且饒這遭吏部知道欽此欽遵臣等聞

命自天驚惶無地竊照科道互相糾舉既該上年奉

有

明旨自合遵例舉行臣等一時失於查考罪當萬死而該司郎中于胤緒等不將案卷備由呈稟以致失悞罪尤難逭臣等雖荷

皇上天高地厚之恩

俯賜矜宥然大馬之心益不自安伏乞

聖旨仍將臣等罷黜惟復量加罰治等因謹題請
旨

嘉靖十二年四月初九日奉

聖旨六年考察科道官互相糾舉係國朝舊典嘉靖

六年又有

旨申明舉行今稱你部裏通不題請顯是畏附堂上官既認罪饒這遭于胤緒職專掌行却仍隱匿成命欺罔

朝廷蒙蔽堂上官好生玩法本當拏問重治姑從輕着爲民其余的各罰俸一年該衙門知道
嘉靖十二年四月初九日

京官考滿不稱據拾原考官員問罪例

弘治元年二月初七日吏部尚書王 等題爲

陳言振肅風紀裨送治道事該都察院右副都御史馬 奏切惟贊襄治道固在於百司糾正百司莫先於風紀蓋風紀振則百司自尔各盡其職則庶績咸熙而治道無不隆矣自古君天下者未嘗不以此爲先務焉洪惟我

太祖高皇帝庵自天下之初稽古定制在內設科給事中十三道監察御史以司彈劾在外設提刑按察司以監都二司又該各道以肅一道良法美意至詳且密所以百餘年間在內無姦究之謀在外無藩鎮之患柰何近年以來臺臣委靡風紀不振是以姦克得以逞其邪謀群小得其恣欺罔貪官汙吏無所畏憚府贓錢糧爲之空

仰惟

皇上嗣登寶位崇重臺謀裨之盡言所以姦邪敗露
群小屏逐一風紀爲之頗振百司知所警畏治
道之隆端有望於

今日矣臣猥以庸才荷蒙

聖恩推總風紀受

命以來夙夜競惕捫心揣已無由仰答

知遇之隆進言納中庶幾少効涓埃之報謹以振揚

風紀裨益治道一十五事條陳伏望

皇上留心採納俯賜旌行不勝幸甚等因奏奉

聖旨這本所言多切時弊該衙門便看了來說欽此
欽遵移咨送司案呈到部看得都察院左都御

史馬所奏一嚴考覈以示勸懲洪惟我

朝舊制凡在京各衙門屬官三年六年九年考滿之

時本衙門考覈後俱

都察院考覈初任稱職者

朝廷給與

誥勅封贈其親不稱職者不得關給乃此勸善懲惡
旌廉戒貪即古三載考績黜陟幽明之意也被
先年間依此考覈人無異言近年以來各衙門
官因見本堂上官考稱本院詢訪行止平常考
作不稱職者輒便捏具

奏或造謗言原考御史多被連累自此因循虛應
故事以致賢否不分廉貪無辨

祖宗勸懲之典廢也殆盡若不從公考覈無以儆戒
百司如蒙乞

勅六部等衙門堂上官今後考覈屬官務要察其平
素行止斟酌出與考語若本院考覈不稱官員
敢有似前捏詞妄奏原考御史者十三道御史
將本官實跡明白劾

奏有贓者問罪罷黜平常者降調外任本官委係
廉能而御史挾私考作不稱者一体治罪如此
庶

舊典不致廢墜而官僚知所儆戒矣前因本得舊例
兩京各衙門屬官三年六年九年考滿先從本
衙門堂上官送都察院覆考又送本部覆考

從而黜陟以示勸懲近年各司因循苟且所出
考語不辯涉隱虛應故事及至覆考得實其平
常官員輒便造謗摭拾以致考覈不行無所勸
懲誠如左都御史馬所言合無通行兩京各衙
門知會今後屬官考滿堂上官務秉至公詢訪
得實出與考語善善惡惡定爲確論送都察院
并本部覆考如原來考語平稱得當續出考語
不嫌雷同若有不當听覆考官從公考覆其被
考平常之人敢有仍前造謗摭拾許御史等官
指實劾奏挈問若常者降調外任有贓者罷黜
爲民若覆考官挾私不公一体治罪其有初考
平常後中間能深自懲考艾勉於爲善者亦宜

書稱前考稱職後考中間放肆改節者亦書平常以憑黜陟如此則勸懲無私而官僚知儆矣
奉

聖旨准議欽此

外官考滿三年六年須要一次到部

一件申明

舊例禁約事成化六年三月內該吏部題

准今後除邊方軍馬錢糧緊急所係官員考滿申請
定奪外其餘不係邊方大小官員務要依例三

年給由雖有專責差占及奉例納米等項三年六年之間亦要一次赴部給由考覈不許托故違者查理究問有窺避者黜陟

吏部一本申明 覲禮以革外官給由宿弊事奉

聖旨官員給由係是成法還照舊行若地方有事許撫按官奏留暫且任事其給由官員不許科歛錢物置買土宜到京私謁饋送有犯的着緝事衙門訪拏究問

久任官員不行考滿掣問

成化十四年九月二十八日吏部爲久任官員
不行考滿事據朱寬告賁直隸鳳陽府壽州批
文開蒙巡按監察御史范珠批仰本州從公查
勘在任大使黃欽果係九年未滿即將新除大
使朱寬起送改選若有別故亦要明白聲說行
據本州稅課局申查得大使黃欽江西清江縣
人由監生成化四年二月除授前職本年四月
二十四日到任節次患病住俸扣至十五年八

月終方總九年考滿等因將黃欽起送到部送
司查得先該直隸鳳陽府同知陳僑來京 朝
覲呈稱稅課局大使黃欽九年考滿未曾給由送
司作缺已於成化十四年二月二十四日將所
選倉官朱具

奏除補給憑赴任去後今該前因案呈到部訪得
近年以來在外稅課驛遞等官係繁華地方者
多有貪戀徃徃在任及恐年老到部照例揀退
捏稱患病等項事展轉任俸延住中間有滿已
過二三年不行申缺者及已申缺令人中途邀
回并買囑各鋪司兵沉匿者以致本部無憑查
考今大使黃欽自成化四年二月二十四日到

任扣至成化十四年九月二十四日已經十年之上又該本府同知等官呈開九年任滿作缺本官自合依例給由赴部却乃貪戀久住捏稱節次患病扣至成化十五年八月終方纔九年考滿既不赴部給由緣何住俸半年之上方纔支俸管事中間顯有捏故情弊若不究治誠恐在外官員一槩倣效貪戀久住作弊害民除將朱寬收候調用外合無將稅課局黃欽照依素行不謹事例就彼放回原籍冠帶閑住仍通行南北直隸并浙江等布政司轉行各屬查勘住任大小官員如有九年考滿即便申報作缺不許假托事故久住如有托故不行赴部及不申

缺者听所在布按二司分守分巡并巡按御史
司府州縣掌印官一体叅究拏問庶使在外應
該考滿給由官員知所警惧奉

聖旨是欽此

吏部一本比例加秩就祿養親以圖補報事內
開議得舊例府同知九年考滿無過例該陞授
正四品知府官職但節年事例爲因知府有缺
先促京官推陞以致缺少在外同知不得陞授
委的不足以示勸激查得見今在部听選知府

共有三員亦因無缺未補合無將同知盛時雍
仍留在候知府相應員缺除授以後但有九年
考滿府同知考滿到部無過該陞與盛時雍事
例相同俱照今例施行奉

聖旨是今後着照此例行

嘉靖十一年四月十六日

清理富戶例

成化十四年十二月初一日太子少保戶部尚書楊等
題爲清理富戶事該順天府呈本府宛平縣永樂
年間起取浙江等布政司并直隸蘇松等府民
戶三十余家克安定德勝西関富戶及有松江
府上海縣爲事糧長克坡等一百四戶亦克本
管富戶及有陝西布政司撥來類補富戶先因
逃故消泛等項事故差役多累見在人戶部議
奏

准十年一次委官清理造冊送部行移各該司府州
縣僉提外今照成化十二年例該委官清理等
因到部查照相同已經行仰該府照例委官清

查去後據本府呈將宛平大興二縣造完過逃
故等項富戶文冊同其結呈繳送司爲照冊內
開有重覆差拗又經駁問查勘回報前來看得
宛平縣冊內有例放回單丁并家道消乏年老
七十之上共四戶除先年陸續寬恤充軍等項
不該僉補富戶共一百八戶應該拘在逃富戶
共一千一百六十八戶參照前項富戶俱係永
樂年間二次起取前來填實京師後逃亡事故
等項數多連年勾取不絕該工部侍郎周忱具
奏要將前項閑富戶自正統十一年爲始每十年
一次審勘中間若有年老消乏等項行移原籍
官司僉點解替等因本部依擬奏

准通行外至天順元年正月二十二日節該奉

詔書內一款在京富戶今後如有事故不必僉補欽
此欽遵成化二年已經遵奉

詔書清理事外今該前因欵行順天府掌印正官親
自再行查勘前項富戶將原開見在單丁年老
并家道消乏不堪應役者審勘是實照例徑自
放回其在逃應該清勾者本部將冊先行發去
各該州府縣收掌及通行巡按御史督同各該
布政司并直隸府州縣各委堂上廉幹官員詣
屬着落各掌印官拘集十年里老到官將任逃
富戶不分年月久近但冊內開去姓名設法挨
拏務要正身得獲枷扭同家小批差親屬解部

以憑發役不許入通如果原逃正身不獲就將家屬先行解部不許將義男起解塘塞若里老人等扶同作弊不行用心挨拏起解自奏

准之日為始各該委官迂延年半之上坐視不行挨解者許巡按御史徑將違誤官吏及委官查提問罪依律照例發落仍督令挨解奉

聖旨是欽此

遠年客商解回原籍

一件建言民情等事成化六年六月內該吏部等衙門會議題

准行移各處巡撫巡按及布按二司等衙門行下所屬府州縣出榜張掛着落該坊里隣人等逐一

挨查但有遠年客商不分文引新舊連家小釘
解程通復業將解過人數造冊繳報合干上司
若有里隣縱容窩戶藏住不首者事發一体治
罪

戶部一本亟處游民以消奸宄事奉

聖旨是各項革退冒籍人役都察院使出榜曉諭着
各還原衛原籍隨住當差不許在京潛住別生
事端有違犯的緝事衙門并五城兵馬訪拏重
治還着各該巡撫官嚴督所屬有司軍衛官員
加意撫巡無令失所該撥給地土牛具并優免
差役等項俱依擬行

處置荆襄流民例

成化八年九月十四日戶部尚書楊 等

題爲處置地方流民等事戶科抄出都察院左都御史項

題近准鎮守湖廣總兵官左都督李震手本據湖廣都司呈抄奏巡撫湖廣本院右僉都御史吳禔案驗據分巡荆南道僉事尚 呈先奉戶部榜爲禁約事成化年十二月二十七日本部尚書楊 等欽奉

聖旨荆襄南陽等處深山窮谷流民嘯聚劫財傷人連年爲害不得已動調官軍役往撫捕近該總

督總兵等官奏稱前項深山流民俱已遣回復業第恐官軍退後仍復嘯聚貽患方來恁戶部便出榜各處曉諭凡流民已回原籍復業者有司務加存恤優免糧差五年公私債負悉與蠲除不許逼迫復令逃竄其不大山新出流民舊報民戶已附籍照旧附籍敢有仍復逃移流民潛入前項旧禁山場團聚非爲者許軍有司巡捕官兵里老人等捉送各該官司問刑衙門問擬編發邊衛充軍窩藏之人罪同布按二司撫民官時常查照山内有司軍堡巡司地方若隱流民五十之上者官吏俸住半年百名之上者住俸一年百五十名之上者奏聞區處里老隣

佑并巡捕弓兵人等故縱者拏問如律若不係
前項禁約山場餘外平地州縣軍屯官莊藏住
不肯報籍者照例通發原籍當差逃囚軍匠人
等展轉不首者不分山內山外俱發邊衛充軍
其布政司按察司并該府撫民官員坐視不行
禁約及不將該住俸官員查照互相隱蔽者許
巡撫巡按等官叅奏一體治罪不饒欽此欽遵
外又節奉總督軍務都察院右副都御史項
劄付為風聞流民进山等事內稱近者三司撫
民分巡分守等官多不係地方為事各務姑息凡
有流民告願在種田者除听入籍及明知當地
老戶并

王府管莊旗校人等私下招人進山種田佯若不知如有三司等官除令種田入籍佯若不行禁約者定行叅拏問及起程間分付凡禁約山場餘外近山旧報民户已俯籍者一槩禁約不許復來容留奉此本道體得流民曾被官軍祛遣復來告要入籍者内外多不係大山新出流民旧在光化穀城襄陽宜城等縣入籍者此等人民雖被官軍祛散或又復來如竄尋穴欲便遵依榜例查勘不係大山新出流民遠年曾在襄陽等縣附籍者照旧入籍軍屯官莊藏住者撫勘附籍本職慮恐聞風踵來以百繼千二三年間似前論萬倘有一二復起爲盜皆得籍口歸

罪如依奉都御史項 劄付凡禁約山場及近
山曾經附籍者一槩禁約不許復來容留尤恐
流民往復無路身家蕩散不得已陰構爲非且
如見據附籍祛散民人李招等不次奏奉勘合
仰勘報假若勘得各人遠年附籍置有產業被
官軍散復來者合無遵依

聖旨榜例照旧准令附籍惟復依奉都御史項 劄
付禁約但係祛散不許復來仍依流民問報事
難兩處未敢奉行爲此呈乞照詳處置施行具
呈到院案照先准本院右都御史項 劄爲前
事當職先次奏

准及戶部奉有

聖旨榜文各處張掛不許流通進山竊礦及沿山一帶居住官司縱容者住俸拏問近者三司撫民分巡分守并上下官司多不以地方爲事各務姑息凡有流民告願入山種田附籍听令種田入籍及明知當地老戶并

王府管莊旗校人等私下招人進山種田詳听其便似此官員言不顧行雖是倖保祿位其如地方患害何若使上下官司一心共成

國事則地方豈有勞師費財之患若不通行禁約未免官不用心民不知惧移咨嚴督三司分巡分守撫民等官各要彼此一心禁約流通如有復來進山及竊礦者必問邊衛克軍枷號示衆

窩住必問臨近衛分克軍不尚姑息衛所州縣
官員地方若有原奏流民定數者照例住俸提
問仍要分巡等官親歷竹山興山上津南漳遠
山均房當陽淅川盧氏等處州縣點閘營堡巡
司官兵不許缺少如有三司等官陰令種田入
籍佯若不行禁約者查提叅奏拏問備咨准此
已經案仰湖廣都布按三司各行分巡分守撫
民等官依擬禁約外今僉事尚裊呈稱前因叅
荆襄流民屯聚山中為患多年一旦殄除患去
民安

朝廷慮其復來故降

聖旨榜文以杜其奸計勉留總督大臣以遏其觀望

良法美意實欲出者不許糾衆復進遣廢者不許潛住附籍以靖地方以除民害及先前本職親到荆襄與總都總兵三司分巡分守撫民官員會議定規止許不近荆襄寄住如德安沔陽安陸等處平地州縣流民曾經附籍多年者許令照旧不發其近荆襄大山州縣若前項光化穀城等處并山中逐出流民變易姓名故來有司新報附籍者俱不准理必須查遣今未審何故所在有司乃敢大膽擅留逐出流民種田入籍若此玩法不一二年間流通復聚仍復為非那時禍起誰任其責所據各官本欲通行查究拏問姑庶禁約案行三司各行撫民分巡分守

等官各行所屬軍衛有司備云案驗出給告示諭令人知今後但有流逋復入禁山及先被官軍撫逐回還流民復逃來於近山州縣潛住種田變易姓名附籍投托

王府管莊旗校人等進出住種納糧務要挨究拏獲照例枷號示衆畢日問發邊衛充軍窩住問發臨近衛分充軍其平地州縣如安陸沔陽漢陽等處有先年附籍者照舊編次若有逐出流民假作遠年逃移今撫回還及從來不曾附籍今纔新來不知其由者俱不許收存以貽後患衛所州縣官員地方若有原奏流民定數者照旧例住俸提問仍仰分巡等官親歷竹山興山

上津南漳遠安均房州縣點閘營堡巡司官兵
不許缺少將巡過月日營堡官兵名數回報若
三司等官故縱不行禁約者定行查提叅拏究
問不恕案仰都司備呈到職轉行臣知會臣查
得先因

欽取回京題稱照得湖廣荊襄河南南陽陝西漢中
四川夔州等處深山大谷流通盜賊仰伏

皇上恩威祛散勦除盡絕山內蕩然一空山外貽然
無事彼處鎮守巡撫巡按三司等官與凡地方
軍民人等俱各目見耳聞并無遺孽卽今遠近
土民悉皆安堵如旧緣臣同總兵官都督李震
先前奏

隄大山旧禁山塲如竹山等三十三州縣并附近山塲均鄧荆門等一十四州縣不許流民去而又復來其餘在外各處平地州縣舊有入籍俱不動移不意湖廣河南陝西三司撫民分巡分守叅議僉事等官心無定見不以

朝廷地方為重俱多苟延歲月保全祿位以千百姓之譽佯不知听民去留罔肯身任其怨嚴加禁約臣已行巡撫巡按等官訪察外但四省地方各不統攝皆得互相推倚設使一處少失關防听民進山不三四年間仍恐復三嘯聚則四省俱受其害數内陝西人民多因边徵歛浩繁較之他處逃亡尤甚若顧私恩小惠不懷遠慮

仍以計日招來爲能則流民孰肯原籍納糧當
差如使嚴近一二年之後人知驚俱流民自然
絕迹不敢進山再聚庶幾地方可保永遠無事
臣近至南陽地方訪聞南直隸惟淮安邳州宿
遷桃源等處上年今年災傷之甚人民俱見河
南汝寧南陽等處今歲大小二麥已收秋穀穎
實多扶老携幼流徙趨食緣汝寧等處接連鳳
陽俱係平地縱使流移數多間有爲盜爲非官
司易於擒捕但要酌量民情處置合宜不爲大
患實難銓制意外之慮不得不防合行湖廣陝
西四川河南鎮守總兵巡撫巡按并三司著落
分巡分守等官務要思患預防親歷山場司堡

州縣常川嚴加巡察不許荆襄南陽漢中等處
在城安穩地方久坐偷閑不行親歷听民入山
仍依臣與李震原奏定禁革山場州縣及戶部
欽奉

聖旨榜文事理嚴加禁約如有流民再進舊山場及
原奏前項州縣者必以原定事例問斷克軍凡
有彼此似不啻攝地方照舊互相差官會同哨
襲有三司等官不以地方為事臣回京就行辭
怠或搭界去處遇有流民盜賊各懷顧瞻不行
會差官軍人等哨通一聞出境就不管理及听
民進山屯聚許鎮守總兵巡撫巡按叅奏提問
至如淮安邳州宿遷桃源等處流民在於汝寧

等處內界趨食務要酌量裁處保全生命不生
他變仍密切閑防不許潛往荆襄南陽大山潛
住若有犯者務依例懲問每季各處三司分巡
撫民等官各具有無流民進山竊礦爲盜嘯聚
結狀繳報鎮守巡撫巡按處稽考勤怠等因奏
抄兵部本年七月初八日該本部奏

准通行各處嚴加禁約務在盜賊屏息地方無虞去
後今總兵官李震備將僉事尚琥呈該巡撫湖
廣都御史吳 案驗嚴禁等因手本行臣知會
臣切惟荆襄南陽地方實忠原心腹要衝外接
陝蜀內連湖廣山勢險惡多產礦流逋易於嘯
聚近伏

天威祛散已尽立法防範今法令始行而僉事尚視
年力衰老不知听信流民愚弄略不以地方為
重惟要畧美市恩需名釣譽假以流民逐年附
籍置有產業為名要令附籍以逐州縣等官供
給貪婪之弊及稱附籍恐風聞踵來二三年似
此論萬復有益盜起皆籍口又稱不容附籍恐
往復無路身家蕩散陰構為非首鼠兩端推托
患害作疑呈稟巡撫官定奪緣戶部欽奉前項
聖旨榜例不過准臣原奏詞因若此分巡等官尚褫
等肯將臣奏詞參詳不待辯說自然明白今却
執迷謬固妄比事例曲徇私情意欲便更若使
憑信變更流民復听荆民近山附籍則各處聞

風不容遏而深山竊礦流逋復如舊日之聚而
朝廷二次命將出師供億浩繁皆爲虛文矣况作
法於涼其弊猶貪今作法於貪弊將安救若非
都御史吳 熟思審處慮事未然分折應留不
留地方詳息則將來大山之患有不合不可勝
言者此時追問雖是罪有所歸而地方軍民已
受殘害設使平地流民尚慮陰搆爲非莫能禁
捕則

朝廷設官分職所理何事若尚枕等不過袖手高
坐安富榮尊而已臣嘗詢訪被處獨有奉

勅副使余洵僉事顧浩叅政孫洪等專理其事嘗慮
禍害切身頗肯用心嚴督其餘若陝西河南等

處副使等官梁觀王齊段鎮等雖年力未衰凡
地方行事恩欲歸已怨則不任亦與尚視大率
相同各與余洵等互相予有正所謂一齊人傳
之衆楚人咻之雖曰撻而求其齊不可得矣或
者難卽今山東山西陝西河南北直隸地方多
有水旱災傷饑民流移若使荆襄南陽及漢中
終王禁治則各處流民終將何歸此皆不曾親
歷其地溺於常聞意度之說臣竊以爲不然且
荆襄南陽漢中終南等處崇山峻嶺千巖萬壑
內產銀沙更兼雜貨流民不時嘯聚若使官司
不加防範一但鼓扇人衆據其食要難以撫捕
考諸網自漢唐以下不必多論若漢川等衙門

流民久聚不散遣侍御史李泌令尽處梁益就
食遂莫能禁又秦漢流民嘯聚遣御史馮刺史
羅尚督發復業該尚受納珍玩停留不盡卒為
無窮之禍古之用非其人處置乖方乃至如此
然則今之流民弗鑒往輒又不加罪遣豈善治
乎其餘附近河南若開封汝寧湖廣若德安安
陸陝西若鳳翔西安等處但係平地近聞穀麥
頗收縱有流連雜處其間求趨亦可度日第要
巡撫巡按三司提調府州縣官設法賑濟莫令
團聚及饑死溝縱使數十為盜為非比之深山
官司易於撫捕若乃不分地方險易一槩俱不
容留是則流民進退無路莫能逃生難保無患

如蒙乞

勅戶部兵部計議行令湖廣鎮守太監王定總兵官
左都督李震巡撫右僉都御史吳 河南右副
都御史楊陝西太監劉祥署右都督白王左副
都御史夏 潼關守備都指揮魏斌并各該巡
按監察御史著落三司分巡分守撫民等官各
要上下一心皆以

准朝廷地方爲流移囁聚爲急俱遵依欽奉
聖旨榜文及兵部奏

准事理將竹山等三十三州縣附近一十四州縣險
要地方嚴加禁約若有山中舊散流民變易姓
名貫址復來附籍與凡朦朧奏告俱要近山寄

住及竊礦之徒隨卽祛遣問罪照例枷號充軍
毋效尙禡等持疑推托惹禍啓釁仍令三司分
巡撫巡等官不時進山巡視按季回報違則听
從叅奏拏問若是山東山西南北直隸饑民或
舊散遣流民如到河南開封汝寧及湖廣漢陽
武昌德安沔陽安陸陝西西安鳳翔等處有収
平地州縣趨食及舊曾附籍者著令州縣俱听
仍舊復業及四散安分趨食保全殘命不許逼
迫追逐務要隨宜斟酌料量多方賑濟免生他
變若有團聚不借就便曉諭利害生死使各分
借一有為盜為非者卽便擒捕首惡懲戒待候
來年各處豐收應復業照例優免糧差三年如

此則山內山外皆保無虞而遠近流民俱不失所等因成化八年九月初六日具題次日奏

聖旨該部知道欽此欽遵看得本官所奏要行禁約舊散流民不許復來附近州縣附籍及入山竊礦并行撫恤平地州縣新到飢民及舊散遣民量為賑濟一節合無准其所擬行令湖廣河南陝西四川并潼關鎮守總兵巡撫巡按等官并各該巡按御史着落都布按三司分巡分守撫民等官照依本官所擬各要上下一心遵依原奉

聖旨榜文及兵部奏

准事理將竹山等三十三州縣附近一十四州縣險

要地方嚴加禁約若有山中舊散流民變易姓名貫址後來附籍與凡朦朧奏告俱要近山寄住及竊礦之徒隨即祛遣問罪照例枷號充軍仍令三司分巡撫民等官不時進山巡視按季回報違則听從叅奏等問若是山東山西陝西南北直隸飢民或舊散遣民如到河南開封汝寧及湖廣漢陽武昌德安沔陽安陸陝西西安鳳翔等處有収平地州縣趁食及旧曾附籍者着令州縣俱听仍旧附業及回散安分趁食保全殘命不許逼迫追逐務要隨宜斟酌料量多方賑濟免生他变若不團聚不借就便曉諭利害生死使各分借一有為盜為非者即便擒捕

首惡懲戒待候來年各處豐收應復業照例優免糧差三年如此則山內山外皆保無虞而遠近流民俱不失所等因成化八年九月初六日具題次日奉

聖旨是欽此欽遵看得本官所奏要行禁約旧散流民不許復來附近州縣附籍及入山竊礦并行撫恤平地州縣新到飢民及旧散遣民量為賑濟一節合無准其所擬行令湖廣河南陝西四川并潼關鎮守總兵巡撫巡按等官并各該巡按御史着落都布按三司分巡分守撫民等官照依本官所擬各要上下一心遵依原奉

聖旨榜文及兵部奏

往事理將竹山等三十三州縣附近一十四州縣險要
地方嚴加禁約若有山中旧散流民變易姓名
貫址復來復附籍與凡朦朧奏告俱要禁山寄
住及竊礦之徒隨即祛遣問罪照例枷號充軍
仍令三司分巡撫民不時進山巡視按季回報
違則听從叅拏問若是山東山西陝西南北直
隸飢民或旧散遣民如到河南開封汝寧及湖
廣漢陽武昌德安沔陽陝西西安鳳翔等處有
收平地州縣趁食及旧曾附業者著令州縣俱
听仍旧附業及四散安分趁食保全殘命不許
逼迫追逐務要斟酌随宜料量多方賑濟免生
他变若團聚不散就便曉諭利害生死使各分

散一有爲盜爲非者即便擒捕首惡懲戒待候
來年各處豐收應復業者省令復業照依事例
優免糧差三年各不許互相推調貽患地方責
有所歸具題奉

聖旨是欽此

流民進入湖廣等處禁山寄籍并捏詞具
告問罪枷號充軍例

成化九年六月二十日都察院爲申明舊例事
准本院左都御史項 咨據湖廣道呈爲分豁
良善不得安生事問犯人胡應貴招年七十三
歲係湖廣黃州府黃岡縣軍籍是應貴與周伯
淮各不合違例驀越來京具本開稱故父胡覺

遠等將帶家口前往荊州當陽縣地名許由山
寺處開墾荒田成熟宣德三年奉戶部榜中許
令寄籍彼時應貴故凡胡應先赴本縣供報第
三寺都寄籍該納夏稅秋糧不缺成化七年荆
襄將深山大谷人民不分已未附籍逐遣被本
縣已故典史鄧廣將應貴寺不分平地久居版
籍已定差人一槩起遣成化八年例該造冊有
姪胡定寺赴巡按王御史處告批本官不行造
冊內却將江西四川浙江寺處外省人付頭宋
福閏陳玄寺二十餘戶并逃民陳先張福祖俱
收附籍并深山流民溫再利李仲礼寺五百餘
家編成火甲容住寺情連名

奏送司已將胡應貴周伯淮俱問擬違例杖罪各
招年七十以上依律收贖緣係奏告收籍事理
抄詞連人送戶部該司轉行布政司查照御史
項奏

請事例施行除審允送發外備呈到朕查德先為處
置地方利便事成化七年十一月初二日該朕
奏稱湖廣河南陝西四川布政司地內荊州襄陽
南陽河南漢中夔州七府所屬彰德遠安興山
穀城夷陵上津竹山鄖房均金內鄉淅川山高
永寧盧氏詢陽漢陰石泉略陽城固洋鳳棗城
南鄭平利洛南鎮安藍商大寧巫山大昌三十
三州縣俱在深山大谷迭為唇齒荆門隨鄧當

陽宜城襄陽光化京山泌陽鎮平南陽魯山棗陽一十四州縣平山平地與前三十三州縣隣封接壤連年流民聚集數多除祛趕已回原籍復業者有司照例優免糧差五年外今後若再有流民潛入前項州縣山場展轉遷徙許在拏問陝西河南深山者問遍延綏克軍湖廣四川深山者問編廣西邊衛克軍正犯俱先在本處枷號一月示衆家屬隨住三司府州縣等官縱容者住俸叅問俱題節該奉

聖旨這處的事往行欽此欽遵隨該戶部備奉聖旨榜文通行各處張掛曉諭外後因無知頑民深山隱下實情節次赴京妄奏本處人民搶奪家

財不容寄住等情該戶部并刑部都察院俱不
曾查例止照前例類行布按二司勘問當職已
經查仰湖廣按察司將山等問遞原籍行令湖
廣按察司呈報本院轉行戶部等衙門知會外
成化八年七月初二日當職回京復

命因見三司并撫按等官心無定見各要掠美市恩
不行嚴禁听民於前項州縣入籍

奏行各處鎮守巡撫按寺官着落各該分巡分
守等官務要彼此同心思患預防親歷山場司
堡州縣常川嚴加巡察再有進山及原奏前項
州縣入籍必依原定事例問斷充軍本年七月
初八日該兵部官覆奉

聖旨是欽此欽遵通行禁約外成化八年九月十八日該本職風聞流民復有進山又經

奏行回布政司鎮守巡撫巡按并潼關守備官着落三司分巡分守撫民等官各宜上下一心皆以

朝廷地方為重俱遵戶部欽奉

聖旨榜文及兵部

奏

往事例將前項三十三州縣附近一十四州縣險要地方嚴加禁約若有山中旧散流民變易姓名貫址復來附籍與凡朦朧奏告及黃州府所屬人民俱仍近山寄住及有竊礦之徒各要隨籍

祛遣應問罪者問罪應照例枷號充軍者枷號
充軍毋得遲款容留惹禍啓釁仍令分巡等官
不時進山巡視按月回報鎮守巡撫巡按違例
叅奏拏問若有山東山西等處飢民前到南陽
鳳陽等處趨食並听回散安分趨食保全殘命
密切關防不生他變等因又該戶部覆

奏奉

聖旨是欽此欽遵移咨本院通行禁約去後今胡應
貴周伯淮各恃老疾不令壯丁出官妄捏附籍
已定不該起程告蒙巡按王御史批仰本縣不
行收籍等情於例不該准理外所據奏稱本縣
將江西四川浙江等處外省人民傳頭來福閏

陳玄胡仲亮等二十餘戶并逃民陳先陳福祖
俱收附籍并深山流民溫宜利李仲礼等五百
餘家編成火甲容住一節雖是一面之詞未委
虛的若是實則該縣官吏不以禁令爲事縱容
潛住其分司分巡分守撫民等官不肯進山巡
視袖手高坐苟延歲月而已欲行引例參奏中
間恐有別項事情誠恐非但當陽一縣各處不
免俱有此弊若不再查禁約即今山東直隸真
保定廣平大名并彰德等處頻年阻飢流民百
萬川湧雲集隨處流移莫知定止假形掩跡或
公然進入前項應禁山場一但嘯聚譬若燎原
之火撲滅不早迨至焰盛延及山林遽難救熄

爲此合行移咨煩行戶部查例明白類行湖廣河南陝西四川四布政司各行役處鎮守太監總兵着落潼關守備都指揮及本司分守撫民分巡寺官本院咨行各處巡撫并劄巡按御史着落各按察司分巡寺官如有各處流民再進前項應禁山場及要附近寄籍并朦朧捏詞奏告者俱照依節奉奏

准通行禁約事例問斷發落不許縱容進山又听入籍致貽地方重患其當陽附籍編成火甲人數傳頭寺仰湖廣副使余詢公同都布按三司分守寺官酌量下情從公查勘隨宜裁處如山東寺處飢民流移大界仍依戶部奏行事例設法

賑濟毋令屯聚不散仍劄河南道并咨刑部劄仰該司知會施行備咨到院擬合通行四除外合行移咨貴部劄仰湖廣陝西河南四川布政司如逐流民隱情朦朧奏告者查例問發施行

荆襄流民潛住禁山克軍正犯枷號家小隨

住例

成化九年九月十八日都察院爲申明旧例事
准本院左都御史項 咨據湖廣道呈爲分豁良善不得安生事問得犯人胡應貴招年七十
三歲係湖廣黃州府黃岡縣軍籍是應貴與伯
淮各不合違例驀越來京具本開稱故父胡覺

遠寺將帶全家人口前往荊門州當陽縣地名
許由山寺處開墾荒田成熟宣德三年奉戶部
榜文許令寄籍彼時應貴故兄胡應先赴本縣
供報第三寺都寄籍該納夏稅秋糧送納不缺
成化七年荆襄將深山大谷人民不分已未附
籍遂遣被本縣已故典史鄧廣將應貴不分平
地父右板籍已定當差人數一槩溷同起遣成
化八年例該造冊有姪胡定寺赴巡按王御史
處告批本縣不行收籍却將四川浙江寺處外
省人民傳顯永福閻陳玄胡仲寬胡敏寺二十
餘戶并無籍逃民陳先張福祖俱收附籍并深
山流民溫再利李仲礼改名胡仲礼寺五百餘

家編成火甲容住等情連名奏送到道已將胡
應貴周伯淮俱問擬違例杖罪各招年七十之
上依律收贖緣係奏告收籍事理抄詞連人送
部該司行布政司查照都御史項一奏

准事例施行除審允送發外備呈到職查得先為處
置地方經久利便事成化七年十一月初二日
該當職奏稱湖廣河南陝西四川布政司地方
內有荊州襄陽南陽西安漢中夔州七府所屬
南彰遠安興山穀成夷陵上津竹山鄭房均金
內鄉嵩永盧氏洵陽漢陰石泉畧陽城固洋鳳
棗城南鄭平利洛南鎮安藍商大寧巫山大昌
三十三州縣俱在深山大谷迭為唇齒荆門隨

鄧當陽宜城襄陽光化京山泌陽鎮平南陽魯
山棗唐一十四州縣半山半地與前三十三州
縣鄰封接壤通年流屯聚數多除祛趕已回原
籍復業者有司照例優免糧差五年外今後若
再有流民潛入前項州縣山場展轉遷延許所
司拏問陝西河南深山者問編延綏克軍湖廣
四川深山者問編廣西邊衛克軍正犯俱在本
處枷號一月示衆家屬隨住若三司府州縣等
官縱容者住俸叅問等因具題節該奉

聖旨是這處置的事准行欽此欽遵隨該戶部備奉
聖旨榜文通行各處張掛曉諭外後因無知頑民陳
山等隱下實情節次赴京妄奏本地人民搶奪

家財不容寄住等情該戶部并刑部都察院俱
不曾查例止照常例類行布按二司勘問當職
已經劄仰湖廣按察司將山陳等問罪遞回原
籍行令湖廣按察司呈報本院轉行戶部等衙
門知會外成化八年七月初二日當職回京後
命因見三司并撫民等官心無定見各要掠美市恩
不行嚴禁听民於前項州縣入籍奏行各處鎮
守巡撫巡按等官着落該分巡分守官務要被
此用心思患預防親臨山場司府州縣常川嚴
加巡察再進山及原奏前項州縣入籍者必依
原定事例問斷克軍本月初八日該兵部官覆
奏奉

聖旨是欽此欽遵通行禁約外成化九月十八日該
本職風聞流民復有進山又經奏行四布政司
守巡撫民等官各宜上下一心皆以

朝廷地方爲重俱遵戶部欽奉

聖旨榜文及戶部奏

往事例將前項三十三州縣險要地名嚴加禁約若
有山中旧散流民變易姓名貫址復來附籍與
凡朦朧奏告及黃州府所屬人民俱仍禁山寄
住及有竊礦之徒各要隨宜祛遣應照例枷號
充軍者枷號充軍無得遲疑留惹禍釁仍令巡
守等官不時進山巡視按月回報鎮守巡撫巡
按如違叅奏拏問若有山西山東等處飢民并

南陽鳳陽等處趨食各听四散安分趨食保全
殘命密切關防不生他變等因又該戶部覆奏
奉

聖旨是欽此欽遵移咨到院通行禁約去後今胡應
貴周伯淮各將老疾不令壯丁出官妄捏附籍
已定不該起程告蒙巡按王御史批仰本縣不
行收籍等情於例不該准理外所據奏稱本縣
將江西四川浙江等處外省人民傳頭朱福閻
陳玄胡仲良胡敏等二十餘戶并無籍民陳光
陳福祖俱收附籍并深山流民溫再利李仲礼
改名胡仲礼等五百餘家編成火甲容住一節
雖是一回之詞未委虛的若是使實則是該縣

官員不以禁令爲事縱容潛住其分守撫民等
官亦不肯進山巡視袖手高坐苟延歲月欲行
引例參奏中間恐有別情誠恐非但當一縣不
免各處俱有此弊若不查例嚴加禁約即今山
東北直隸真保廣平大名彰德等處頻年阻飢
流民亡慮百萬川湧雲集隨處流移莫知定止
假若潛刑掩跡或公然進入前項應禁山場一
旦嘯聚譬若燎原之大滅撲不早迨至焰盛延
及山林遽難救熄為此合行移咨煩行戶部查
明白類行湖廣河南陝西四川四布政司各行
彼處鎮守太監總兵着落潼關守備都指揮及
本司分守撫民分巡等官本院咨行各處巡撫

并劄巡按御史着落按察司分巡等官如有各處流民再進前項應禁山場及要附近寄籍并

朦朧捏詞奏告者照依節次奏

准通行禁約事例問斷發落不許縱容進山及听入籍致貽地方重患未便

戶部尚書許讚等一本題為陳言時政以裨

聖治事內開看得巡按直隸御史朱孔陽所題一招撫流移以安民生一事合行依擬開立前件伏乞

聖裁等因謹題請

旨

嘉靖十二年二月十一日奉

聖旨准議

計開一撫流移以安民生 前件伏覩

大明律內一款凡民戶逃住隣境州縣躲避差役者
杖一百發回原籍當差及嘉靖六年

詔書內今後逃民有復業者除免差徭三年里長不
許勾擾有司卽便出給告示曉諭但係久荒田
地許諸人告官承種亦免差徭三年欽此已經
通行欽遵去後今本官具題前因查與律例大
略相同相應依擬今候

命下通行撫按官員吊查文冊將流移之人定其數
目多給告示用心招撫使還故土仍給帖照例

免差三年不許縱容里長指差科害富豪以債
逼迫如此則流移之民樂還故土而亦固本邦
寧之一事也

偷抄洗改後湖廣冊不分首從皆斬

一件盜取後湖黃冊等事成化二年二月內該都
察院右都御史李 亨題

准今後敢有私受財物偷抄洗改後湖黃冊者照犯
人張成 比附盜制書不分首從律條皆斬監
候奏

請定奪

戶部一本懲究違慢經該官員以謹駁冊以便

清查事看得南京戶科等衙門給事中湯璣等題稱駁回湖廣四川福建廣東山西雲南等布政司府州縣并土官衙門正德七年黃冊已久不行造報乞要轉行巡按御史查提問罪俸糧住支立限造繳一節為照各該官吏不以版圖為重輕視國法節催未報既該本官叅奏前來相應查究合無轉行各該御史逐一查提依律議擬照例發落仍將俸糧住支原駁查冊嚴立限期責令上緊造完解送奉

聖旨是這各衙門官員不以版圖為重造冊遲慢都着巡按御史查提了問文冊着嚴限完解這本內州縣字樣多差還查明改正了行去

戶部一本陳愚見以裨治道事內開看得江西道試御史周禪題稱奸民貪書飛泠詭寄為弊多端矧造冊在邇勢可一新乞要頒示普率已往者改正將來者禁止一節相應議擬合候

命下移咨巡撫轉行巡按御史嚴督各府州縣掌印監造官員務照節年奏行條約事例從公查審攢造敢有仍前那詭寄飛泠走泠及故違破拆寄頓妄行作畸零帶附或潛投仕宦借名立籍或捏作絕戶影射田糧紊亂板籍等項作弊許令自首改正免其問罪違者事發一体從重究治等因嘉靖九年三月初九日奉

聖旨這田糧那移詭寄飛走泠泠及故為破拆寄頓

等弊委的紊亂版籍虧害小民都依擬行巡按御史嚴督司府州縣官員備細查理着令改正有違的許人首告都照沒官欽此

禁約一槩拘集十年里甲協同辦理例

成化元年六月二十五日禮部等衙門題為建言民情事會同各部都察院通政使司大理寺六科給事中議奏奉

聖旨是欽此欽遵內一件妨民事吏部听選起復主簿蔣英言伏覩

舊制每一百戶設立里長一名每十戶設甲首一名造定黃冊輪年應當凡遇糧差等項止是該年

里甲催徵辦理其通年里甲定不干預近年以來各處有司遇有糧差等項動輒拘集十年里甲協同辦理有以朔望立簿点有名点不到任意責罰百十成群常川在官聽候項等因而科擾財物私役造作應既不依編年之法里甲何由得一歲之寧不惟牽制人民實乃有妨生業如蒙乞

勅法司通行禁約今後除清理軍匠外其餘一應事情糧差等項止令該年里甲與同老人結勘催辦不許一槩拘集十年里甲協同理辦及朔望点名庶不妨誤民生便益前件法司行勘禁約

禁約久禁罪人并供應寺項例

成化元年六月二十五日禮部尚書姚 寺題
為建言民情事該陝慶陽府寺衙門知府寺官
張翔寺建言民情事件該通政使司官奏係民
情事理合着禮部會官議奉

聖旨是欽此欽遵會同各部都察院通政使司大理
寺六科給事中議得後開事件合准所言宜從
吏部寺衙門查勘定奪奉

聖旨是欽此

計開

一四川嘉定州我眉縣知縣段顯言一件四川
寺處地方近有強盜劫掠燒毀衙門強捉軍民

妻女殺截巡捕軍民皆因貪官污吏逼迫厚科
橫斂不知下人無知而犯法誠如孺子無知而
入井奈何听理詞訟官既貪賄而為人作主吏
必抗拒而舞文弄法官吏交征里老顛倒有錢
者先求免該吏指引見官說事過錢無錢者捉
拏到官分外逼勒考打含冤無訴強要招承又
不隨即發落久禁長監無奈責令妻子生錢揭
債典當產業變賣兒女先賄禁子兵牌吏典至
於主文書手後到同僚上下交通方纔疎放有
此民害乞

勅都察通行各該衙門審查得實拏問庶使盜賊寧
息良善安妥便益

前件行巡按御史禁約

一吏部聽選冠帶吏俞翰言一件害民事臣切見本縣官員合得俸糧按月開支定矣近來本縣每日又編里長一名輪流辦送下程每家米一斗鷄一隻豬蹄一副銅錢一百六十文蠟燭四枝柴二擔以成常例值日供應本府并本縣各衙門又派里長三名或四名每月送柴炭三次况每年終又另送柴炭府縣買辦紙劄等物俱係見年里甲答應每日或用錢二千文或三千文者有之但奉勘合成造等項尚猶辦納不全似此漁取下民困苦至於流移深爲民患乞勅該部轉行巡按監察御史將雜泛供應等項革除

深爲民便

前件宜從巡按監察御史禁約

一件禁革該年里長奸弊刑科辦事吏張林言臣切見各處州縣里長每遇該年率領第男子姪成群到縣及遍歷鄉村私受詞訟不論情之虛實專一挾要錢物少者銀布多者馬牛以此爲十年一次生理民受其害欲行告理動以里長管轄挾勢莫敢誰何且如應役走遞月錢照依人丁多者百餘人少者六七十人其該認走遞日期使用月錢私分派與艱難小戶甲首替認合族人丁俱該空閑甲首畏其豪勢只得認受不敢聲言及至催秋夏稅糧尊坐寺觀廟宇拘

喚人戶號曰點糧一曰科派錢二曰實徵錢三
曰酒席錢大曰十數石中者五七石下者一二
石稍有不從假以糧遲爲由便加捶楚以此弊
病年復一年彼此因循遞相倣倣習爲常事如
蒙乞

勅都察院行移巡按御史痛加禁約庶使作弊祛除
黎庶安生矣

前件行移按察司分巡官禁革

一件禁革見年里甲并遞年里長害民吏部聽選
官劉恭言臣切照洪武年間

舊制里長一名甲首十名催辦錢糧勾攝公事年終
輪替永爲定制近年以來切見湖廣漢陽府漢

川等縣里長不待年終官府拘勾承役預先於
三四五月內糾集該管甲首十名每名買馬一
匹各帶弟男子姪家人稱名小甲成群騎坐鳴
鑼器械出鄉沿門巡行見得江西饒州等府客
民良善各備資本在彼寄借典買田宅耕種生
理為彼人戶辦納糧差不期各里指取以勘客
民催徵稅糧為由生事糾擾絡繹不絕稍不聽
從輒便百端生事尋究捉打欲点重差遇有詞
訟勒要財物酒食本縣小民風聞尋趁興起大
禍非法作害又有一等無籍之徒雖是通年里
長老人不思閑役不是當年不應管事却倚平
昔在鄉刁潑通同當年勾擾詞訟互相一体害

民誠恐各處亦有此等奸弊如蒙乞

勅都察院轉行湖廣等處巡撫巡按布按二司府州縣各該衙門出榜於城市鄉村人煙輳集常川張掛嚴加禁革前弊今後里長出役照舊務在年終不許揔先催辦勾攝止許當年差役照依均徭不許小里通同通年間役勾惹管事害民如違治以重罪庶俾奸弊革除民得安生便益前件行巡按御史禁約

戶
禁約日應支直例

成化四年十一月二十四日都察院為建言民情等事吏部聽選官程儀言一件日應支直事

臣切照原籍山西平陽府洪洞縣所管人民八十九里原設知縣等官自洪武年間各照品級開給俸祿優養身家近年以來本縣官員不守本等俸祿越分太過着落該縣人民輪流辦酒肉米麪油燭果品料草等項日逐供應名號支直各官但有鄉親到來加倍取要支應定派上里每里供應一日稍有遲慢差人催併其該辦里長下鄉止以為由加倍科要動擾鄉村小民有屈無伸所費民物不可計數誠恐各處亦有此弊如蒙乞

勅該部計議行移各處巡按監察御史嚴加禁約仍行山西平陽府着洪洞縣將前項日應支直革

去庶使官無科歛民不受害且奏抄出會官議
得將前項行移各處巡撫巡按嚴加禁約各官
奏奉

聖旨是欽此

戶
都察院一本革浮費以安軍民事內開看得巡
撫保定等府地方右副都御史周季鳳所言事
情切中時弊委行通行禁約本院欲咨各處巡
撫并劄巡按御史各查照本官奏內事理通行
各該都布按三司各行所屬凡遇一應公用俱
要將日逐自問贍罰紙米或商稅餘錢或存留
餘米或無碍官銀或均徭餘銀內支給買辦不

許纖毫坐派里甲軍吏各該衙門自置循環簿
二扇按季開報撫按轉行該道守巡官不時查
考銷筭中間敢有故違仍前科派以冒侵欺冒
破致傷邦本者照依律例問罪應叅提者奏
請施行巡撫衙門先刻大字告示通行曉諭許被害
之人指實陳告仍乞

天語叮嚀務令一体遵守等因奉

聖旨是着各該撫按官依擬曉諭禁約不許虛應故
事

南京都察院司獄司司獄張傑言一件差役不均
事切惟賦役之設無非驗丁糧多寡定差役之

輕重所以貧富失均而無靠損近籍本縣未僉
之先以查審爲由通拘大小均徭人夫到官無
勻合稅糧者亦受擾害及至僉點各衙門跟官
皂隸交納柴炭錢一戶有稅糧一百石以上者
有三五十石者各止當一名納銀一十二兩有
糧五七石者或二三石者亦各納銀一十兩其
府縣各衙門應役弓兵皂隸門子齎夫斗級等
項却將一石以上者八九斗者編充計其一年
身食飯米實該六兩又有升斗糧者細民爲余
判均徭其實不均如蒙乞

勅該部計議通行布按二司轉行各府縣今後務查
各衙門額設跟官直廳皂隸等役通行會計該

納柴炭等項銀兩皂隸等項若干名共該銀若干在官應役等項皂隸若干名依時估計每名身食飯米該銀若干扣筭明白將該年應食均徭人戶不拘大小稅糧不分多寡隨數科派其合納銀兩徵完印封差人解送該在官應役者行拘着役其本戶稅糧句數則止少則補足多則追余以補不敷其官吏生員例該優免者仰令見年里老開報不許一槩拘審科擾該納銀兩小民於各均徭里長名下取足送官交收各倉斗級等候年深仍於該年均徭稅糧內加科補貼如此庶差役則均而民無靠損勾擾之患

前件成化十四年八月二十二日禮部等衙

門議兵部行巡按分巡等官革禁

禁革均徭銀兩以蘇民困

成化十五年十二月二十三日戶部左侍郎殷
等

題為停止預先徵收均徭以蘇民困事戶科抄出
巡按直隸監察御史黃傑題看得按屬地方民
害莫甚於預徵收均徭銀兩臣訪得均徭之法
州縣各將繫管人戶於上年八月內預先查審
量戶大小分作九等坐定銀兩數目預先徵收
在官凡遇一應坐派買辦採辦及府州縣雜色
使用俱許於內支給號曰均徭銀其立名最害

其實則非查得州縣徵收銀兩簿內一戶每一年有出銀二百餘兩有出銀一百餘兩有出八九十兩及二三十兩至貧下戶亦派一二兩至五錢為止大縣一年收銀八九千兩中縣六七千兩至小縣亦不下二三千兩定限十月以裏收完在官聽候下年支用又訪得當徵之時富家尚且為難其中下小戶被其逼迫緊急多將子女田產牛具典賣送納及各該官吏廉潔者少貪污者多凡遇一應買辦採辦派到及不急雜色使用因有前項銀兩見在便於支取容易侵欺凡有支領輒起貪心通同收銀人役及舖行人等相應納物料以輕作重以賤作貴甚者

以一作十以十作千多領官價改洗批單少解
少納又有將一應物料估作兩樣價直朦朧支
領任意花消因而侵分入已臣雖拏問一二弊
根尚在民害未除及訪得蘇松常鎮等府俱有
此弊若不通行停罷年復一年富者漸貧貧者
益貧貪污官吏俱得滿載而歸乞

勅該部將前項預先徵收均徭銀兩通行停止凡遇
上司坐派一應買辦採辦物料

原坐來多派民
多納原坐來少

派民少納上司不曾坐來不派不納如此則生
民免逼迫之害而貪污官吏無有侵欺等因具
本該通政使司奏奉

聖旨該部知道欽此欽遵抄出送司查得先該江西

按察司僉事夏時奏稱各處差徭不均公私分
擾事無可稽謹体賦役冊規倣為均徭將簿冊
式樣具奏抄出會官議得合准所言本部已經
奏

准通行欽遵去後續該戶科給事中丘弘題稱近來
均徭之法不便於民要行革去本部又經題
准通行浙江等布政司轉屬照依本官所言將均徭
之事悉皆革去其一應科差務要隨時從公量
力洒派均平敢有仍前指以均徭為名擾害於
民者許被害之人指實奏告拏問去後今御史
黃傑奏稱前因委有此弊且民間差稅除拆納
糧草徵解銀兩其餘買辦採辦等項科差有大

小道理有遠近地方各有所產之物隨宜定價徵收令其轉相貿易比此得此不至勞擾若一槩止徵銀兩定限完納小民素無蓄積一時被其逼迫預先賒買價直加倍縱使官員廉介收受之際下人侵漁尚不能無設遇貪饕之徒平昔垂涎欲取於民畏其法律所繩不敢放肆但聞此法一行為開其門徑以一科十以百科千誠所必有是蓋所以均徭實為重徭欲其便民適以害民養之弊草甚於斯若不禁除民愈受害案呈欲准其所奉行移都察院轉行浙江等布政司并南北直隸巡撫巡按官員從實查勘所屬地方但有前項名為均徭事例即便停罷

如有已收銀兩在官行令布按二司分巡官員
查理支銷明白以後遇有一應差徭戶分九等
門分三甲照依御史黃傑所言事理科派徵納
則民力少甦不致煩擾今後敢有指此為名仍
行均徭科擾害民者布按二司行之聽巡撫官
員究治巡撫官員行之聽巡按御史具奏次日
奉

聖旨是欽此

禁約有司科歛均徭銀兩多額外多魚皂隸
一件開讀事成化二十三年十月初十日節該欽
奉

詔書內一款有司不許指均徭公用為由科歛銀

兩罰取財物因而尅害入已司府州縣亦不許
額外多貪皂隸侵漁小民但有違者巡撫巡按
官体訪叅究拏問

均徭不許增加餘銀鎮守不許干預均徭例

弘治元年六月初十日戶部尚書李等

題為飢荒追徵事浙江清吏司案呈該巡按浙江
監察御史暢亨題據浙江按察司經歷司呈蒙
本司案令往本司分巡浙東道副使楊峻關防
得各縣官吏將上餘剩均徭追徵銀兩起解十
分緊急逼民完納男女哀號上下嗟怨皆為此
際青黃不接正當賑恤不宜有此追併查得各
府卷內該奉布政司牌面差人守追前等銀兩

係是買解綾紗紙張之用固是急務但地方災
傷目今軍衛缺糧小民缺食糧里追徵錢糧尚
且不足況今等餘銀多係逃絕里甲陪贖之數
有司奉行逼於一時民力誠有所不堪不無逃
竄為非煩行布政司查照或將別項銀兩暫借
補解或寬假四月麥秋之時追徵誠為便益備
閑案令轉呈照詳據此案照先為賊役事據浙
江布政司經歷司呈蒙使司案令照得各衙門
額設隸兵庫斗齋膳馬館夫役等項俱自各縣
點差後行分巡分守官編審內除京官等家照
例優免不編外其餘門戶第其丁田多寡量定
差役重輕從公盡數編僉餘剩人戶勸出米穀

以備賑濟定出銀兩織買綾紗溫處二府照舊
補果今照各年各項差役欲照上年事例行委
巡守官員督屬審編未敢擅便轉呈照詳等因
行間隨據杭州府仁和縣十九都里長吳敬等
呈為徭役不均等事內開有司官吏違例濫編
無額書手拆收糴穀俱不在徭役之數以致小
民繁若破家蕩產鬻男賣女不能應當民受其
害苦莫伸雪弘治元年分編審均徭在邇乞查
例禁革以甦民困等因到臣查得成化二十年
該巡按浙江監察御史林誠乞為乞

恩照例致仕事一件革均徭以蘇民困該戶部題行
都察院轉行各處巡撫巡按巡鹽并布按二司

官員照依林誠所言仍行申明禁革中間若有
不曾預收銀兩小民稱便者聽從其便如有仍
前故違科擾害民者聽巡撫等官訪察明白應
拏問者就便拏問如律應

奏者亦即具奏施行仍查自成化十八年以後果
有均徭折銀已追在官者俱令類解本部發庫
收貯以備各邊軍餉支用已經通行禁革去後
成化二十二年三月十日節該欽奉

勅書內府造經書軸并糊飾屏風牕隔等項合用綾
紗紙劄數多先年織抄解來供應者用之將盡
必須再行織抄庶不缺用特勅爾等會議定委
二司公正堂上官各一員提督各府正官查勘

在官錢糧量數支給着落各該官吏兩平收買
絲料取勘有機房之家從公派給須照降去式
樣丈尺如法依數織造并查究先造紙處所仍
委各該官吏亦照降去紙樣如法依數抄造俱
要精緻不許稀鬆粗糙織抄有後辯驗堪中腰
封包稟用攬裝成陸續差官解赴工部送該監
收貯供應爾等項戒約有司委官人等毋得因
而科擾侵欺有害於民若民間抄有堪中好紙
亦聽爾等收買解用欽此欽遵在卷今據前因
看得要將編剩人戶勸出稻穀賑濟織買綾紗
已有前項

勅書并節次奏

往禁革均徭事例行令浙江布政司將審編空閑人戶照例禁革不許預先徵收銀兩去後續據浙江布政司經歷司呈送織完綾紗一萬一千一百六十一疋前來公同鎮守浙江司設監太監張慶布按二司委官石布政使張敷革副使魏富逐一辯驗堪中委官解赴工部交納外成化二十三年十月初十日節該欽奉

詔書內一款朝廷憫念小民凡事減省今後不輕差人出外買辦採辦物件有司不許仍前指以均徭公用為由科歛銀兩罰取財物因而剋落入已但有違者巡撫巡按官體訪叅奏拏問欽此欽遵臣又行布按二司禁約外續又據本司呈

該布按二司委官右叅政孫仁僉事王輔棟選
 買完堪中各樣紙一百二十六萬六千七百一
 十張前來會同鎮守太監張慶驗收明白發仰
 本司委官解赴工部交納訖續據布政司經歷
 司呈開坐綾紗三千疋共該價銀一萬三千五
 百七十三兩一錢二分五釐除解過一千一百
 六十二疋未解之數價銀俱已給發機房之數
 織造將完紙劄三百七十萬張共該價銀八萬
 一千四百五十兩合用木櫃解扛等項計銀九
 千五百四兩二錢八分六厘見在廣濟庫銀二萬三千五百四十九兩九錢七分七厘六毫二絲原派取
 各府未解到銀四千七百三十一兩二錢六分
 二釐六毫各府原報數未解成化二十三年分

均徭銀一萬六千三百九十六兩七分二釐二毫除在庫并一項未解銀作數外仍欠買紙價銀四萬六千三百七十六兩八錢七分三釐六毫八絲等項數目在卷近據新昌縣及浙江布政司經歷司備紹興府各呈申開稱前項未完均徭銀兩係會議行令備納織買綾紗紙劄之數本司難便定奪呈乞照詳臣查得前項銀兩已是停徵之數只今青黃不接人民缺食正宜賑濟之期若仍追徵不無逼民逃竄又行布政司轉行各該府縣并分巡分守官通行所屬查勘均徭銀兩已徵在官者照數起解未完者一体照例停徵去後今據前因行間又據寧波府

經歷司呈為供應呈准本府照會該蒙浙江布政司紙牌備仰速將成化二十三年分未完均徭銀二百八十七兩七錢六分二釐九毫作急追完稱對明白起解依蒙行據鄞縣申據里老張粟等連名里稱人戶陳文銓等原係貧難下戶因均徭点出銀兩柰遇連年飢荒口食無度致蒙緊併前銀俱各絜家逃流兼遭時疫死亡稅糧均派里甲陪贖間獲人戶陸顯等見在却又称執前銀已蒙

詔書明白革免况今十分貧苦實無措辦設若再徵必致激變等情緣蒙布政司差人守催事理未敢擅便備申轉呈到院臣切見浙江小民自成

化二十等年以來浙江布政司呈蒙鎮守太監
張慶案驗行令司府縣將均徭編剩空閑人戶
不察民情幽隱不論差役重輕盡數編審無遺
錙銖名曰空閑均徭銀甚至一戶編審三五差
之外丁又計其丁田有餘加增銀數逃移死亡
人戶丁田未除者一槩科徵負累見在里甲陪
賠每年不下數餘兩收貯府庫陸續支用上下
相倚互相蒙蔽不行開報夷考其實大半俱是
太監司府縣私自浪費乘機侵欺者不能保其
必無及至臣查勘嚴密方得二萬餘兩轉買綾
紗紙劄之數昔唐陸贄有言違官立國所以養
人也賦人取財所以資國也今也違法而科歛

餘銀既非所以養人費用而為私情又非所以資國

陛下登極之初首頒

寬恤之詔通年拖欠糧草歲辦軍需并一切不及之務俱蒙蠲免而又以明年歲辦之數以十分為率減免五分大何

詔旨纔頒行於天下而輒便差人催徵小民未完均徭餘銀雖係會議買辦綾紗紙劄之數今既遇蒙

朝廷寬恤亦合另議處置不宜徑情直行方命催科使道路之人咸失所望矧浙江地方連年水旱相仍飢饉荐臻節據定海昌國等衛呈報軍

士缺糧餓死者數十餘人慈谿等縣申稱人民
缺食壯者採樹根充飢老幼者不能動履而死
今布政司雖發銀一萬兩前去該衙接濟及今
有司發倉賑貸飢民其成化二十三年稅糧見
今未完有司追併緊急百姓輸納不前今却又
行違例追徵均徭餘銀則民何以堪命倘或變
致生他虞為患非細臣查得原坐綾紗紙劄已
解過半布政司諸畜亦不堪多百姓疲弊尤為
至極未完綾紗目今織造將完其前項紙劄亦
合從緩為之除行浙江布按二司分巡分守處
處并各府縣將前項未完均徭銀兩暫且照例
停徵查提布政司守催吏典至日問擬外誠恐

各處亦有此弊如蒙乞

勅工部查照解綾紗紙劄之數如有破句供應合
無將未完者暫且停止候司府縣倉庫收有諸
畜之日委官支買解納小民拖均徭餘銀照例
免徵若是紙劄缺用亦行浙江鎮守太監并布
按二司及查照原行奉

勅委官量支官錢從緩為之陸續買辦解部不許仍
前科擾有害於民仍

勅戶部查照今奉

詔書并申明奏行禁革科歛均徭餘銀事例通行浙
江等十三布政司南北直隸巡按并布按二司
官嚴加禁約有司官吏自今以後編審均徭務

要查照每歲額定差役并將該年均徭人戶分
為等第從公編審丁田有力之家止編本等差
役不許分外加增餘銀貧難下等人戶并逃移
死亡之數聽其空閑亦不許仍前預收餘銀以
害於民額外濫設產役盡行革去敢有故違若
事干司府官吏許巡撫巡按察糾問罪奏
請改調別用若巡撫巡按等官容隱不行糾舉事發
連坐以罪鎮守衙門止許本等行事不許干預
均徭仍查提浙江布政司堂上承行官明正其
罪如此庶幾法令嚴明人知警惧事體歸一人
易遵守民困可得而甦供應不致缺乏而地方
可保無虞矣具本奏奉

聖旨該部知道欽此欽遵抄呈到道看得均徭之法
本為編徭役而設初不令其折收銀兩以備別
項之用也各處官吏若有用心審編則官吏不
敢那移作弊里老不得放富差貧三等之家俱
無靠損九則之戶俱稱均平法置良也但廉官
立法無有不善貪官用法始有不善一戶審編
二三差又計丁田以出銀下戶不能以存活亦
作編剝而出辨逃移死亡人戶宜開豁也猶令
見在里甲以陪賧額外濫設差役宜可省也猶
占上等人戶以應當預徵銀兩動以萬計轉買
供用能用幾何互相蒙蔽上下侵分誠如御史
暢亨所言應合嚴加禁約及照浙江布政司堂

上官受薇垣之重任為郡縣之表率正當革弊
除奸不宜同流合污明知節次奏

往及奉

明詔禁約不許止以均徭公用為由科歛銀兩不合
故違差人守催未完均徭銀兩事屬為法律合
提問合無仍行御史暢亨將掌印承行僉書官
吏照卷查提到官依律問罪照例發落本部仍
通行浙江等布政并南北直隸巡撫巡按官并
布按二司嚴加禁約有司官吏今後審編均徭
務要查照歲額差使與該年均徭人戶分為等
第從公審編丁田有力之家止編本等差役不
許分外加增餘銀貧難下下人戶并逃亡之數

聽其空閑不許仍前預收銀兩負累見在里甲
額外濫設差役盡行革去敢有故違事由司府
官吏聽巡撫巡按糾察問罪奏

請改調別用若巡撫巡按容情不舉事發連坐以罪
鎮守衙門止許本等行事不許干預均濫如此則法
度嚴明事體歸一而小民不被其害矣具題奉
聖旨是欽此

差徭作弊官吏里胥坐以枉法重罪例

弘治元年六月二十五日都察院為建言民情
等事准禮部咨該吏部等衙門聽選監生并官
吏人等杜琳等建言民情事件會官議得數內

六十四件合准所言宜從吏部等衙門查勘定奪施行各官奏奉

聖旨是欽此

一為除革弊剝削害民等事臣切見得各處有等積年里書不思貧富一例科差但遇起解軍匠并撥派催徵邊糧等項百端設計擾害科歛財物串同該年里老不遵事例朦朧作弊故將有力勢豪之家得錢設法虛捏無力隱匿賣放存留附近倉分及將貧難人戶妄造富實有力起撥遠倉場交納所解軍匠等役况無盤纏不能前進負貧小民不敢伸言只得逼迫挈家逃竄扶老挾幼携妻抱子棄祖離親拋撇家鄉而流

移外郡男則為奴女則為婢啼飢號寒呻吟無訴中間多是里書作弊乞

勅都察院轉行各處巡撫巡按出榜行移都布按三司并南北直隸府衛所州縣禁約今後如遇派差徵納邊倉糧草起解軍匠等項仍遵舊照依上中下等戶科差將有丁力富實大戶量地遠近派納貧難小戶存留於附近倉分上納就將積年害民書手革退另選良善之人在官書辨以甦民患之苦便益

前件看得避重投輕固富戶豪民之奸計而放富

差貧實官吏里胥之積弊誠有如主簿劉鼎所

言者合行各處巡按監察御史嚴加禁諭各該
司府州縣官吏并里書人等今後遇運納糧草
管解軍匠并一應雜役俱要照冊查勘丁田事
產多寡斟酌差役輕重遠近編驗富實上戶使
之當遠差重役貧薄中戶則令其應充近差輕
役艱難下戶則如意撫恤免其差發務使徭役
均平輕重適宜豪富者不得避役貧難者免其
靠損若官吏里胥仍踵前弊賣富差貧許被害
之人赴巡撫巡按并按察司官處指實陳告官
吏里胥坐以枉法重罪避役奸民亦各問擬如
律

巡撫巡按處置均從例

弘治元年十一月二十四日禮部等衙門題為
建言民情事該吏部等衙門聽選官吏人等曾
音得等建言民情事件會同議得數內五十九
件合准所言宜從吏部等衙門查勘定奪施行
等因各官題奉

聖旨是欽此欽遵

一辦事官林世傑言節用民財事臣本處福建依
山濱海土瘠用貧近年以來衙門事多而差役
繁里甲竭而家業蕩且如十年里甲輪當一次
該年辦納軍需物料照依丁糧出備以為均平
但上司各衙門買辦雜用雇募匠作等項一應

支費亦科於此以有限之民力資無窮之用度
致使輪當甲首一年富者轉為貧窮貧者至於
逃竄其田土已納本等稅糧并邊為驛遞夫甲
首答應往來使客外至編排均徭之年又將當
差且一年里甲丁糧盡勾一年衙門差役有等
奸狡之徒預行投托上司或為門子馬役或為
菜戶果行等項名色本戶丁糧盡行影射致使
編排不敷將下年人戶輟用又有本縣不才專
管官員却將殷實大戶俱不為編排假稱存留
另用私將賣銀入己良善者十年編當二三次
奸狡者十年一次不當名為均徭其實不均且
各衙門皂隸門子馬戶等役雖然每年從新更

編不過止是雇人應役又被索要拜見等項事
甚煩擾如蒙

准奏乞

勅兵部計議轉行巡撫巡按官嚴加禁約今後遇該
里甲輪當之年丁糧照舊出備銀兩買辦一應
合用軍需物件布政司出備一年印信簿籍發
縣日從實逐一填寫存留本縣備照其衙門
雜用一毫不許擅動依不許本縣私自依阿答
應另項作數不寫在上事發各坐以罪其年例
均徭革去不許編排會同布按二司官員先酌
量皂隸弓兵馬夫門子等役逐項定該一年出
銀若干某衙門某差役若干次則查勘各府州

縣丁糧除有奏行事例優免外見在若干差分
每人一丁每糧一石按年各出銀若干每縣止
照丁糧分派差役其人戶該出銀兩逐年送與
該管里長轉送本縣類解本縣掌印官照差役收
解該衙門雇人應當雇役之人逐年更換不許
久占且前編排均徭一年每人一丁每米一石
各要出銀一兩二錢未完太重難為只今通縣
人戶均出銀兩每人一丁每米一石按年各出
銀不過一錢而重輕易舉其額別立名色取撥
皂隸門子馬役聽等項人役悉皆革去本縣將
一年差役并出過銀兩開造文冊繳送本府并
布政司備照其巡撫巡按分巡分守官不時吊

取里甲買辦并差役簿籍查看如有不當買辦之物并額外濫設差役虛費民財者許將該衙門并該管官員叅問如律庶使里甲均而足用差役省而易舉

前件均徭一編誠有前弊合行巡撫巡按官再斟酌處置

戶部一本改正均徭以安幾輔生民事內開看得巡按直隸御史孫錦題稱順天府所屬霸州等處每年上中下三等九則每則加增數目不等俱屬增添各有餘剩銀兩乞要將增添餘剩銀兩查議改正及稱順天府額外有何取派該銀若干將該府官員空月柴薪銀兩不必解部扣

留支用如或不敷聽取各兵備道贓罰奏補額外雜差免其徵派及順天府呈稱巡按御史所言額外之派不必編於均徭將本府大小官員空月柴薪并各兵備道贓罰紙米扣留支用空月柴薪多不過二三十兩各兵備道贓罰備賑之數而額外之派上年該銀一萬一千餘兩縱將二項取用尚不能勾各一節本部節年並無額外派取銀兩禮工二部縱或有之料亦無如此之數通合議處合候

命下接管巡按直隸御史并各巡撫順天等府都御史劄行順天府督同所屬二十七州縣各掌印官將原審編均徭冊籍不必重審擾民各照先

年原冊計筭銀差用銀若干力差用若干朝覲
會試牌坊帶徵若干合用銀兩人丁數足為止
將原餘剩銀兩盡數刪除上三則人丁量減中
三則及下上人丁次減下中下下人丁多減務
使一州之內通融於一州一縣之內通融於一
縣另造改正冊籍照數徵辦仍將該府并所屬
大小官員空月柴薪及各兵備道贓罰銀兩按
季順天府以備額外取用如遇不敷呈原行衙
門奏

請區處庶人情便安而徭役之定法自肅矣奉
聖旨依擬行

嘉靖十二年二月初十日

刑部一本議處 陵戶以定事体事奉

聖旨這近京州縣委的差多民少徭役浩繁得過之家往往投充 陵戶墳戶避重就輕以致靠損人難還照弘治年間舊例優免劉杲等罷

宛平大興二縣取撥庫役穩婆辦納刑杖例
成化十二年 月 日刑部河南清吏司為建
言民情事奉本部連送先該本司案呈奉本部
送往禮部咨禮科抄出順天府宛平縣知縣彭
稿奏言民情事件開坐具本該通政司官奏奉
聖旨該衙門知道欽此欽遵抄出到部看得本官所

言事件係隸各衙門掌行擬合通行抄單移咨
到部送司查得本部十三司每月庫子四名共
五十二名內二十名係大興縣及通涿二州三
十二名并土工一十名係宛平縣充倉庫子應
當一年交替土工分作兩班常川輪流聽候相
視刑具不拘定數量其多寡取用穩婆遇有穩
囚婦女取穩驗俱於宛平大興二縣行取案呈
到部看得宛平縣知縣彭錫所奏本縣前項差
役繁重要行分豁一節除土工兩班應役不為
民勞仍舊應役外庫子每司減去一名止倉三
名刑具革去訊棍止辦刑杖穩婆務於市民婦
女內採取年老三囚名在官輪流聽取穩驗不

許似前用錢雇覓久慣婦女充應作弊為此擬
合通行連坐到司合就移付本部該司煩為知
會施行

戶部一本廣德意以旃災異事內開看得巡撫
河南都御史潘壘條陳查處王府民校今後
不拘新僉舊役并事故每石每年俱於均徭內帶
徵銀一十二兩解送布政司轉發該府雇人應
役一節實切時弊相應依擬合候

命下本部行移有

王府去處該府州縣以後不拘

親王郡王并新封應僉及舊役民校逃故消乏等

項俱照前例每石每年於均徭內帶役銀一十二兩解送布政司轉發該府雇人代役其在府舊役民校內有願當者聽從其便不願當者亦照例徵銀應役庶

王府不致乏人而民困亦少蘇矣等因題奉

聖旨是王府新封應僉民校及舊役逃故消乏的都照例每石每年於均徭內帶徵銀一十二兩解發該府雇人代役在府舊役民校有情願應當的聽從其便不願當的也照例徵銀解發雇役

優免官吏生員雜泛差役例

成化四年十二月二十四日禮部等衙門題為

建言民情等事該河南彰德府磁州知州等官
楊玉建言民情事件抄出到部會同議得內九
十五件合准所言宜從吏部等衙門查勘定奪
施行各官奏奉

聖旨是欽此

計開

吏部聽選官吳叔茂言一件臣照得洪武永樂
宣德年間官吏生員之家優免雜泛差役是所
戶內人丁得暇生理管辦盤纏供給養廉辦事
肄業得以專心圖報誠萬世之良規也近年以
來切見有司視例為虛文輒將官吏生員之家
不分田糧人丁多寡一槩與民科差僉充各衙

門隸卒斗庫膳夫等役不暇供給至於顧戀家
事戶役之類致使志氣不振中間有志者雖貧
不移其節無志者未免有侵漁之弊如蒙乞

勅該部申明舊例通行禁約將官吏生員之家除稅
糧徵辦外其餘雜泛差役照旧優免以勵將來
前件看得本官所言誠為有理合就通行各司
府州轉屬着落各該官吏遵依施行

戶部一本比例乞

恩優免差役事該

周王睦藩奏臣妃父兵馬副指揮素茂本戶一應
雜泛差役乞為照例優免一節奉

聖旨該部知道欽此檢得

大明會典內一款親王王親雜泛優免二丁

郡王王親一丁欽此今周王睦藩奏稱前因雖厚
於

王親義則乖乎

國法似難別議合候

命下備行河南布政司轉行開封府睢州將索茂本
戶除里甲正辦不免外其餘雜泛差役遵照前
例優免二丁等因奉

聖旨是以後王親優免都照會典例行

嘉靖十四年正月十七日

戶部一本懇乞

天恩崇

舊典恤名器蠲免差徭以圖補報事看得大一真人
張彥頤奏稱乞要照舊悉行蠲免一節但稱洪
武二十四年奏

准經今年遠查無文卷相應勘處欲候
命下本部照會江西布政司查勘弋陽安仁金谿新
城等縣張彥頤祖遺戶內寄莊田地各該頃畝
若干曾否奉有洪武二十四年奏

准明旨如果是實別無違碍將伊戶內雜泛差徭照
例優免再照張彥頤所奏係干已事輒用印信
亦屬有違合無量加戒

諭惟復別有定奪奉

聖旨正一大真人不是今日的且

皇祖已有恩旨所奏都准他有司不許違命辱其你
每但知賣公持正耳且不查究

嘉靖十四年十月初十日

戶部一本裁冗費一以政体事內開查得浙江
江西南直隸司府州縣糧長閏願勘合候徵收
錢糧運完日每處各差一人每糧長各出盤纏
四五兩或交付有司官吏或資助赴京人員假
公濟私除為科擾相應查處合候

命下移咨各該巡撫都御史及行該巡按御史通行

浙江江西南直隸等處嚴督各該司府州縣掌
印管糧官員將嘉靖七年以前未銷糧長勘合
逐一查處各照舊規填寫完備用印鈐蓋銷繳
糧勘合事殊語隸布政者徑申布政司隸直隸
府州縣徑送本府州縣暫為收候不俱多寡各
總具奏本內開所屬完銷勘合道數每年順付
本處進

表并部運官給與批文赴京

進繳以後嘉靖七年勘合限嘉靖九年以裏奏繳
嘉靖八年勘合限嘉靖十年以裏奏繳其餘年
分俱各依此等因奉

聖旨是這直隸并各首府州縣糧長勘合今後解京

完銷勘合只着類總順付各該進表并部運官
依限赴京進繳不許假公濟私科擾小民資助
赴京人員如違着巡按官查提究問欽此

一戶一本查理勘合事看得委官呈稱查對福建等布政司并南北直隸府州勘合未完底簿內錯寫落寫

旨意并多寫洗改錢糧数目及違限未到一節參照各該司府州承行官吏不以勘合為重以致差錯違限俱合查究合無轉行各該巡按御史通提問罪奉

聖旨這勘合錯寫字樣等項都饒他違限不到的着嚴限完繳

虧欠馬駒四匹折買一匹

成化十六年二月初九日太子太保兵部尚書
餘等題爲區畫馬政事

御馬監太監汪 題臣今查得成化二十年間
該兵部尚書王復等題將各處衛府州縣
所養孳生種騾馬自天順七年起至成化二
年止虧欠孳生馬駒令有司四匹折馬堪操
兒駒馬一匹軍衛五匹買一匹名曰四戶馬皆
堪騎用緣前項馬匹已查數區畫今征進官
軍於太僕寺領到馬多是矮小不堪騎用如
蒙乞

勅兵部查照前例自成化二年以後軍衛有司

若有拖欠孳生馬駒仍令民間四匹折買一匹衛軍五匹折買一匹務要健壯轉發寄養遇警得用實為便益與太子太保國公朱永太子太保定西侯蔣琬太子太保兵部尚書兼都察院左副都御史王越各具本成化十六年正月二十九日該本部官欽奉

聖旨是兵部知道欽此抄出送司查得先為區畫馬匹事本部議得各府衛州縣所養孳牧種騾馬天順七年算駒虧欠者遇蒙天順八年正月二十二日

恩例蠲免成化元年終又該算駒除已生外未生虧欠者又遇事例停候成化二年秋熟買

補今照秋收在通人戶合當買補但所買馬
駒例該二歲止可克數而已急難得用合無
照依土年事例通行查勘有司四匹軍衛五
匹折買堪操兒驢馬一匹解部轉發寄養備
用具題成化二年八月初二日該本部官節
該奉

聖旨是馬政多廢弛了恁每區畫的皆准行欽此
欽遵以後此等馬匹俱已用盡今該前因照得
兩京太僕寺專一職掌馬政江南應天府并直
隸太平鎮江寧國三府江北直隸府州河南
山東二布政司係養馬地方中間多有連
年水旱災傷所在軍民尚有懸望發倉賑

濟之數以此一應虧欠孳牧馬駒成化十四年八月初四日太監懷恩傳奉

恩例并戶部郎中林孟喬奏行事理內有寬限至成化十六年秋成追補困弊尤未蘇醒即今邊方多事太監等官汪直等擬奏折買前項馬匹已蒙

聖斷俱准施行今查各年虧欠等項馬駒四萬八千之上切恐軍衛有司一時追并要完不無人情不堪合無先令折買一萬五千匹俱要高四尺以上壯健好馬但係上戶者於成化十六年四月以裏中戶者於本年十二月以裏折買完備不為常例沿途應付草料解

赴在京太僕寺印烙轉發順天府寄養所用
不該前項太僕寺印烙者徑自照依常例而行
前項馬駒若有遇例蠲免者不許失信逼令
折買今擬折買馬匹責在分管寺丞親臨
禁革奸弊撫恤共濟國事如不尽心致有濫
政罪不輕貸緣係定限折買馬匹事理具
題奉

聖旨是欽此

差撥御史會同太僕寺官印烙馬匹例
成化十七年七月初六日兵部尚書陳等

題為學生馬駟事車駕清吏司案呈奉
兵部送兵科抄出太監寺楊琢等今將在外
定州等二衛并直隸保定山東濟南河南開
封一十三府成化十六年正月起到十二月
終學生并陪賞馬駟數目開坐具本該
本司官奏奉

聖旨是兵部知道欽此欽遵抄出及准南京兵
部咨據南京太僕寺呈稱所屬應天鳳陽
等府滁和等州縣成化十六年分學生并陪
賞馬駟數目備咨到道通送到司照得
兩京太僕寺學生馬駟常年事例相應
俟伯名姓請

旨點差二員及行國子監監生及行

御馬監奏

請差并南京

御馬監內臣各一員關領小雲印二十把前去

養馬司府州縣將前項馬騾駒印記回奏

成化十四年八月初四日早該司禮監懷恩

節該傳奉

聖旨山東并北直隸各該府軍民災傷甚重恁

各部將該追馬匹等項當停止分豁的便寫

來看欽此欽遵本部為照近該本部議差

侯伯等官前往山東河南應天北直隸司府

州縣印烙馬匹合無听候成化十五年秋成之

日照依成化十七年六月內申明巡撫南直隸右副都御史劉孜奏

隹事例御史二員會同兩京太僕寺官公同前去印烙一次以後豐收年分照舊差候伯內臣等具題成化十四年八月十一日節該奉聖旨都隹擬欽此欽遵查得成化十五年孳生馬騾駒例該成化十六年印記該本部議得前項養馬司府州縣災傷去歲數多不係分收年內差官印記緣由查例具題成化十六年七月十九日奉

聖旨是各處既有災傷只差御史同兩京太僕寺官印烙欽此及查近該本部議得南

隸江北府州縣并河南山東北直隸去處成
化十六年十七年拖欠一應馬匹待明年麥
熟買補等因具題成化十七年四月三十日奉
聖旨是欽此欽遵外今該前因案呈到部照得前
項孳生并陪償馬騾駒例該今年秋後印
記但各司府州縣係災傷地方近雖間或成
熟民困尚未甦醒欵照上年

朝廷恤災本部奏奉

欽依事理行令兩京太僕寺照舊例閏領小雲
印二把本部行移都察院差御史二員請
勅一員公同太僕寺一員南京太僕寺分管寺
丞躬親編歷養馬司府州縣將成化十六

年分孳生并陪養馬騾駒印記回奏不許
吊集妨農中間違悞者徑自叅治有故者
免其印烙照前施行緣係照依差官印記
馬騾駒及奉

欽依兵部知道事理未敢擅便開坐具謹題於
奉天門奏事

聖旨是欽此

管馬官科歛饋送非雖賍私降等叙用

成化十八年正月二十七日兵部尚書陳等
題為禁革奸弊事車駕司案呈照得河南
山東二布政司所屬并南北直隸鳳陽等

府州縣

成化十六年分學生并陪償馬騾駒例該
成化十八年差官給俵本部為照前項司
府州縣俱係被災傷去處已經題奉

欽依比照上年事例行令兩京太僕寺分管堂上
官自行搭配給民領養去後今訪得各屬
管馬官員不行用心提督孳牧馬匹百端科
擾小民饋送分管員或假令醫獸答應預
先饋以財物或點差群長送冊按季供給私
家有將養戶作習學獸為由送與當年役
使有將人丁作聽事門子為名令其輪換跟
隨積年相繼習以為常甚至府縣交通乘

機原歛侵分以致馬匹虧欠人民累損此雖
得之傳聞不可不為處置案呈到部切照馬
政係軍國之重務小民乃邦家之本苟經歷
馬政而不体民情已為不可掊尅民財而
怠馬政法豈可容且本部連年奏行南京
太僕寺官員自印記馬匹無非為節省民
力安靜地方之計今前項養馬地方各該管
馬官員守法奉公者常少竊祿廢事者常
多平惜不能提調下人孳牧馬匹每每印
俵之年自知拖欠數多無由淹罪徃徃科
擾民財多浸濶以圖倖免其各該分管官
員非為不行禁約又且喜其奉承似此官

員即不能興舉馬政又不躰念民難以致各
屬官匹累歲虧欠養馬人戶逐年逃移民財
由此而愈窮馬政因之而愈廢若不早為
處置恐後邊方多事萬一缺馬征調不無
失誤軍務合無本部山東河南二布政司南
北直隸府州縣各轉屬府州縣掌印正官今
後管馬官吏等敢有科歛小民財物饋送
分管官員并听從貪近醫門子子役使及科
收盤纏等項者指實申呈本部并本處巡
撫巡按官員以憑叅奏拏問除有賍私者照
依律例問擬發落其有前項非理奉承實蹟
雖無賍私管馬官員亦送吏部降等叙用

太僕寺分管官員調外任若司府州縣掌印
正官扶同不舉者事發一躰連坐以罪如此
庶使馬政不悞民困少蘇緣係禁革印配
馬匹奸弊事理未敢擅便具題奉

聖旨是欽此

弘治元年解京備用本色馬匹暫且停解听
候行取弘治元年 月 日兵部題為處置
寄養馬匹以甦民困事太僕寺卿李 等題
乞 勅部從長計議將弘治元年該派備用
馬二萬匹除折色價銀照舊坐派起解外

合無將該解本色馬匹着洛州縣正官并管馬官依數揀選暫且存留本處喂養不必解京仍令分管寺丞看驗堪中備開毛齒造冊送寺備照候本府見在寄養馬取用交俵過若干或遇緊急缺用移文調取依限解京不許遲悞弘治二十年後銀馬依例起解如此如使畿內百姓暫免丁少馬多之苦而遠近州縣亦暫免道途料草之費則被此有益公私兩便其有在并以後寄養馬匹仍貴令管馬通判并州縣正官同管馬官吏務要用心提督喂飼不許以前作賤遇有倒失限三箇月以裏設法措置買補定足若

是年終十分不完五分以上者听本寺查照
叅奏管馬并掌印等官一躰任俸追補仍
將三年六年九年考滿正官與管馬官通
查馬數完足方許給由務其官吏用心脩舉
馬政緣係處置寄養馬匹暫甦民困事理
具題奉

聖旨是欽此

兵部一本乞定種馬之禁以防擅調以恤民困
事內開看得巡按直隸監察御史謝汝儀題
稱都御史周季鳳陳鳳梧將種馬擅行調

用乞要申明一節為照種馬州縣衛所各有
禁例准巡捕衙門不曾該載本部先因大僕
寺奏稱都御史周季鳳擅調前馬題奉
欽依比照私借馬匹官畜產律條科罪追陪通行
欽遵去訖今有此奏合無行太僕寺差分管
寺丞前去直隸山東河南該管地方查勘奉
聖旨是這擅調馬匹着該管寺丞上緊查勘明白
見在的督令養馬人戶用心喂養損失的依
擬照數買補今後各該巡撫官但遇地方
有警務要先事處置不許擅專調取自招
物議劉深提了問

兵部一本比例徵解馬匹以便查追查勘得御史謝汝儀提稱山東都司所所濟南等衛所原有種兒騾馬不等要照各州縣及京外衛所事例每馬一群行令每年買解大馬一匹責委分管寺丞帶委查追一節具見本官搜剔欺隱脩舉馬政至意相應依擬但山東地方先因流賊搔擾繼以災傷相仍軍士逃亡過半誠恐科派逼迫逾致逃竄其稱要責委寺丞帶管及查官點烙查追深為有理合無本部劄仰山東都司通行所屬衛所仍照弘治十八年事例每種馬一匹照舊二年

科駒一匹令賣價銀三兩倒失埋沒并虧欠者追銀亦如其數等因奉

聖旨是

解馬違限并違例差人及一年之上不來完馬取批者一体查問例

成化四年正月初九日太子少保兼兵部尚書白等題爲備用馬匹事車駕清吏司案呈節據太僕寺主簿廳手本開直隸太平府蕪湖縣典史王伯威廣德州建平縣典史陳英納完成化三年備用馬價銀兩緣由回報

到司案查先該本部奏

准每歲備馬二萬匹太僕所屬取馬七分南京太僕寺所屬取馬三分俱限八月以裏解部各府州縣解二十以上差官解二十匹以下及官有事故等項方許差吏及違限期者照例奏送法司究問等因已經通行欽遵外及查得區畫馬政內一件南京應天府并直隸州縣養馬地方通年起取餘利兒馬來京備用中間多有矮小不堪合無今後江南該解馬匹其不堪不敷之數每匹徵收價銀十兩類解依限赴部等因又經議擬奏准通行欽遵去後今官吏王伯威陳英等俱

限九月以裏方纔前來山東兗州等府州
縣司典閭真等二十五名俱不開申官員事
故各解馬二十匹以上直隸河澗等府州
縣主簿等官吳晉民典史畢璟共一十五
員湏已完馬匹不取批迴俱潛自回還及
查得山東東昌等府夏津等縣并涿鹿
左等衛主簿千百戶等官張鑑閭英等
吏典魏璆等一百一十九員名管解成化二
等年備用馬匹俱係違限人數緣馬匹未
曾交俵已經通送太僕寺交俵候完報照
例送問經今一年之上不行完報守取批迴
顯是畏懼問罪各潛自回還去訖通查案

呈到部參照前項各該官吏明知奏

准有例却乃玩法故違俱各懲治合無將完馬
見在官吏王伯威先送法司問罪及將完馬
潛自回還官吏吳晉民等并違限不來
完馬官吏張鑑等及解馬二十匹以上司
典石濬等行移都察院轉行各該巡按
監察御史照名行提問擬發落其未完
馬匹着令原委官吏作急解俵完足通
將問過緣由回報本部以憑查考以後
解馬違限并違例差人及一年之上不來
完馬取批者一体照例查問如此庶使奸
頑知惧馬政不悞緣係查問解馬軍民

駁官事理未敢擅便開坐具題奉
聖旨是違限已完了馬及違例的且饒這違
欽此

馬販兜攬交俵馬匹發邊遠克軍例
成化十年十月二十五日兵部左侍郎等
題為違法事車駕清吏司案呈案照先
據太僕寺主簿廳手本開奉本司案令
據應天府漂陽縣司吏楊震解送成化
六年備用馬匹前來訪得前馬多係在京
無籍之徒販賣審據解馬里長梅嵩等

連名供稱本縣馬匹逐年選俵不敷不堪
蒙本府行令每馬一匹價銀十兩收馬匹
交俵依蒙將帶價銀前來除四散自行
收買外其餘俱係販馬王端等承攬每
馬一匹中間有值銀五兩六兩者有止五兩
四五錢有止俱被王端等結成群黨不
分大小好交一緊勒要價銀十兩及至牽
趕赴寺看驗又將矮小癆病不堪馬匹
摺入在內偶得驗中乘機便說是伊打
點停當似此將前馬價騙去訖等情
據供查審數內馬匹除矮小等項不堪外
尚有四十一匹係各該發之數先次以經驗

俵八匹去訖止有二十三匹見在隨令醫獸魏
總等估念價值明白參照本縣該俵馬匹遍
年俱係賣價來京買俵往往被無籍軍
民人等承攬販賣不堪馬匹代爲牽趕赴
寺看驗若是不准俵馬人戶來路遙遠等
候艱難如准選中販馬之徒輒稱用錢買
囑本寺官吏准與驗俵多方索騙馬戶銀
兩上年馬戶王傑等被其騙害陷雖得法司
追究明白不免淹延月久方得完結牽纏負
難苦不勝今至王端等又踵前跡騙挾各人
財物若不嚴加追究非惟江南馬戶被其
騙害抑且本寺官吏爲其玷污爲此今將

供出馬販姓名并本寺原驗估過馬匹價
直開坐等因案令手本到司當將馬戶梅
嵩省令前去該司交俵見在馬匹定足赴司
作眼認挈馬販不見前來行據該寺主簿
聽手本查得馬戶梅嵩等連日呼喚不到
顯是逃回等情已經呈堂類行應天府及
行五城兵馬司通行挨挈梅嵩等馬販王端
等解部外續奉本部送據應天府漂陽縣
醫獸楊英告准蒙府批差管解馬梅嵩七
名赴部等因送司隨據梅嵩等絞扭馬販
一同前來為照其余馬販李成等十一名未
獲難便定奪又經送發該司將王端固牢

監候定限杖責追要馬販李成得獲連梅
嵩等送回去後迄今兩箇月之上未據回
報誠恐各犯倚恃平素玩法得慣在京稔
熟計屬應捕人役徇情故縱若不另行重
加懲治非惟小人得志抑且該寺官吏被其
籠絡而馬政終不能舉弊端終不能除案
呈到部照得各處近年解京寄養馬匹
專一徧京營各騎操之用最為緊要近年
以來有等無籍之徒號稱馬販專一收買老
弱矮小不堪馬餵養臃壯打聽江南解馬
人員來京輒便乘機兜攬多勒價直却將
老弱不堪馬換雜赴寺以圖僥倖驗俵玩

法欺公任情作弊廢弛馬政莫此為甚所
據漂陽縣馬戶梅嵩等名下馬無解到固
罪有在而馬敗王端等騷騙情犯誠如該
寺前項所呈迹在所由蓋緣此輩因為事
例禁約以故敢肆奸頑畧無顧忌且如輪
納錢糧此與交俵馬匹相同馬敗與攬納
糧料之徒情罪則一今攬納人等事發克
軍行至中外人頗知惧惟兜攬交馬號稱馬
敗之徒發落甚輕若不從重懲着自定
例將來愈加得志深為未便合無行令太
僕寺將梅嵩等并見獲馬敗王端通行徑
送通察院嚴限着令作限認拏未獲馬

販李成等到司追問明白依律發落仍將
王端等編發邊克軍本部備由出給榜文
於太僕寺前常川張掛曉諭敢有仍踵前
弊兜攬騷騙者事發一躰克軍永爲定例
及通行各該養馬司府州縣今後解俵備
用馬匹除江南不堪不敷之數照例折納
銀價外其山東河南北直隸產馬處務將地
頭原來孳生等項馬匹選取解俵不計賣
價赴京臨期收買違者罪不輕貸如此則
人知警惧馬得實用緣係禁約馬販事理
未敢擅便具題奉

聖旨是欽此

馬販通何醫獸隸卒兜攬馬匹上納

初號充軍例

成化十六年四月十五日太子少保兵部尚書
余等題爲陳言馬政事車駕清吏司案
呈該太僕寺少卿呂震奏稱各處府州縣管
馬官吏解俵馬匹其間多係虛應故事有該
馬八十匹而止將二三十匹者以至十匹之上者
甚至無馬一匹者俱係官吏貪圖賄賂聽從
馬里長大戶人等夤緣作弊及到本司解馬
問其間有無實在數目佯然推稱不知審

據解馬人等告稱每馬一匹科銀一十四兩到京通同馬販兜攬每馬一匹止作銀十兩听其收買交俵其余馬匹俱被解馬之人侵欺馬販又將瘤瞎老瘦不堪馬匹赴寺交俵驗有不堪退出逾年不得完結馬價花費無存且在京馬販俱是軍旗余舍平昔免徒慣受刑憲挾制各處解馬官吏勒要包攬時常在於太僕寺門首打攬將本寺吏卒醫獸人等欺打辱罵莫知禁治即今正係各處催解馬匹將之時誠恐解馬官吏及馬販人等未免因襲舊弊合無今後南直隸江北楊州等府所

屬州縣該解備用馬匹每年南京太僕寺差官督同解俵先將該解馬匹實有無見在數目造冊開報內有倒死等項許於沿途地方驗看遠歲身力相應買補解俵且如馬販攬亦是外處收買俱不是在京出產若是各處管解官吏听信馬里長大戶人等仍在京通同馬販買俵者許地方火甲及巡視之人赴官告報或本寺緝訪得出叅送法司官吏人等俱問侵欺重罪馬販照奉

欽依姜聚等事例枷號問發克軍如此則小民不致受害 朝廷馬匹得實用乞

勅該部計議斟酌事宜嚴加禁約等因具本
該通政司官奏奉

聖旨兵部知道欽此欽遵查得先該

御馬監太監汪具題訪得羽林前等衛千戶
姜聚張軾軍匠沈讓祁讓龔榮張真葉
張太劉綱劉三各人積年在於太僕寺門
首兜攬各處馬匹誑騙馬價却買瘦弱
及賊馬朦朧印烙補官尅落銀兩將已但
遇緝捉就行逃躲通同醫獸人等虧損數
多難依常例今將各犯送法司究問明白
枷號在於本寺門首示衆滿日發遣邊
衛克軍等因具題成化十五年九月十百

奉

聖旨錦衣衛架來打着問欽此續該錦衣衛
鎮撫司將姜聚等問結奏送刑部擬罪
具本發審成化伍年閏十月初十日該大
理寺官奏節該奉

聖旨是都初號一箇月滿日押發邊衛充軍
家小隨任欽此欽遵外今該前因案呈到
部參照太僕寺少卿呂震奏稱南直隸江
北揚州等府該儀備用馬匹亦申南京太
僕寺官印記多解少俱是管馬官吏貪圖
賄賂听從馬里長大戶人等夤緣作弊及
到本寺審問却稱每馬一匹科銀一十四兩

被其通同馬販兜攬止作價銀一十兩听其
收買癘瞎老弱不堪馬匹交俵驗看不堪
退出逾年拖欠不得完結馬價花費不存
有司重懲貼納且被馬販免徒常於本寺
門首將吏卒醫獸人等欺打辱罵莫知
禁治今要南京太僕寺官一員督令解俵
以後此等訪出俱問侵欺重罪馬販照依
姜聚事例枷號充軍一節此係兩京馬政
通患非得兩京為然所奏曲尽情狀但南
京太僕寺官員有限若令差官督同解俵
勢或未能合無定與解馬公文批文冊式樣
通發南京太僕寺養馬司府州凡起解

備用本色馬匹俱要經由兩京太僕寺分
管寺丞等官驗中起解照例該印烙寺者
印烙公文批文冊務要開具經由分管寺
丞某人經驗起解緣由中間果有中途
倒死即於所在官司告行管印官相剝許
將肉變賣錢後爲買馬之用皮張鬃尾
就彼入官取相剝公文親賣但有洗改字樣
即送部追問敢有馬販交通官吏醫獸人
等以此兜攬作弊者事發照依律例治以
重罪內馬販醫獸隸卒人等照例枷號
一箇月發遣邊衛充軍若是由分管寺
丞等官怠忽一体連罪其解納折色銀兩

事體與本色同為一例凡投受之時本部照
舊委官一員親齎堂上官封皮前去公同
驗收就用封皮將庫門固封放時亦依此
法若無本部委官不許擅開本司官員去
任務要眼同交割其見收銀兩年以未查
盤本部仍委官及行都察院差御史一員
前去同原收天平公同本寺僉書官查盤
明白將數目造冊進繳及造青冊一本送
部方許放支緣係禁革馬政奸弊查盤
在官銀兩及奉

欽依兵部知道事理未敢擅便奉
聖旨是欽此

解京馬匹分管寺丞等官驗過不堪
許令養戶變賣湊買好馬

弘治元年正月二十四日太子太保兵部尚
書余等題為備用馬匹事太僕寺據山
東濟南府管馬通判張輅呈合無將迤
年起解退回不堪馬匹行令養馬人戶變
賣換易歲相應精壯馬匹喂養預備
次年解俵便益等因到司看得前項不
堪馬匹俱係本寺迤年驗追不堪之數
中間牽趕往回六七次十余次者徒費盤

纏草料終不堪用直迎倒死負累小民陪償
方總結絕且以精壯小民養此不堪之馬徒
勞無益及至倒死却又追陪大馬入官誠為
民害非但濟南一府如此其他養馬州縣
俱有此患今既通判張輅呈要易換精壯
馬匹預備下年交俵緣以小易大以克
國用最為民便但係在官馬匹合行具呈施
行等因送司查得先為驗看寄養馬匹
事該太僕寺寺丞劉鏞奏稱驗看過順天
府所屬州縣人戶寄養馬匹內有老弱癯
瞎不堪馬一千四百余匹本部為照此等
馬匹給牧養日費草料遇有失負累陪

補非為無益於官擲且有損於民相應處
置合無將數內從實驗者其間有尚堪牧
養者仍令領回喂養听候給軍騎操如果
老病瞎瘤不堪騎操是實估直時價交
賣銀收貯買馬等因具題成化二十二年

七月三十日奉

憲宗皇帝聖旨欽此欽遵外今據前因參照太
僕寺備濟南府通判張輅呈稱遍年起解
備用馬匹到寺驗俵不堪退回喂養次年
重複解俵費民盤纏倒死陪償深為民
患乞要通將各處揀退馬匹行令養戶交
賣換易好馬預備解俵一節所據前項備用

馬匹俱係在於孳牧馬內選取之數該管人員每年八月內解赴太僕寺再行驗看堪重者轉發順天府所屬寄養以俟調用其不堪者仍令人戶領回以待次年再解係見行事例但馬匹中間遠歲老弱殘癯矮小不堪解俵者委的徒費財力重貽民患如其所呈欲行兩京太僕寺轉行分管寺丞親詣各該養馬府州縣及衛所督同掌印并管馬官員從公將遍年解俵不堪退回馬匹逐一驗看中間若有尚堪解俵可一種上補種者仍令養戶如法餵養解俵如果遠歲老弱殘癯矮小不堪解俵是實聽令養

戶於本管衙門告給執照交買銀貨轉合
換易箇小廳壯馬匹給民用心喂養以候解
俵不許瘦損倒失如有倒失即便照例追補
還官敢有乘機將起解好馬一槩扶捏不
堪以圖變賣侵盜入已者治以重罪今後
分管寺丞每年但遇選取備用馬匹之時止
將毛齒審實送造冊起解候該寺驗俵堪
中者方纔印烙轉發寄養不必預於選取
去處印烙致令不堪馬匹難於變賣年終務
將揀選變賣養戶姓名并換過馬匹數目
造冊繳部以憑查考次日奉

聖旨是欽此

馬販係職官亦照例枷號一箇月係邊軍
及再犯累犯者發極邊衛分俱克軍例

成化十八年十一月二十四日大理寺卿宋
等題為備用馬匹事據左寺案呈該刑部貴
州清吏司發審犯人一名李義山東濟南府
濱州人有祖李忠補軍洪武三十二年白溝
河等處大戰有功歷陞河南懷慶府中所
副千戶病故父李寧襲調義勇衛中所帶
俸病故義龍衣職左衛差操招稱義與在官
軍人劉剛軍匠楊能未到官神武右衛右
所致仕副千戶孫謙錦衣衛上右所力士范
通留守前衛中所軍余王亮

御馬監醫獸崔信逾年在太僕寺兜攬各處馬匹誑分馬價使用不魯事義等明知奏有榜例敢有馬販交通官吏醫獸隸卒人等似前兜攬作弊者事發依律治罪馬販醫獸隸卒人等照例枷號一箇月滿日發邊衛充軍不合故違成化十六年六月初六日劉剛因有鄉里相識監生張清除任直隸河間府滄州南皮縣管馬縣丞計同義等越閔前往該縣赴馬廠見張清央說包攬馬匹張清不合許允查得該縣拖欠備用馬二十匹共科銀三百兩每馬一匹作價一十四兩先交與劉剛銀二百十二

兩外有馬價銀八十兩群長張珣曾智收領
六十兩待劉剛買馬完日方總交外有二十
兩張清收去不知下落劉剛同張珣并馬科
吏張紀來京劉剛誑用銀四十兩入已止將
一百八十兩交與義等買馬二十匹每匹該
銀九兩義認買馬一匹分銀九兩楊能認
買三匹分銀二十七兩范通孫謙王亮崔信
各認買馬四匹各分去銀三十六兩義等又
不合每馬一匹誑銀二兩入已止將銀七兩
收買瘦弱矮小不堪俵納馬二十匹毛色藍
不等義與范通又顧到已發落力士紀寬
等牽起前馬眼同張珣張紀賁冊赴太僕

寺朦朧交俵看瘦弱矮小馬止揀中十匹
崔信名下三匹范通王亮孫謙各二匹楊能
一匹范通一同收領听候將揀中十匹印烙
間查得毛歲年盜與冊不同致蒙緝前情
蒙押張紀弼人間義與孫謙就行彙藏
王亮崔信范通亦各連贓惧罪逃走不獲
止弼劉剛到司取供在官與張珣張紀紀
寬等連馬十匹備參送司除將劉剛等各
問罪審允張紀等先行摘發張珣劉紀監
候行提張清等至日另問奏提義等問
義與楊能各隱情訴來蒙與劉剛面對
前情明白除劉剛等仍監候外將義問

取罪犯楊能問發乞未獲孫謙等另行議
得李義所犯除違例等罪名外合依誑
騙人財物者計贓准竊盜論一百二十貫律
止爲劉剛從減一等律減各杖九十徒二年
半審擬合律查得先該兵部題稱今後敢
有馬販交通官吏醫獸人等兜攬作弊者
事發照依律例治以重罪內馬販醫獸人等
照例枷號一箇月滿日發邊衛充軍等因
奉

聖旨是欽此欽遵外竊盜前項事例不曾該載
戕官并邊軍有犯以此法司遇有問擬此等
人犯難以發落今李義犯該前罪係戕官

欽照例與楊能俱枷號一箇月滿日發遣邊
衛克軍及今後戢官有犯照例議擬奏

請定奪若係邊軍及再犯累犯者俱依律例問
罪仍照前例枷號一箇月滿日發遣衛分克
軍具題奉

聖旨是李義照例枷號一箇月滿日發口外衛克
軍家小隨住欽此

兵

兵部一本申明舊例以脩舉馬政事內開者
得太僕寺卿余璚等題稱申明舊例起解
備用馬匹各要經管寺丞等官驗中若有

馬販交通官吏人等兜攬作弊者送問枷號
發邊衛克軍等因為照馬匹起俵俱有舊例
奈何府州縣官吏不得其人分管寺丞又不經
理以致上下因循積襲成弊但內稱馬匹
俱要送府掌印官驗看本部查有前例以
難再議其余事宜相應申明合候

命下之日行移各該撫按并兩京太僕寺等衙
門轉行府州縣掌印管馬官自嘉靖八年為
始每遇派馬之時該府管馬通判親詣各
州縣督同掌印管馬官驗看將堪中馬匹
造冊候寺丞覆驗相同差官起解如驗不
中馬匹發回換補應該罰治官員分別罰

治不許容情如有官勢攬串同馬戶作弊俱
 听太僕寺体訪取問其撫按上司等官不
 許擅差管馬官員如違听寺寺丞奏問區
 處各該寺丞務要遵照舊例一歲二次出巡
 其有留心馬政者不拘往年次數各每年終
 將該府管馬并州縣掌印管馬官員賢否
 考語以憑轉送吏部考察其寺丞賢否亦听
 開吏部查照施行奉

聖旨是馬政重事這脩舉事宜既議處停當依
 擬行

兵部一本地方事內開看得巡撫保定等府
 都御史何詔條陳設馬市以蘇民困事遷驛

通以便應付存操軍以防時變三事開立前
件議擬上請定奪等因奉

聖旨順天河間保定三府密邇京師百姓寄養備
用馬匹十分艱苦今後你部裏并太僕寺
每年扣算若常有二萬匹之數再不必多派
以累小民各處每年解起依馬駒駒還
酌量地方豐歉加減折色價銀送司收貯
以備臨時買馬之用其餘准議行

刑

納馬贖罪照原運灰腳價折納例

成化二年三月二十三日刑部等衙門尚書

等官陸等為區畫馬政事准兵部咨將
區畫馬政事件開坐內一件法司問擬文武
官員軍民人等為直犯外其餘雜犯及徒
流杖罪情愿納馬者照依立功運磚灰炭納
鈔納豆做工則例改定馬數買納贖罪又一
件內開今後江南該解馬匹其不堪不敷之數
每匹徵收價銀十兩煎銷精徹類解赴部該
寺并太僕寺各委官一員眼同收貯隨時官
買寄養給操則軍民便等因具題節該奉
聖旨是馬政多廢弛了恁每區畫的皆准行欽此
欽遵移咨到部緣無擬定納馬則例臣等會
同都察院大理寺左都御史等官賈廢等

議的因人有力者運磚灰炭納豆等項所費
價值隨時貴賤不一今兵部所擬騎征馬一匹
收精徹銀十兩又與街市行使銀兩不同照
得舊擬運灰腳價頗為適中但所言立功四
犯多係官軍尅減糧賞受財枉法等項犯
該死罪發邊方立功五年滿日復戢帶俸差
操不許管軍管事蓋以革其奸貪害軍
之弊欽奉

詔書事例行之未久擅難改令納馬贖罪其余官吏
軍民人等有犯杖罪及徒一年至一年半較之
運灰腳價俱不及今擬騎征馬一匹價銀之數
亦難令其納馬合無今後法司問擬文武官吏

軍民人等犯該徒二年以上者審其相應有力俱送兵部每徒二年與二年半者各納馬一匹徒三年與流者納馬二匹仍照運灰則例算其納馬一匹准銀十兩餘剩腳價銀兩不勾買馬一匹兵部該司另會太僕寺委官隨時買馬寄養騎操如此則例適中馬匹可納緣係定議納馬則例未敢擅便開坐具題次日奉聖旨准議欽此

計開今擬納贖罪則例照原運灰腳價折納校八十徒二年運灰二萬四千斤原約用腳價銀一十三兩三錢今納馬一匹准銀十兩余銀收入官

杖九十徒二年半運灰三萬斤原約用價銀
一十六兩六錢今納馬一匹鞋銀十兩余銀收
入官

杖一百徒三年運灰三萬六千斤原約用脚
價銀二十兩今納馬二匹流罪運灰四萬二
千斤原約用脚價銀二十三兩三錢今納馬
二匹鞋銀二十兩余銀收入官

雜犯斬絞罪運灰六萬四千二百斤原約用
銀三十五兩六錢今納馬三匹鞋銀拾兩
餘銀收入官

兵部一本禁革私販馬匹事內開看得巡按山東御史劉訥題稱遼東地方始為馬政設太僕寺兩款其易舉今為適販過邊閑而乃有抽分遂使價高於市而官軍難買額減於舊而馬政所行一節為照遼東開立而市專為遼東官軍易於買補法久弊生遂致姦商與販不絕卒使馬價騰貴官軍因致困窮馬額漸虧邊鎮無所借賴雖曰抽分不知所得者甚少而所損者甚大御史劉訥議復舊規不為無見合無轉行巡按御史通行出榜給發該閑各鎮城去處張掛曉諭嚴加禁約今後如有勢要之徒仍前

典販馬匹或本鎮官吏監生人等冒倩夾帶買賣者許把關官軍人等挈送兵備衙門從重問罪馬匹入官查給無馬官軍騎操等因奉

聖旨馬匹听照舊通商但不許高擡時價以致官軍難買虧損舊額

下班官軍交兑騎操馬匹

天順八年八月初八日兵部尚書馬 等題為交兑下班官軍馬匹事車駕清吏司案呈奉本部送該五軍等營原額下場

管領收放馬匹都指揮等官鈔全都等
造到天順八年七月分下場收放馬匹官軍
舊管收除實在文冊到部送司查得五軍
營開下班官軍帶回馬八千九百二匹三千
營官軍帶回馬一千二百一十四匹神机營
官軍帶回馬三百五十一匹共該帶回馬一萬
三千四百六十七匹案呈到部參照前項下
班官軍俱係南北直隸并山東河南等都
司衛所放班回衛休息半年方纔上班未京
各將原額馬匹騎坐帶回中間有等無知
官軍不肯愛惜尽將行李物件稍駮又行
騎坐往來跋涉路途寫遠致令瘦損倒死

及又乘机盜買捏作被盜走失等項俱各賣緣
作弊互相隱瞞不即買補惟是希望

恩例宥免以致上司無憑查考馬匹日見消耗減少
所據放班官軍止是回衛取討衣鞋盤纏帶
回馬匹別無他用其各營見操官軍中間多
有缺馬騎操節行文移到部閤給合太僕寺
見在馬匹數少遇例免追數多倘遇警急不
無有悞調用未便合無本部行移五軍神机
三千等營各委的當官員將今年九月初一
日該放外衛下班官軍点視原領馬匹見在
若干盡數拘留免與見在無馬官軍領養騎
操用心餒飼臃壯以備征調毋令騎驟瘦損

仍將兌領過馬匹毛齒數目官軍衛分姓名備
細造冊送部查考其放班官軍原領馬匹中
間若有倒失等項該追陪者就便責令下班該
管官旗回衛照數追補依限赴操毋令容捏
故拖欠以後輪放下班之日一体照例交兌不
許仍前擅騎回衛敢有恃頑故違者事發
到官或被人告發所在官司問擬明白免其
坐罪追罰馬一匹解部給軍騎操如此則馬
匹不致走損遇警得以實用而官軍知有驚
懼矣緣係交兌下班軍官騎操馬匹及係事
例未敢擅便具題奉

聖旨是欽此

私借官馬馱載物件兩人共騎婦人騎坐
并賃借與人各問罪罰馬

天順八年十二月十二日刑部尚書陸 等題
爲申明舊例事江西司問得犯人秦鐸等招
罪查得宣德四年二月二十四日節該奉

宣宗皇帝聖旨舊例官馬專喂養操練以備戰
征不許閑時帶鞍往來弛逐亦不許馱載
物件兩人共騎并婦人騎坐但是傷損倒
死的都追罰及休知官軍人等不守法度
往往將官馬馱載糧食煤炭并馱私鹽貨
有甚至賃借與人騎坐馱脚等項不愛惜
以致傷損倒死的多恁兵部便出榜去禁約

今後敢有故違號令的巡緝官同錦衣衛差人挈送兵部就追罰馬匹入官并將犯人送罰司問罪欽此欵將見問犯人秦鐸等仍照舊例送兵部追罰馬匹入官今後遇有此等囚犯一体問罪罰馬奉聖旨是欽此

兵

放班官軍交兌馬匹私自起程者追罰好馬一匹例

成化元年二月初三日兵部尚書王等題為申明舊例交兌馬匹事車駕清吏司案呈

查得宣德七年十月初四日欽奉

宣宗皇帝聖旨但是各隊匠內有外衛官軍過關
的馬該輪流回去時不許他帶去欽此欽遵
後於天順元年六月內該五軍等營總兵等
官太平候張軌等題稱各管外衛官軍騎操
馬係近年隨班帶回原衛中間多有瘦損倒
死并捏作被盜走失等項數多今若又令依
舊帶回愈加有損無增愈覺缺馬調用要將
馬匹盡數兌與在京無馬軍領養騎操等因
奉

英宗皇帝聖旨兵部看了來說欽此欽遵本部係將
應合交兌便益緣由復奏

天順元年七月初日奉

聖旨欽此已經通行欽遵去後隨將太監傳恭等
奏稱要將馬匹仍令官軍帶回原衛本部議
得放班官軍馬匹免與在營無馬官軍領養
騎操揆之人情委的彼此兩便非惟馬匹無損
抑且有益軍威奏准通行各營照數交兌存
留外後因年久各該把總管隊等官因循怠
忽以致下班官軍通年將馬私自騎回原衛
本部無憑挨考天順八年七月內該五軍等營
下場牧放馬匹委官造致冊內下班官軍帶
回馬一萬三千四百六十匹本部為照前項下
班官軍回衛休息半年方纔上班來京各將

馬匹騎操帶回盡將行李物件稍馱又行騎坐
往來跋涉瘦損倒死者多及有乘機盜賣捏
作走失等項互相作弊隱漏以致馬匹消耗其
前項官軍止是回衛休息帶回馬匹別無他用
及查各營見操官軍缺馬數多太僕寺見在
馬匹不敷給俵倘遇有警不無誤事合無將
前項放班官軍馬匹盡數兌與見操無馬官軍
領養騎操以備征調以後班之日一体照例交
兌敢有故違者罰好馬一匹入官等因具題天
順八年八月初八日本部官奏奉

聖旨欽此又經通行欽遵去後續該總兵官太保會
昌候孫繼宗等題據保定等衛指揮杜玉等

稱據千百戶旗軍文監等連名狀告各人原閑馬匹見蒙兵部奏准俱要免留在京見操官軍領養切思先因外衛馬匹免留在京下班之日鞍轡等件俱各棄賣上班又行置買倒死馬匹相推調不行買補負累等因為照各人馬匹仍令帶來等因奏准又將下班官軍馬匹俱令帶回原衛去訖今照前項外衛官軍將馬往回騎馱中途倒死數多而該營恐露作弊緣由俱各不報不追而曰又該放班在通通查節次奏准事例案呈到部照得前項馬匹係是閑領在京騎操听候調用之數不因下班官軍往來騎馱而設緣今各營官軍數多馬匹十不及一若將馬

仍令帶回不無見在愈加數少再照前項官軍
俱係山東河南并南北直隸衛所遠者隔越二
三千里近者不下千里之余即今邊報声息絡
繹不絕偶遇一時有警率急調遣不前又况
下班官軍馬匹已有前項欽奉

旨意并節次奏准事例不許帶回後因各營把總
管隊官員失於鈐束致使下班官軍不以征
調為輒將馬匹公然騎回及至上班為因路途
跋涉馬匹水草不均及稍駭行李又行騎坐以
壓損瘦損者多非惟損耗馬匹抑且有違

舊制伏望

聖明念國家軍機之重務遵

先帝已行之成法將下班官軍馬匹照舊存留听調
外今五軍三千神機等營各委的當官一員將
今年三月初一日該於外衛官軍點視原領見
在馬匹若干并鞍轡等物明白置立簿籍
交兌見操無馬匹官軍領養操用就用就令
把總管隊官員嚴加提督用心餵飼臍壯
以備調用仍令每半月一次點視但有損瘦
閑時帶鞍在街騎坐及馱載一應物件者輕
則就便痛加懲治重則參奏照例追罰待
後替班之日仍將原領鞍馬照數交兌倘有
損壞倒死即便追補陪還其該放班官軍中
間若有該追等項倒失馬匹着令下班官

軍保領回衛照數追買各將交兌過官軍姓名衛分馬匹毛齒并回衛買馬官軍姓名開立前件條細各令造冊送查上班之日條將各衛買過馬匹數目緣由繳部知會註銷敢有恃頑故違私自將馬騎回者事發照例追罰好馬一匹給軍騎操官旗故縱及不行點聞一併治罪以後輪該放班之日俱各照施行如此則馬匹不致虧損遇警克濟成功實為便益緣係申明舊例及交兌下班官軍馬匹事理具題奏奉聖旨是欽此

該班官軍未到并拐馬不來者轉行巡按御史挨掣解問明白送營罰班半年例

成化元年七月二十四日兵部左侍郎王等題為該班未到官軍事職方清吏司案呈節准後軍都督府經歷司手本奉本府案令淮太保會昌侯孫繼宗等咨據五軍中衛等營把總都指揮僉事趙敬等呈問河南山東等都司并南北直隸衛所操備官軍於天順八年九月初一日輪該回衛取討衣鞋限成化元年三月初一日赴京操備除已到外衛數目臨清等衛官軍指揮許名等一千二百八十八員名至今未到造冊呈乞挨掣等因據此將各營

河南山東等都司并南北直隸衛所天順八年
二月初八日該班并衛所撥補不到官軍指揮
千百戶舒隆等造冊轉繳到部為照前項不到
官軍係是緊閑听調人數若令該衛該解誠恐
人情稔熟終無完報係干京操軍機重務合無
將該營造冊文冊送都察院轉行巡撫監察
御史督令衛所官吏照名挨掣差人解部轉
送法司問罪畢日仍送該營罰操半年等因
具題天順八年七月十六日本部官奏奉
聖旨欽此欽遵外今該前因案呈到部參照該營
造冊內開成化元年三月初一日該班未到官軍
指揮許名等一千二百八十八員名俱係京營操

練緊閑人數既已輪班放回休息却乃不行依
限赴操况數內又有將原操馬匹拐帶在家不
來似此奸頑之徒若不挈問懲治無以警戒將
未合無仍照本部天順八年七月十六日奏

准事理將該營造到文冊咨送都察院轉行各該巡
按監察御史督令衛所官吏將前項該班未到
并數內拐馬不來官軍通行照名挨挈到官
審實正身牢固枷鎖差委的當人員作急管解
赴部轉送法司問罪畢日拐馬不來者追問原
拐馬匹下落明白俱送營罰操半月中間若有
見行陸續首逃者一体照例送問發落其少軍
領班并親管旗本部行移該營總兵等官照

例徑自查送法司問罪緣掣問犯人數內干碍
軍職未敢擅便具題奉

聖旨是欽此

兵

官馬不許借人及不許騎坐馱載物件事發
罰馬例

成化六年十二月二十五日太子少保兵部尚書白
等於

奉天門欽奉

聖旨各營官軍專喂養操練一徧征戰近年有等管
軍官員阿附勢要將官軍騎操馬匹撥送與人

或跟隨朝參或迎送往來或假以听事并識字
名目占騎或終日於把總等官門首伺候致令
喂養不時損傷倒死負累本軍陪補况官馬閑
時不許帶鞍騎坐及馱載物件已有禁例徇兵
部便出榜申明通行禁約敢有違了的許巡馬
給事中御史并錦衣衛官校五城兵馬連人挈
送法司問罪照例追罰馬匹入官仍將原分撥
官員叅奏究治如是巡馬官員不行用心捉拏
一体治罪不饒欽此

查點下場軍馬

成化十四年八月二十三日兵部尚書余等
題為清理軍伍事據山東濟南府濱州蒲

臺縣批文前事呈往兵部勘合行拘逃軍于泰
到縣供稱第一鄉軍籍見項食糧祖名于許二
克當義勇右衛右所軍因惟原籍不肯供送盤
纏是泰不合與本所千戶顧璘總旗劉俊等
言語若遇造冊之時是必開寫于許二在逃帶
去原籍清勾當有顧璘等依凡九十九次冊內
以逃軍發冊清勾月糧閔支未曾開除成化十
四年五月內是泰因下草場放馬就騎馬匹逃
走來家勒要盤纏先蒙本縣已將本戶逃軍
名字清出行拘戶丁供認間當有里老于鯨等
捉泰到官審問是實除申合千上司轉達外今
差解戶于原管解原逃軍人于泰并騎操馬匹

前赴兵部查審施行等因查得今查得先正

統元年本部奏

准軍政條例內一款在京衛所見役軍人因戶下
不供軍裝妄作事故造冊一槩勾搜將經該官
員具奏掣問係見行定例續該給事中梁景
監察御史費臻等題稱懷柔伯施鑑管領奮
武等一十二營官軍下場收放馬匹貪賍壞法
合行差官查點等因本部奏

准行移兵科并都察院差給事中御史各二員分
投查點外今該前因查得前項勘合成化十四
年二月內發冊清勾忠義右衛右所軍人于許
二與于泰所項軍名于許二所分不同案呈到

部參照忠義右衛右所軍人于許二軍于于泰
因恠央囑本管千戶顧璘總旗劉俊等听從
所屬輒興填冊勾搜戶丁及至下場放馬却又
帶馬迹回俱屬有違况傳聞草場迹回者十有
三四倘遇机調用幾何能濟除于泰已行送問
外欵行見在草場放馬前軍都督府署都督
同知馮昇查提于泰本管隊人員及行忠義
右衛查提千百戶人員顧璘等通送刑部併問
奸弊所由果碍署都督同知馮昇等并該管
指揮等官徑自參奏 提問仍照例行移兵科
并都察院各差給事中御史二員本部差員外
郎主事二員分投馳驛前去草場通將人馬

查點有罪人員就行叅問仍行著定例以後年
分照前差官牧放馬匹半年之內出其不意查
點三四次庶幾奸弊可革馬政足恃等因奉
聖旨是欽此

兵
單丁貧軍免其領養馬匹及禁約將官馬借人
騎坐并在京駢負貨物耕田走遞彼此罰馬听
巡馬御史等官捉拏

一件陳言邊移事弘治二年六月內該兵部尚書馬
等題准通行在京各管提督內外官員着落
在營把總等官及行大同宣府延綏寧夏甘

肅遼東永平山海等處鎮守總兵巡撫官員各
行副參將遊擊分守守備等官各將見操馬
隊官軍逐一查審但有十分艱難及單丁不堪
養馬者就将原領馬匹兌與殷實有丁官軍領
養騎操如有倒失照例追補今有遇有閑給馬
匹務要查勘殷實官軍領養不許接受財物將
馬一槩給與貧難軍士事發把總管隊官員以
枉法治罪仍行南直隸北直隸并河南山東巡
撫都御史着落各該衛所把總領軍官員嚴加
鈐束所管下班軍士不許將原領騎操官馬產
覓與人耕田走逃如有故違送所在官司問罪
畢日仍照例彼此追罰馬匹及令該衛所掌印

官會同領軍官員每月二次点看官軍馬匹廩
 息有無肥壯量加懲治在京仍行都察院并
 錦之衛各行巡馬御史千百戶等官嚴加巡視
 果有雇覓其人及借人騎坐徑自挈問候查
 兌畢日將兌領過官軍姓名馬匹毛齒造冊繳
 部以憑查考 京营把總官私役軍人并賣放
 辦納月錢尅減糧料該降級者邊方立功就彼
 帶俸識字人等賣放作弊調極邊守哨官軍
 逃三次京衛改外衛外衛改邊衛奏討團營官軍做
 工者听科道糾治

一件振肅風紀裨益治道事弘治二年六月內兵
 部尚書馬等題 往內外提督等官每年一

次將本營官軍逐一閱視揀選坐營把總等官并大三營官把總官有不行撫惜軍士私役賣放辦納月錢及侵剋馬料草束賍至滿貫者叅送法司依律問罪照例發落該降級者降級俱發邊方立功滿日就任本處衛所帶俸差操差識字知數人等官作弊受財賣放操軍者事發俱調極邊衛分常川守哨其在逃官軍點選之後若仍前在逃一次二次者問罪畢日發落若再逃三次者不分革前革後京衛官軍俱調外衛外衛者俱調邊衛帶俸操守在京各衛并各營通查操練軍戢旗軍但有年六十以上及雖未到六十衰老殘疾不堪操練但有精壯

兒男俱令替戢替役兒男幼小者優納紀錄無
兒男者軍戢優養軍人送衛應當別差所替
兒男俱送該營操練不許隱占在衛官軍騎操
馬匹每年自十月起至本年三月止再支與草
束一箇月凡有興作工程不許擅自奏討團
營軍士及坐營等官不許將操軍馬匹私
借與人騎坐并常令在宅听候敢有故違許
科道官指實糾劾究治各衛敢有將各營
操軍送撥雜差者事發問擬枉法賍罪其上
下班官軍拖故不來來而不齊頭班都指揮
不行催點并各衛送佐貳官不行送軍者俱
照例施行

兵部一本脩明武備以安內攘外事內開看得
太監張永題開團營見在食糧止有一萬九千
三百六十八匹事故一十三萬九百一十九匹要
從宜俵給一節爲照前項原額馬匹歲久年深
十不能存其一二日巡月死百不能補其二三
良以官軍平時尅料減草兼以顧借倒失已
經奏奉禁例太僕并巡馬司多亦不曾著實
舉行因致積習弊雖有出辦椿朋銀兩亦補
兌馬但累年拖欠椿朋銀兩大多且太僕寺
寄養馬匹有限又兼各邊奏討無時合無行

令該寺省行寄養人戶用心喂養听緩急臨時酌量取兌該營草場銀兩數多內除各項支用尚有羨余亦合行令內外提督會同點開科道官將該營每年支剩餘銀清查的數解送大僕寺相兼樁朋湊兌馬匹給軍騎操仍每上下半年各將原額見在事故馬匹已未出完樁朋并應該任俸官員職名及草場銀兩數目掌號把總官備造冊送部查考仍通行各該提督并點開科道太僕寺等官及錦衣衛五城兵馬司等衙門查照舊例省實查訪奉

聖旨是團營馬匹積弊甚多這清查稽考事宜

都依擬行還通行各該提督并點閘科道太僕寺及緝事衙門五城兵馬司各查照舊着實查訪舉行

兵部一本計奏拐在逃官軍免調外衛以克營伍事內開武定侯郭勛等奏將各年拐馬在逃官軍免其降調把總等官俱免查叅如是則法輕人縱矣但稱官軍或因饑寒疾病無人告官原額馬匹見在者一槩調降又以輕重無別合無今後拐馬在逃官軍限一月以裏出首者免其送問如限外出首及被挈到官俱送

問罪初犯再犯及原拐馬匹見在者責打發落三犯以上原拐馬匹或餓死或變賣不分官軍調外衛外衛調邊衛追馬完日官降一級於見調衛所差操不許管軍管事子孫回衛襲替祖職若官軍偶因馬匹病俱追椿銀或隻身患病無人告官者查勘分豁照常發落再照坐營把總各衛等官平時不能管束撫惜以致官軍在逃數多合無照例半年之內查無在逃官軍者本部類奏犒賞推用如各營千總及各衛掌印官一月之內在逃官軍二十名之上各營坐營官一年之內在逃官軍一百五十名倒馬一百匹之上俱照舊例參問罰治仍通行問刑衙門遵照奉

聖旨是處治拐馬在逃官軍事例既斟酌停當都依擬行

兵

兵部一本乞 恩免給官軍馬匹以供巡捕以便有

警追擊盜賊事奉

聖旨是這官軍晝夜巡邏盜賊变的勞苦此與在營
軍士不同准於附近寄養馬匹內取撥五百匹
給與領騎以便捕盜後不為例朋銀舊規免
徵椿頭兩太僕寺收貯照例量數扣給

賁送馬騾文冊不許擅差軍舍餘違悞

成化十八年十二月十二日兵部尚書張 等題
爲歲報官軍馬騾事照得先該本部議得在京
在外都司衛所官軍馬騾數目合無一年一報
定立限期都司衛所各差有戕役人員賫送赴
部如過限每違十日差來人員送戶部罰用糧
米一石令日不運其經該官司取招具俸令日
俱罰該吏依律問罪等因宣德五年十二月
二十八日該本部官奏奉

宣宗皇帝聖旨是欽此續該本部議得近年以來
天下都司衛所不以軍務爲重多有責差旗
軍舍余賫送前項文冊在途延緩及全違誤
欽限止行本衙門取招住俸

彼因無憑查考以此視為故事累不經意令無通行各處鎮守總兵等項官員并在京在外直隸都司衛所將地方軍馬圖冊務依期差委的當有職役人員覈繳如是開報不明及過違限就將贖冊人員罰運糧米其經該并首領官行移彼處布按二司照例取招住俸該吏提問若係直隸衛所行移巡按直隸監察御史取招具俸提問俱於年終將問過并取招住俸緣由通行類奏具題奉聖旨是欽此續該本部議得前項文冊過違欽限至年終不行造報都司衛所經該掌印軍政并首官吏查提問罪發落中間恐有陞調

爲事等項去任就將接管承行人員計算
到任半年不造一体查問仍將未完文冊催
督造完差人責赴本部交割以後若有造
報賁送違限者照舊運米住俸發落以此
年終不行造報賁送者俱照此例施行具題
成化十五年十二月二十四日奉

聖旨是欽此欽遵限造賁送違限者查照舊
例另行外今照成化十七年分歲報官軍馬
騾文冊北直隸天津左衛限該成化十七年
二月以裏南直隸歸德衛鎮海衛汝寧
崇明沙守禦二千戶所俱限本年三月以裏
雲南都司雲南左等二十五衛所該本年六

月以裏到部今以年終尚未造報案呈到部參
照軍國重務軍馬為急必合周知庶便征調今
北直隸天津等衛所并雲南都司雲南左等
衛所共三十處明知前項歲報官軍馬騾文
冊各有欽限不行造報事屬有違欲照例
行都察院轉行直隸監察御史并各該按察
都司前項司將衛所過違欽限至年終不行
造報文冊經該接管掌印軍政并首領官
吏取問如律照例發落就行催督造完文冊
差人送部交割本部仍通行各處都司衛所
今後賫送前項文冊責差所屬官吏不許擅
差旗軍舍余以致遲誤者一併叅提究問緣

係申明軍政中間干碍提問軍戢民官具題

次日奉

聖旨是欽此

兵

比較馬匹造冊違限官問罪任俸

成化十四年二月三十日兵部尚書余等
題爲故違比較馬匹事該山東行太僕寺題
案查先奉兵部劄付開永樂三年十月內本部
節奉 太宗文皇帝聖旨先因官軍不行用心
孳牧馬匹已命各衛所委官提調兵部如今
行文書與在外衛分知道有行太僕寺去處

着大僕寺委官提調每三年一次造冊比較欽此欽
遵節行比較外今照成化十三年終在通係馬
政重務例該比較合行各太僕寺將逐年開除
新收等項馬匹數目清查明白各另造冊委官
親賫赴京比較限本年十二月以裏赴部仍不
許通違限期劄付寺已經備都司所屬衛所
欽遵造冊類造去後除太原等二十四衛俱於
本年月日不等陸續差人賫冊送寺磨算類
送總冊差人赴京進繳听候比較外惟有高
山衛所本寺累次行催各該官吏公然坐視不
行造冊有誤比較及照山西都按二司官吏明
知兵部奏准三年一次比較自合照依本司原行

事理預先督屬造冊送寺却乃違慢誤事若不
通行察究恐各該都司衛所一槩倣倣不無累
罪所據各都司掌印并管馬及高下等二衛
所僉書官吏俱合行巡按山西監察御史查提
問罪具本該通政使司官奏奉

聖旨兵部知道欽此欽遵案查前事本部已經奏
准通行各太僕寺苑馬寺并在京在外都司衛所
各將騎操孳牧馬匹數目查勘明白分豁舊管
收除實在依式造冊差管馬官親賁依限赴部
比較去後今奏前因參照山西行太僕寺所奏
照得三年一次比較馬匹係是

祖宗舊制今高山并泌州二衛所官吏故違比較於

法合當究治其都行二司掌印并管馬官吏所屬有違碍行都察院轉行巡按山西監察御史將前項行所當該官吏管馬并首領官吏及前項都司管馬并首領官該吏通提問罪照例發落及將都司掌印官取招與前項該問官俱依限違期任俸上緊依式造冊送部比較方許開支以後并其余有犯俱照比例施行庶使人知警惧馬政不廢奉

聖旨是欽此

各邊騎操馬匹開報行太僕寺比較印烙例

成化九年九月十八日兵部左侍郎李 等題
爲陳言申明邊務馬政事該甘肅行太僕寺寺
丞何綏等奏切照洪武年間開設陝西等處
行太僕寺衙門原設卿寺丞等官專一提調馬
政比較孳生

太宗高皇帝彼時深慮武職不諳性理罔遵法度
侮慢寺官卑小不服鈐束故頒

聖旨如今陝西等都司開設行太僕寺總都府行文
書去說與都司衛所知道這各衙門職專提解
馬匹比照孳生但有作弊虧欠馬匹許本寺舉
問品職雖小所掌事重如同御史出巡該管指
揮千百戶衛所鎮撫首領官吏務要將所養一

應馬騾盡數開報。昨從本寺官點視提督。敢有非理抗拒。許本寺官奏聞。拏問。欽此。欽遵。當此之時。設官不繁。法度嚴勵。人多遵守。馬政得行。奈何近年以來。世遠時移。邊方人事更變。馬政俱被都指揮及該管指揮等官玩法欺公。侵奪職掌。且如甘肅行太僕寺設立沙漠極邊之地。孤處勢要。群武之中。有總兵都御史鎮守地方。有陝西行都司都指揮等官管領軍馬。大則衣紫腰金之職。小則原功定議之官。凡於一應馬政及別項窺避情弊。豈容太僕官得以舉行。每遇官廳聚官。或買補茶馬。多多俱要。本寺官員帶領軍牢執印。就於官廳門首印烙其各衛所。

措辦烙印柴薪未至跟隨勢要頭目或旗牌或
刀手人等縱橫四出甚至搶去印信自行印烙
者有之有因印馬不及喝罵戕官有之切思印
馬追補給領自有衙門行移去處似此假買補
陪等項馬匹應該印烙給軍者俱由管操都指
揮等自驗自給全不給本寺知會其或補陪數
內但有好馬致被都司官倚勢將老弱馬匹抵
換有因訪知得過軍人倒死官馬及都指揮等
官將自己馬匹趕赴官廳總兵官處展轉乘
機印烙散與各官名下騎操却乃勒要上等馬
價銀兩入已似此弊病難於枚舉本寺官欲
援例舉行讚榜呼吸立應不惟持權若被凌壓

抑且公務廢弛不能振舉臣等遠在邊陲煩憂
無從申訴所以為政不行弊端實由於此况甘
肅相去京師路徑八千餘里在城五衛食撥廢
瘦瘠瘠跛軍軍余跟隨不堪役使內有一二名慣
熟印烙馬匹者又被衛所無知官員換去別當
差役又無民食皂隸應用亦無欵給馬匹騎坐
遇有緊急應奏事情無由上達臣等痛懷犬馬
之心實無委身之路顧視衙門誠為虛設切
照所屬甘肅左等一十五衛所馬匹數少一年一次
前去印烙比較凡遇各去爽衙門倒死馬匹守
備都指揮等官嚴督買補听候本寺印烙即
令少官多不虛費廩祿乞將寺丞二員革去止

用卿一員督理主簿一員清理文案尚為有
余或照先革去莖馬寺衙門事理將本寺銅
印二顆進繳外有印馬以字鉄印十把劄付都
司委指揮一員戢掌印烙馬匹庶幾快遂各官
并旗牌刁手頭目人心如本寺原係
舊制設立難於更改乞

勅該部多官內推選素有名望歷練老成照依陝
西山西遼東太僕寺事例設立正卿一員前來
管理將臣等放歸田里為民或取回別處叙用
照得舊例設官分職各有所司乞

勅該部照依先年事例遇有官軍騎操倒死馬匹
及印烙等項悉從本衙門追補驗印烙庶幾

事有所歸在外管操官員及旗牌刁手跟從頭目人等無從倚勢欺凌本寺官如有不行遵守以法為奸者律有明條伏望

皇上留意察臣所言思係三邊緊急地方照依太祖高皇帝舊制一應追捕印烙給領等項馬匹仍令本衙門職掌再行巡撫都御史巡按監察御史嚴加禁治都指揮指揮等官不許撓越奉聖旨該部知道欽此欽遵抄出到部叅看得寺丞何援奏要照依陝西山西遼東太僕寺事例設正卿一員及要照依先年事例遇有官軍騎操倒死馬匹并印烙等項悉從本衙門報掌應及行巡撫巡按等官轉行彼處都司嚴加禁治不許

摠越侵擾一節查得宣德四年節該欽奉

宣宗皇帝聖旨舊例官馬轉以餵養操練以備征戰不許閑時帶鞍往來馳逐亦不許馱載物料兩人共騎并婦人騎坐但是傷損倒死的追罰近躰知官軍人等不守法度往往將官馬馱載糧米煤炭并馱私鹽等件負責甚全賃借與人騎坐馱脚等項并不愛惜以致傷損倒死的多恁兵部便出榜去禁約今後有故失草者以致馬匹多被傷損軍士累及買補除累行嚴加禁革外詳其所以蓋因馬數消長皆不經由太僕寺稽考俱各該軍職自行管理任意作弊太僕寺雖設少卿寺丞等官俱各抽手

高坐情然不知衙門徒為空設官員許費廩
祿及照各邊亦有此等之弊乞要通行各處行
太僕寺着落少卿寺丞等官查照原奉
欽依內事理每年輪流分投前去各該衛所團操
去處損癘疾者依律問罪遇有倒失等項者
就便追培堪操馬匹卽烙還官如有豪橫軍
贓抗拒不服提調者徑自奏

請拏問外行各處鎮守守備等官今後操備官軍但
有馬匹倒失者隨即委官驗明白就行太僕寺
知會追陪及將支過料草行移管糧官交
截日扣除還官仍禁管操官員不許擅騎軍
士官馬營幹私家已事及太僕寺官亦不許

似前坐視不理及受財通同官軍埋沒欺隱等因本部又經依擬及備查例通行禁約去後今准前因察照甘肅行太僕寺寺丞何援等所奏要奏違号令的巡掉官同錦衣衛着人解送兵部就追罰馬一匹入官犯人送法司問罪欽此欽遵及查得先該巡撫遼東都察院左僉都御史滕 題照得遼東所屬定遼等衛操備官軍并招集土達領養騎操官馬設有遼東行太僕寺衙門專以提調管理但有倒死損失被盜等項悉由本寺比較買補驗着堪方許印烙還官近來各邊累報声息官軍馬匹倒死損失者多所在官司俱不開報太僕寺

如數追陪皆是各該鎮守守備把總等官責令
買補內有倒失堪操好的被其把總管隊官員
接受賄賂容令買補瘦小不堪馬者止是充數
而矣遇警不得實用及有例前買補馬匹欺
瞞不報只待遇例

有免就便埋沒以為已有之物者有將例後該之馬
捏作革前免追之數者又有馬匹倒失不行申
報上司仍作見在冒支草料者或將自己不堪
馬匹抵喚在官堪操好馬者甚又倚恃官威強
將軍士馬匹騎出山場飛走鷹犬採獵打圍
者或迎送親識客族馱送行李往來者或使
令家人軍伴騎往莊所馱載米糧柴例革去

衙門進繳銅印等項有碍難往并奏都指揮
等官倚勢將陪補等項馬匹該印烙者自驗
自給不由本寺知會作弊等情緣無指實姓
名難以叅究所據要照

舊制追陪印烙

馬匹及行嚴加禁治一節查有前項禁約事理
蓋緣法久弊生奸頑無惧即此一夾被其侵奪
若此則其他管馬衙門不言可知况令邊務
方殷全資馬力若不通行禁革將見在馬匹
愈加消耗緊急恐致誤事合無通行各邊巡撫
巡按等官嚴加禁約今後各該把總都指揮等
官遇有所屬官軍一應騎操倒失等項馬匹俱
要明白各該行太僕寺等衙門知會听從此

較追陪堪中馬匹印烙給操不許輒將不堪馬
匹仍前帶領頭目人等倚勢從橫自給及將自
已老弱等項馬匹抵換乘机印烙圖利肥已本
部仍行各寺着落當該官員務要遵依

舊制不時往來点閘比較追補足數及提督領管
馬官軍用心餽養臆息听候調勻令閑常騎
坐以致傷損其各把總等官中間敢有仍前
倚勢作弊抗拒不服遇有倒失等項馬匹不行
開報本寺知會查考許令巡撫巡按并該寺
官員指實叅

奏寃問庶使法令昭然奸弊以除馬政不致廢弛緩
急得以濟用具題奉

聖旨是欽此

兵部一本應 詔陳言以裨 聖政事內開准
禮部咨送河南道御史葉忠題稱居庸關至
大同一路操馬倒死數多及各邊將領軍官科
役軍士俱切時弊合就開立前件議擬伏乞
聖裁等因奉

聖旨是馬匹近因走差致死的准查豁椿銀官為添
價買補管官有役占剋害情弊着巡撫司嚴加
禁革指實叅奏軍士月糧務要及時開給與他

通行鳳陽淮安等處禁約宰殺耕牛并
有司奉行不至降用例

戶
成化元年十二月三十日戶部尚書馬 等題
為宰殺耕牛事照得順天并南北直隸淮安鳳
陽真保定等府地方今年水旱災傷田禾少收
人頗艱難奏蒙

欽命大臣前去設法賑濟奈因近日以來有等軍
民人等不知感激不惧國法於京城內外分
然宰殺耕牛私家出賣圖利肥己不惟有害
物命抑且致傷和氣若不禁治誠恐日甚一
日宰殺殆盡春農必致缸牛耕種有失恒產
未敢已經奏

淮移咨都察院出榜禁約軍民人等敢有仍
前違犯者許令地方父甲隣佑人等出首挈
送法司究問枷號示衆人皆知懼不敢有違所
據鳳陽淮安滁州等處俱係災傷地方誠恐
亦有此等宰殺耕牛貨賣之人合無本部仍
行都察院轉行各巡撫都御史并巡按御史
一体禁約所在軍民人等敢有將耕牛私自
宰殺食賣者許令地方隣佑人等出首捉
挈到官問罪枷號一箇月示衆滿日依擬
發落若地隣人等隱瞞縱容通同作弊事
發一体究治仍行取堪被災之處中間果
有貧難無牛具種糧之家者仰各該官

司掌印官員設法於附近得過家勸貸起
時耕種俾各安生理不許虛應故事如果該
管官司若有坐視民患不即禁約以致誤
事者許巡撫等官就便挈問如律即係不
稱職數起送吏部照例降用如此庶使官
無怠職牛無妄殺而民獲春耕矣奉
聖旨是欽此

歲報牛隻及帶俸軍職無過管事禁
約冒襲

成化十七年九月二十八日吏部等衙門尚

書等官翁等題為軍務事該漕運總兵等
官赴京及巡撫南直隸兵部尚書都察院左
副都御史王 等將應議事件開奏會同
各部太子太保吏部尚書尹 等議擬開立
前件具題奏奉

聖旨是其余都准擬行欽此

計開

一件歲報牛戰事准南京工部咨屯田清吏
司案呈照得先奉本部咨工科抄出

欽差叅贊軍務都察院左僉都御史盧 題前
事要行衛所將見在孳生及倒死買補等
項牛隻每歲取勘分豁舊管收除實在

備細數目賁繳合于上司收照等因批出到
部欵行五軍都督府各行直隸并在京衛所
在外浙江等都司本部類行陝西等布政
司及行都察院轉行陝西等按察司着落
各該衙門提督管屯官員將各衛所屯種
水黃牛隻逐一設法整治務在停當照例
每年終將舊管收除實在數目差人賁奏
繳正德九年四月二十日本部尚書王等奏奉
聖旨是欽此欽遵外今照成化十八年分在京在外
各該都司衛所屯種水黃牛隻若不預先查
勘造報誠恐各該衛所官吏因循怠慢不行
依期造報及衛所造來文冊並無孳生收報

中間恐有隱瞞埋沒情由合查究

欽依巡撫甘肅等處都察院右僉都御史侯題
一察改過以伸邊官之屈查照先該兵部奏
准今後軍職有為事問發原衛帶俸差操者
在內從兵部在外從監察御史按察司訪察
是實其所犯事由奏

請定奪管事等因通行外近臣巡撫到於西陵等
衛看得官員中間人物老臣成實者恒立
於後年輕戢質弱者返立於前詢其所以蓋
有帶俸管事之人分故也臣訪得甘州左等
一十五衛所官員中間多有為事問發帶俸
差操者其間宜頑庸碌而苟延度日固有

庸加克治而勉於自新者亦多遍年巡按御史
蓋因河東臨鞏洮河岷蘭等府衛俱巡歷地
方止是一欠到於甘州雖有按察司分巡官員
又因地方廣闊詞訟刑名繁多俱合未暇及
此如蒙乞

勅該部計議合無通行各處都司并直隸衛分着
落該管衛所官吏從公查勘本衛所帶俸
差操官員二年之內果有能奉公守法勤於
所事下人信服者即係過自新才堪任用之
人務要開具所犯事由申呈巡按御史并按
察司官處再為訪察是實即具具

奏請定奪管事

前件兵部有例見行

申明私宰耕牛事例

弘治六年五月初六日都察院左副都御史瞿等題為陳言時政事該本院題河南道呈奉都察院劄付准禮部咨儀制清吏司案呈奉本部送禮科抄出鴻臚寺序班郭理奏一件宰牛以重農業臣惟為治以農為本輸載以牛為先使牛有不足則田畝憑何耕輸載憑何運也所謂牛者有功於世有益於人誠為農務之根本私宰耕牛在

律例固有明禁矣奈何近年以來無籍之徒冒律
違例不行遵守殺牛買肉者京城之內連坊
接市無不屠宰大街小巷挑擔叫賣在京
若此在外可知若不禁止販賣者愈多屠宰
者益廣非止民缺其耕宰之用抑且有傷於
天地之和伏乞

聖明以重農為本垂及物之仁如蒙乞

勅該部在京令五城兵馬在外聽軍衛有司嚴加
禁約如有違犯照例問罪如此則愚頑知
所警懼天地之和氣不傷等因具本該
通政使司官奏奉

聖旨該衙門看了來說欽此欽遵欽此送司案

呈到部看得序班郭理所奏一肅慶

賀一遵

成憲事本部另行外所據一遵

制度以禁愚頑等事係隸別部掌行等因
批卑移咨到院備劄到道依奉行准刑部河
南清吏司手本開查得弘治元年九月內
爲興利除害安養軍民等事該本部等
衙門尚書等官何等具題內一件宰殺耕
牛事查得成化二十一年該

御馬監太監羅祥奏

准見行事例販賣牛隻并私開圈店及私宰
耕牛之家地方火甲隣佑人等挈送法司

問擬枷號畢日發遣克軍地隣火甲不舉一
体治罪此例既行人知警惧私宰牛隻者頗
多宜當遵守其天順八年成化五年六年七年
并二十一年三月內都御史朱 等奏
准事例俱各重複人難遵守等因具題節該奉
聖旨是欽此欽遵已經題

准通行禁約去後今准前因查無宰殺耕牛新
行事例等因到道查呈到院看得鴻臚寺
序班郭理奏要乞

勅該部在京令五城兵馬在衛听軍衛有司嚴加
禁止合無照依弘治元年九月內刑部等衙門
尚書等官何等奏

准見行事例仍再通行內外衙門照依嚴加禁約如此則法令嚴明人易遵守緣係陳言時政及申明通行禁約事例并奉

欽依該衙門看了來說事理未敢擅便具題奉聖旨是欽此

贖罰牛隻送太僕寺喂養供應例

成化六年十一月初六日太子少保兵部尚書白等題為供應等事據太僕寺呈備順天府大興縣申准本縣管馬主簿王海牒於季報冊內止查有寄養贖罰黃犍牛二隻拘

取到贓者驗俱老弱瘦小不堪難以送用別無
選取移牒本縣申報到寺又據宛平良鄉等
縣亦申無堪用牛隻係于供應之數呈乞照詳
定奪施行等因送寺案查先該

內府供應庫署庫事內官監太監高儀題稱打
造香油拽磨碾中間陸續倒死老弱瘦損
不堪馱共一百二十五頭牛一十六隻要行照例
換補等因具題欽奉

聖旨是兵部知道欽此欽遵本部已經劄仰本寺
照數行取徑送交用去後今該前因案呈到
部參照所呈順天府所呈查合屬寄養贐
罰牛隻俱各老弱瘦小不堪送用別無選

取要行定奪一節緣前項贓罰牛隻俱係法
司送工部作屯牛之數今既發順天府寄養
緣不經由太僕寺作數以致瘦弱不堪選用
查得兩京太僕寺所屬孳生牛隻數多合無
行移兩京兵部轉行南京太僕寺於所屬鳳
陽等府孳生牛內牛隻數多選取堪中力壯
牛五十隻差委的當人役管押沿途應付草
料定限次年二月終解部轉送太僕寺看驗
明白內將一十六隻送赴

內府供應庫交收應用余剩牛隻發順天府寄
養以備取用本部仍行法司今後遇有一應贓
罰牛隻俱送本部轉送本寺發屬喂養

聽候選取應用若是養戶不行用心餵飼致有倒失等項照例買補還官俱題奉聖旨是欽此

贖罰牛隻送兵部轉發餵養

飼

成化九年十一月初九日兵部尚書白等題為供應事據太僕寺呈備應天府大興縣申合無本部仍行法司今後遇有一應贖罰牛隻俱送本部轉送本寺發屬喂養聽候選取應用若是養戶不行用心餵飼致有倒失等項照例買補還官奉

聖旨是欽此

[G e n e r a l I n
f o r m a t i o n]

书名 = 中国明朝档案总汇
8 5

丛书名 =

作者 = 中国第一历史档案
馆，辽宁省档案馆编

出版社 =

出版日期 = 2 0 0 1 . 0
6

形态项 = 4 8 4

页数 = 4 8 4

原书定价 = 5 8 0 0 0
. 0 0

读秀号 = 0 0 0 0 0 7 4
5 4 1 5 6

SS号 = 1 2 2 2 5 4 2
7

ISBN = 7 - 5 6 3
3 - 3 1 7 6 - X /

K 2 4 8 . 0 6 3

分类号 = 1 1 0 3 0 4 0

4 0 8 & s w = D 6 D 0

B 9 0 X 1 . 1 2 C 2 8

0 P - 9 9 4 3 7 B 3 -

0 X 1 . 6 F E 8 8 0 P

- 1 3 5 F B 5 B 5 B 0

B 8 D 7 D C B B 2 . 6

3 6 8 5 1 E - 3 0 8 3

+ 8 5

主题词 =

参考文献格式 = 中国第一

历史档案馆，辽宁省档案馆编．中国明朝档案总汇
8 5．南宁市：广西师范大学出版社，2 0 0
1．0 6．

简介＝全国古籍整理出版规划领导小组资助出版：
《武职选簿》是记载明代京内外各卫所职官袭替补选情况的登记簿，本册收“五军都督府所属卫所．后军都督府．万全都司．开平卫”等。

封面
书名
目录
正文

[G e n e r a l I n
f o r m a t i o n]

书名 = 中国明朝档案总汇
8 5

丛书名 =

作者 = 中国第一历史档案
馆，辽宁省档案馆编

出版社 =

出版日期 = 2 0 0 1 . 0
6

形态项 = 4 8 4

页数 = 4 8 4

原书定价 = 5 8 0 0 0
. 0 0

读秀号 = 0 0 0 0 0 7 4
5 4 1 5 6

SS号 = 1 2 2 2 5 4 2
7

ISBN = 7 - 5 6 3
3 - 3 1 7 6 - X /

K 2 4 8 . 0 6 3

分类号 = 1 1 0 3 0 4 0

4 0 8 & s w = D 6 D 0

B 9 0 X 1 . 1 2 C 2 8

0 P - 9 9 4 3 7 B 3 -

0 X 1 . 6 F E 8 8 0 P

- 1 3 5 F B 5 B 5 B 0

B 8 D 7 D C B B 2 . 6

3 6 8 5 1 E - 3 0 8 3

+ 8 5

主题词 =

参考文献格式 = 中国第一

历史档案馆，辽宁省档案馆编．中国明朝档案总汇
8 5．南宁市：广西师范大学出版社，2 0 0
1．0 6．

简介 = 全国古籍整理出版规划领导小组资助出版：
《武职选簿》是记载明代京内外各卫所职官袭替补选情况的登记簿，本册收“五军都督府所属卫所．后军都督府．万全都司．开平卫”等。

封面
书名
目录
正文